

مَسْرُوحِيَّة

بلدی یا بلدی



الدکٲور رشاد رشدی

S
C
89
F

بلدى يا بلدى

تأليف
م. ك. عبد الله
م. ك. عبد الله

ملزم الطبع والنشر
مكتبة الأنجلو المصرية
١٦٥ شارع محمد رشيد - القاهرة

المطبعة الفنية الحديثة
٤٠ شارع الأصمعي بالبريتون ن ٨٦٤٨٧١

هذه المسرحية

- عرضت هذه المسرحية فرقة مسرح الحكيم في ٢١ نوفمبر سنة ١٩٦٨ ، على مسرح محمد فريد بالقاهرة .
- قام بإخراج المسرحية الأستاذ جلال الشرفاوى .
- وضع ألمانها الأستاذ زكريا المجاوى .
- أنشدت الألمان بمصاحبة الكورال :
السيدة خضرة محمد خضر .
والسيدة فاطمة سرحان .
- قام بالأدوار الرئيسية :

الأستاذ حمدى غيث	في دور السيد البدوى
الأستاذ عبد الله غيث	في « الملوانى
السيدة سهير البابلي	في « فاطمة بنت برى
الأستاذ عبد الحفيظ التطاوى	في « الحاوى أبو الذهب
الأستاذ أنور اسماعيل	في « متولى
الأستاذ محمد نوح	في « الراوى رقم ١
الأستاذ فاروق نجيب	في « الراوى رقم ٢
الأستاذ حسين الشربيني	في « حسن الفطاطرى
السيدة ميرفت سعيد	في « زين أبوها
السيدة تهانى راشد	في « روحية
السيدة عواطف حلمى	في « عجيبة
الأستاذ فؤاد أحمد	في « أبو بطرطور - القاضى العادل
الأستاذ عادل بدر الدين	في « نعمان
الأستاذ عبد المنعم عطا	في « قر الدين

- يدين كاتب هذه المسرحية لكل من أحب مصر وحاول تصويرها ...
المقرئى وابن لياس والدكتور حسين فوزى والدكتور سعيد عاشور
وأصحاب المواويل والأغاني الشعبية الملهمة.

بلدى يا بلدى

مسرحية في ثلاث فصول

الشخصيات :

السيد أحمد البدوى ٥٠ سنة

الشيخ عبد العال ٤٠ سنة

بعض مشايخ السطوحيين

متولى ٣٠ سنة

الشيخ ركين ٥٠ سنة

السلطان ٦٠ سنة

بعض أتباعه

بعض عساكر الأمير

الراوى رقم ١

الراوى رقم ٢

الملوانى لا عمر له

الفطاطرى حسن ٣٠ سنة

الفطاطرى حسين ٤٠ سنة

الحاوى أبو الذهب ٤٠ سنة

الحاوى أبو العجب ٥٠ سنة

ضاربة الودع زين أبوها ٣٠ سنة

ضاربة الودع منار ٤٠ سنة

المنادى ١

المنادى ٢

عجيبه ٣٠ سنة

روحيه ١٨ سنة

السنجق ٦٠ سنة

بعض عساكر السنجق

الدرويش ٤٠ سنة

المنشدة رقم ١

المنشدة رقم ٢

كورس

لاعب الناي

الفصل الأول

مولد السيد البدوي بعد وفاته بمائة سنة أى منذ ٧٠٠ سنة . .
الوقت ليلا . .

ساحة من ساحات المولد يبدو فيها جزء صغير من قهوة بلدى وعربة يد
لقطاطرى عليها القرن وتحتها الموقد مشتمل الناس داخله وخارجه تمر بالساحة
وعلى بعد نسمع أصوات تردد . . الله . . الله . . الدفوف تدق على بعد وتختلط
بأصوات صاجات الرقص ونغم الناي الذى يكاد لا ينقطع . .

باقى على انتهاء المولد ثلاث ليال . . . وفى هذه الليلة المولد قد بدأ ولكنه
لم يصل إلى قمته بعد . .

عندما يرفع الستار نرى المالوانى يجلس فى ركن مظلم من القهوة وعلى الأرض
يجلس أحد الدراويش . . وفى مقدمة المسرح يجلس الحاوى أبو العجب وإلى
جواره عدته يبدو عليه الملل والكسل منار ضاربة الودع زوجة أبو العجب تجلس
على الأرض فى ركن فى مقدمة المسرح أيضاً تقرأ الرمل ولكن بدون زبائن . .

الدرويش (بصوت عال ممدود) : وحّدوه .

المالوانى (وهو يترك مكانه فى القهوة متقدما من منطقة الضوء . . بصوت عال

كمن يطلب إحسانا) : بلدى يا بلدى . . بلدى . . . يا بلدى

مبار (تقدم من الملواني) : الصوت ده مش غريب على ...
(تئين وجهه مندهشة) الملواني ؟ إزيك ياملواني ؟

الملواني . (مسترا دون أن يبدو عليه أنه لاحظها) : بلدى
يا بلدى ... أنا بلدى أروح بلدى

منار : ما انت فى بلدك .. مش دى طنطا الى سبت مصر
عشانها ؟ عاوز تروح فين تانى ؟

الملواني (ببساطة) : عاوز أروح بلدى ..

مبار : انت إيه الى جرى لعقلك ياملواني ؟

الملواني (مردداً دون فهم) : ملواني ..

مبار : يا نهار اسود ... الرجل مش عارف هو مين
(ملثفة إلى أبو العجب) أبو العجب ! مش هو ده الملواني والامش هو !

أبو العجب : هو

مبار : آمال إيه الى جرى له ؟

أبو العجب : إيه الى أخرك انتى فى مصر ؟ فاضل على اللولد
ثلاث ليالى ..

منار : شيل الله يا سيد .. مش قتلوا السلطان و عملوا ابنه سلطان .
عيل بتاع سبع سنين يا كبدي ما يبطلش صراخ شافهم وهم
بيقتلوا أبوه من ساعتها يبصرخ . . يقولوا اجن . . والناس ليل
نهار واقفة تحت القصر تسمع صراخ السلطان
الملواني : بلدى يا بلدى . .

حسين : (يدخل مباشرة ويتجه نحو منار . وبصوت عال) :
خاله منار . . . ماشفتيش غريبه ا ما هيش فى مصر ؟ ما هيش
هناك ؟ ما هيش هناك ؟

منار : ما أنا سيياها معاك هنا . .
حسين : ما هيش هنا . . . ما هيش هنا . . . خطفوها . . خطفوها
وأنا نايم . .

الملواني : (متقدما منه . . بغضب وصوت عال) : وتسيبهم
ازاى يخطفوها ؟ لإمراتك أم عيالك . .
حسين : كنت نايم . .

الملواني : وتنام ليه ؟ تنام ليه ؟

حسين : (سارخاً) : مش حانام تانى . . أنا ماعدتش بانام . . .
ماعدتش حانام . .

الملوانى (منصرف عنه وكأنه لم يكن يحدثه ولا علاقة له به منشدا بصوت
مرتفع) : بلدى يا بلدى .

منار : مصايب إيه دى ؟

أبو العجب : يامنجى .

الدرويش : وحدّوه .

متار : ازاي حال الشغل يا أبو العجب !

أبو العجب : كل ليلة لعبة جديدة . .

منار (مقاطعة) : الحمد لله . ربنا . .

أبو العجب (مقاطعاً بحدة وصوت عال) : لعبة جديدة بتبوظ

بين إيدى . .

منار : يامصيبة سوده . . .

أبو العجب (مستمراً) : الناس تشاور علىّ وتقول دامش

حاوى . . دانصاب . . نصاب . . (مشيراً إلى نفسه) .

منار : أبو العجب ؟

أبو العجب : ما بقاش أبو العجب . . . خلاص . . . ماعادش
بيعرف يعمل العجب . .

الملوأنى (كأنه فى حالة نبوءة . عند كل مقطع يتقدم إلى الأمام خطوة وهو
يصيح) :

يحكى أن . . . (بصوت عال ثم وقفه) .
يحكى أنه . .

كان فيه جنيته . . جنيته كبيره .

جنيته الله (كالمجنوب) .

وكان فيها شجر . . شجر كبير .

شجر كثير . . (وقفه) .

شجر الله (بصوت عال كالمجنوب) .

وعلى الشجر كانت فيه عصافير .

عصافير كثيرة . . بتطير . .

عصافير الله (بصوت عال كالمجنوب) .

(وقفة كأنه يتذكر)

وبعدين جه واحد صياد

ضرب فى العصافير

أول يوم ضرب فى مايه

وتانى يوم ضرب فى ألف

وبعدين ضرب فى ألفين

فى آخر يوم . . (وقفه)

الشجر كله وقع . . مات .

(وقفة قصيرة)

والعصافير فضلت زى ما هي

لكن ماعادتش بتطير . .

عصافير الله . .

ماعادتش بتطير (صارخا)

الدرويش : حى . .

للمقادی (داخلا . . شيخ عادى وليس منادياً رسمياً يتكلم كمن يعلن

الأخبار وبدون أى انفعال) :

يامسامين . . يامسامين .

الكرب زاد

الكفار أخذوا المنصورة

وبيقتلوا في العباد

(يخرج ويسمع صوته بعد خروجه)

منار (كن تقرأ الغيب) : الكرب حيزول . .

حسين : امتى ؟

منار (كن تقرأ الغيب) : بعد ثلاث ليالى . . لما ينتهى المولد . .

الدرويش . . حى . .

أبو العجب : الرمل يقول كده ؟

منار : الرمل ماييقولش حاجه . . الناس هى اللى بتقول

أبو العجب : الفاس ؟ (يلوح بيديه ويسير مبتعداً عنها) .

[تقترب أصوات : الله . . . الله . . . ودقات الدفوف]

منار : المولد اشتد . . . بالله كل واحد يشوف شغله

(تنادى) . . نبين زين ونخط الودع . . .

(يدخل بعض الناس .. الفطاطرى حدين يدفع عربته إلى مؤخرة المسرح وكذلك يتجه الحاوى أبو العجب ثم يدخل الموكب)

كورس : الله .. الله .. الله .

المنشدة رقم ١ : يا حي .. يا قيوم .. يا حنان ..

كورس : الله .. الله .. الله ..

المنشدة رقم ٢ : يارب .. يارحم .. ياسلطان .

كورس : الله .. الله .. الله .

(يدخل أحد الدراويش ينشد ويصاحبه العازف على الناي وهو فلاح بسيط
محب أن لا يبد وأنّه يصاحبه)

الدرويش (منشدًا) : إزاي ما أبكيش وأنا كلى خطا وذنوب

وحاربت ربى بمصيانى وكلى ذنوب

يا ولى منه وياشومى وأنا مكروب

يكشف ستايرى ووجهى من خطايا يدوب

خدوه على النار عصانى كثير وكله ذنوب

يارب عفوك . أنا الجانى أنا المعيوب

أنت الكريم الذى تغفر خطا المعيوب

وقفت ع الباب وجايلك يا إلهى أتوب

تفتح لى باب الرجا بحق جاه النبى الحبوب

[يدخل الراوى رقم ١ والراوى رقم ٢ كل منهما يحمل ربابة . . يتجه الأول إلى يمين المسرح ويجلس ويتجه الثانى إلى يسار المسرح ويجلس]

المنشدة رقم ١ (بابتهاى وصوت عال) : يا مغيث من عصاه . .
المنشدة رقم ٢ (بابتهاى وصوت عال) : أغثنا . . أغثنا . . أغثنا .
كورس : يا الله . . يا الله . . يا الله .

المنشدة رقم ١ (مع الكورس) : يا مغيث من عصاه . .
المنشدة رقم ٢ (مع الكورس) : أغثنا . . أغثنا . . أغثنا .
كورس : يا الله . . يا الله . . يا الله .

المنشدة رقم ١ : يا حى يا قيوم يا حنان
كورس : الله . . الله . . الله .

المنشدة رقم ٢ : يارب يارحمن يا سلطان .
كورس : الله . . الله . . الله .

(يخرج الجميع ومازال الكورس يسم)

الرواى رقم ١ : سبحوا من لا ينام

وصلوا على خير الأنام

محمد بن عبد الله

عليه الصلاة والسلام

قال الراوى ياساده يا كرام
كان فى مصر فى تلك الأيام
أيام سيدى أحمد البدوى الإمام
سلطان لسكن ليس كباقي السلاطين
كان سلطان بالاسم فقط
أما بالفعل فما كان يقدر يعمل شىء
جنب الممالك العبيد الحكام
والوزير الأرمنى بهرام
فهؤلاء كانوا يحكموا البلاد
ويعيشوا فى الأرض فساد . .
قال الراوى ياساده يا كرام
لما بلغت مسامع السلطان
سيرة سيدى أحمد البدوى
السيد الشريف الإمام
الملمم القطب القدسى
محبيب الأسارى - الصامت الغضبان

أبو الفرج مهارش الحرب
البدوى العطاب
الفتى أبو الفتيان
وكيف كان غيابه أكثر من حضوره
لا يأكل ولا يشرب ولا ينام
شاخص يبصره إلى السماء
وعيناه كأنهما شحمتان . .
قال الراوى ياساده يا كرام
ولا يحلى الكلام إلا
بذكر النبي عليه الصلاة والسلام . .
إن السلطان لما سمع
بسيدي أحمد البدوى
سر خاطره وانشرح صدره
لكن ما هى إلا أيام
حتى أصبح الحال غير الحال
إذ أن بعض اللثام
راحوا للسلطان وقالوا له :

الناس اجتمعت حوالين أحمد البدوي

خلق كثير ويوم بعد يوم يزيّدوا

سألهم السلطان :

وييلهم حواليه ليه ؟

تفتكروا عايز إيه ؟

ردوا وقالوا :

للك يامولانا

السلطان سألهم :

أى ملك ؟

ردوا وقالوا :

ملكك يامولانا

فى خطر

لأن ده هو اللى بيريده . .

* * *

حاشالله ياساده يا كرام

كل اللى قالوه كان زور وبهتان

فسيدى أحمد البدوي

ما كان يهيمه ملك ولا سلطان

وما كان بحاجة إلى أىّ إنسان
ويشهد الله أنه كان ينام ليله
بالجوع شبعان
وبالبرد دفيان . .
لأن قلبه كان بنور الحق
عمران . .

وسيدى أحمد ما كان
جائ يأخذ
كان جائ يعطى
يعطى للناس
الى فقدوه
ويذكرم
بالى نسيوه
ويفتح لهم الباب
الى بأيديهم قفلوه
ويصحتى فيهم
الى مات ودفنوه

وعشان كده التَّـقُّوا
 حواليه وحبوه
 كانوا لما يشوفوه
 يعرفوا أن كان عندهم
 كنز وفقدوه
 أو يمكن ماكانش عندهم
 لكن ضرورى يلاقوه
 الأمل فى شىء ضائع
 ما عادلوش وجود
 الأمل فى باب
 أصبح للأسف موصود . .

.

هى دى الحقيقة بإسادة يا كرام
 لكن الزور والبهتان
 قاد فى صدر السلطان
 لهاليب من النار
 فبات ليلته مهموم

ما يغمضواوش جفن
مقبوض مختار
ولما طلع النهار
جمع عساكره ورجالته
وسار بيهم إلى طغطا
متولى الغربية الهام
أحد تلاميذ السيد أحمد الإمام
سمع بقدوم السلطان
جمع رجالته وهرع إلى
الفتى أبو الفتيان . .
وكان هذا ياسادة يا كرام
مفد مائة عام
بالكمال والتمام

يطلقاً النور على الراوى ومنظر المولد كله . . ويبدو لنا المنظر التالى : فوق
سعالوح بيت الشيخ ركين فى طنطا . . بساطة متناهية فى كل شىء . . السيد البدوى
صامت شاخص إلى السماء وإلى جواره الشيخ عبد العال ومتولى .
متولى : سىدى . . بماذا أجبت ؟

السيد : أنت غير قادر على حمايتي
متولى : لكنى لست وحدى إن معى رجالا كثيرين
السيد : هل يقدر رجل من رجالك على حماية نفسه ؟
متولى : طبعاً ياسيدى لإنهم رجال أشداء .
السيد : مرهم إذن بأن يحموا أنفسهم .
متولى : إني لا أفهم . .
السيد : لأنك لا تعرف . . . عرفه يا عبد العال
(بصمت ويشخص بعصره إلى أعلى)

متولى : سيدى . .

(السيد لا يجب)

متولى : سيدى . . . إن السلطان يخشاك . . . وأنا أخشى
عليك منه . .

السيد : والله ما يملك السلطان لنفسه نفعاً ولا ضرراً ولا موتاً
ولا حياة فكيف يملكها لغيره ؟

متولى : سيدى . . انت لا تعرف السلطان . . إنه . .
(يدخل السيف وبعض الرجال ويتبعهم السلطان وحاشيته)

السلطان : السلام عليكم ..
السيد : وعليكم السلام .. لقد كبذتم أنفسكم مشقة السفر
فمعى أن يكون المسعى خيراً ..
السلطان : جئنا لكى نبصر بأعيننا ما سمعناه بأذاننا ..
السيد : وماذا أبصرتم ؟
السلطان : ببابك خلق كثير .
السيد : هذا ما رأيتموه .. ولكنكم لم تبصروا شيئاً ..
السلطان : لم جاء كل هذا الخلق يسعى إليك ..
السيد : حاشا لله ياسيدى .. أنا الذى يسعى إلى الخلق ..
السلطان : أريد إجابة على سؤالى .. لم تسعى الناس إليك ؟
السيد : لقد أعطيتك الإجابة ..
السلطان : لأنك تسعى إلى الناس .. ولكن كيف هذا
وهم وقوف ببابك ؟
السيد : بل أنا الذى أقف ببابهم ..
السلطان : وانت فى مكانك لم تغادره ؟
السيد : مكانى فى أن لا يكون لى مكان .. فى أن أكون مع
كل واحد منهم .
السلطان : كيف يمكن هذا ؟

السلطان : سواقى الحب يامولاي تدور على البحر ..
تابع السلطان : سله يامولاي إذا كان حقاً لا ينام ..
السيد : وكيف أنام والناس فى كرب ؟
السلطان : وماذا أنت صانع لهم ؟
السيد : الصانع هو الله .. لا أحد يملك أن يصنع شيئاً ل أحد ..
السلطان : فيم تسعى إلى الناس إذن ؟
السلطان : حتى أخلص نفسي من نفسي ..
السلطان : لكى ؟
السيد : لكى لا أكون فيكون غيرى ..
السلطان : هذه هى الحكمة التى تسعى إلى أن تعلمها الناس ؟
السيد : ليتنى أستطيع أن أعلم الناس ولكن مدى علمى أنى
لا أعلم شيئاً .
السلطان : ومع ذلك فهم يأتون إليك ويقفون ببابك بالألوف .
تابع السلطان (عنراً) : سيدى .
السلطان (مستمراً) : أما أنا فقيماً عدا أصحاب الحاجات لا أحد
يقف ببابى .. أنا ملكهم الذى ... الذى يملك كل شىء ..

السيد : الطريق إلى أن يملك الإنسان كل شيء هو أن لا يملك
أى شيء .. أى شيء .. حتى هذه النفس (مشيراً إلى نفسه) .

السلطان (وقد بدأ يتغير) : كيف .. كيف وصلت إلى
ما وصلت ؟

السيد : لكي تصل إلى نفسك اختر الطريق الذى لا وجود
فيه لنفسك ..

السلطان : (متأملاً) : هذا كلام غريب .. (وقفة) وطريق
النجاة أيها الشيخ ؟

السيد : ليس بعيداً .

السلطان : أين نجده ؟

السيد : حيث لا نوجد ..

السلطان : أين ؟

السيد : داخل نفسك .. أنظر إليه وأمعن النظر تبصره ..

نور الله لا يعرفه إلا من عرف الله ..

السلطان (مرتاحاً) : هذا كلام غريب ..

تابع السلطان (محتجاً) : سيدى ..

السلطان (لرجاله) : هذا ولى من أولياء الله .. جاء ليعطى

لا ليأخذ... (السيد) ساحفنا ياسيدى واجعلنا من بركاتك ...

السيد : ومن أنا حتى أسامح عبداً مثلى ؟

تابع السلطان (محتجاً) : هل سمعت ما يقول يامولاي ؟

السلطان : نعم سمعت .. إنه كلام قريب العهد من الله .

[يقبل يد السيد البدوى فى خشوع وبمضى إلى الباب .. يقف ويستدير فى مواجهة السيد]

تابع السلطان (متقدماً من السيد) : مولاي غير رأيه ؟

السلطان : بى حزن شديد وشوق أشد ..

تابع السلطان (عذراً) : سيدى ..

السلطان (مستمراً بخشوع يكاد يبلغ درجة الهمس) :

أود لو أصبح نبعاً صافياً

لا يسمع له صوت أو همس

إذن لا تشق الصخر وحدثت المعجزة .. (يخرج مسرعاً) .

السيد : سلام الله عليك .

[يطفأ النور فى السطح ويضاء فى الشارع أمام بيت السيد البدوى حيث نرى السلطان يمر أمام البيت مطأطأ الرأس يسير بخطى ثقيلة بين صفين من الناس وقد انحنوا .. بمجرد أن يخفتى السلطان نسمع الناس يتكلمون]

رجل ١ : السلطان خرج خاشع من عنده ..

رجل ٢ : حزين .

رجل ٣ : أنا سمعته يطلب النجاه من سيدي أحمد

رجل ٤ : (متدهماً) : حتى السلطان ؟

رجل ٣ : أنا سمعته يودني .. كنت واقف على السلم ..

تترد هذه العبارات غلى ألسنة الناس الواقفين رجالا ونساء

إمرأة ١ : حتى السلطان ؟

رجل ٥ : السلطان كان ؟

رجل ١ : ويروح فين السلطان جنب سيدي أحمد

رجل ٢ : الى غير الشعير عمله قبح

رجل ٣ : ودعا على الأمير أصبح فقير

رجل ٤ : ودعا للفقير صار أمير

رجل ٧ : خلصنا ياسيد (مبتهلا)

رجل ٤ : نجينام الى احنا فيه

إمرأة ١ : بحق جاه النبي

إمرأة ٢ : تفتح لنا بابك .

رجل ٧ : خلصنا ياسيد

الجميع : الله .. الله .. الله ..

تمخفت الاصوات تدريجيا الى أن تخفت تماما وعند ذلك يسلط الضوء على المولد والراوى .. ونرى نفس الناس الذين كانوا أمام بيت السيد البدوي يعمرون أماننا على المسرح ليقولون شيئا

ولكن أجسامهم تهتز بأنغام الذكر وهناك أصوات دفوف بعيدة ونأى قريب
جداً . . بمجرد مرور الناس فى حلقة الذكر الصامتة أمامنا على المسرح يبدأ
الراوى رقم ١ فى الكلام

الراوى رقم ١ : ونعود بإساده يا كرام

إلى متولى الغريبة

الفتى الشهم الهمام

وما جرى بينه وبين

سيدى أحمد البدوى

فبعد ما خرج السلطان

متولى كشف لأبو الفتيان

عن سر كبير وخطير . .

قال له انه جمع خمسين ألف راجل

كاملين العدة والعتاد

عشان يروح بيهم مصر

ويخلص البلاد من الظلم والفساد

وطبعاً سيدى أحمد كان موافق

لكن كان رأيه الانتظار ..

ليه ؟ ضرورى كان فيه اعتبار.

[يطفأ النور على الراوى ويسلط مرة أخرى على سطح بيت الشيخ كين حيث
تري السيد البدوى ومتولى]

متولى : سيدى - التتر فى غزه والروم فى دمياط والماليك فى
الحكم وبهرام الأرمنى فى كرسى الوزارة .. والناس أصبحوا عبيد
كل هؤلاء .

السيد : وأنت تبغى تحريرهم .. وأنا كذلك .
متولى : فيم إذن تطلب منى أن أنتظر ؟ لقد جمعت جيشاً
من الرجال الأقوياء ..

السيد : الجيش لا يكفى .. ربما استطاع تحرير الأرض من
الغزاة ولكنه لا يملك تحرير أصحاب الأرض ...
إن شيئاً ما قد انطفأ فى قلوب الناس ويجب أن يشتعل .. عندئذ لن
يستطيع التتر أو الروم أو قوى الشر كلها أن تقف أمامهم ..

متولى : أنا معك باسيدى . ولكن الأمور تسير من سيء
إلى أسوأ .. وكلما ساءت الأمور زاد توا كل الناس وأمعنوا
فى الاستسلام .

السيد : ربما كنت على حق فإذا طالت الظلمة تعودتها العين

واستحالت رؤية النور .. (وقفه) ومع ذلك فما زلت أرغب في
أن تنتظر ..

متولى : مم تخشى ياسيدى ؟
السيد : أخشى من نفسك عليك .
متولى : إذا كنت تقصد حب الدنيا فقد تخلصت منه بفضلكم .
السيد (متأملاً) : دائماً التأثير الفضبان للحق ... هذا
أنت يا متولى .

متولى : وسأظل كذلك ياسيدى ...
السيد (مستمراً) : ولهذا اجتمعت القلوب حولك .. أنت
أمل يا متولى ..

متولى : وسأحقق الأمل بإذن الله ..
السيد (بعد فنة قصيرة) : هلا اختبرت نفسك أولاً ؟
متولى : ليكن ما أنا قادم عليه اختباراً للنفس ..
السيد (فزعا) : لا لن يكون من اليسير احتمال ما يحىء به
الفشل .. اختبر نفسك بعيداً عن الناس ... هذا حق لك ...
لكن ان تفشل ويفشل الكل معك فسوف تشتد الظلمة حتى
تعمى البصر ..

متولى : لا تخشى شيئاً يا سيدى

السيد : انتظر يا متولى .. اسمع الكلام وانتظر ..

متولى : قل لن يصيبنا إلا ما كتب الله لنا ..

السيد : مادمت لا أستطيع أن أمنعك كن إذن على حذر ..

متولى : إن أعدائى ..

السيد (مقاطعاً بحدة) : احذر الصديق قبل العدو ..

متولى . الصديق ؟ من ؟

السيد : رجالك ..

متولى : ليس بين رجالى من يمكن أن يخوننى ..

السيد : ليس هذا ما أعنيه .. انت بسبيل تحرير الناس

ورجالك أعوانك فى ذلك ..

متولى : نعم وهم قادرون ..

السيد (مقاطعاً بنضب) : لا .. الذى يملك تحرير غيره هو

الذى عرف كيف يحرر نفسه .. ورجالك لم يتحرروا بعد ...

إنهم عبيد أنفسهم ... انتظر يا متولى ... اسمع الكلام وانتظر ..

متولى (وهو يلثم يد السيد) : سيدى .. لقد جمعت رجالى ..

اجعلنا من يركائك (يخرج)

السيد: لا حول ولا قوة إلا بالله ..

[يطفأ النور ونعود إلى مولد السيد البدوي والراوي رقم ١]

الراوي رقم ١ : وهكذا ياساده يا كرام

خرج متولى الهمام

على رأس جيشه

وأعوانه من الفتیان

جاعلين هدفهم

مصر ورأس الكافر

الأرمني الوزير بهرام

فصلوا على النبي

زين الأنام

وزيدوا النبي صلاه

تكرموا ياساده

يا كرام ..

بعض الرجال (يرون بالمرح وهم ينشدون على دقات الدفوف) :

صلى الله عليه وسلم .. صلى الله عليه وسلم .

[بمجرد خروجهم يسلط الضوء على الراوي رقم ٢]

الراوى رقم ٢ : وفى مصر ياساده يا كرام
لم تكن الأحوال على ما يرام
الملوانى (داخلا بصوت عال واتزعاج) : بلدى يا بلدى .. بلدى يا بلدى.
الراوى رقم ٢ (مستمراً بعد مرور الملوانى على المسرح وخروجه) :

كان المالك العبيد
هم الحكام
ومعهم الأرمنى
الوزير بهرام
وفى يوم من الأيام
جنب باب زويله
وجدوا أحد المالك
العبيد الحكام
مقتول
فياويل المصريين
من الانتقام ..

[يسلط الضوء مباشرة على ساحة فى القاهرة . وراء الكواليس نسمع
كورس ديفى يشد فى سرعة متصاعدة : ياخنى الالطاف مجنا مما تخاف .. ويستمر
هكذا الى أن يبدأ الشينخ خلوصى كلامه .. وعلى المسرح نرى مجموعات من الناس

رجال ونساء وأطفال تجرى مذعرره ويجرى وراءهم بعض الممالك .. أحداً المالك
يخطف صنية من على رأس بائع متجول .. ومملوك آخر يحاول طعن أحد الأهالي
يسكن وآخر يمزق ثياب رجل عجوز .. وآخر يخطف طفلاً رضيعاً من على كتف
أمه وهكذا .. إلى أن يسكت الموكب الديني الذي نسمعه ولا نراه وفي نفس الوقت
يخف زحام الناس على المسرح

الشيخ خلوصي (داخل وهو يصيح في الناس) : كلب وأتقتل ..
إيه يعني .. يا ناس اثبتوا .. خايقين من إيه ؟ احنا عددنا أكبر من
عددهم .. واحنا أصحاب البلد .. احنا اسمعوا بس .. ما حدش عاوز
يسمع .. طيب اقفوا ما تجروش .. (يرى أبو الذهب الحاي داخل)
.. أبو الذهب ؟

أبو الذهب : تعالوا يا ناس .. بصوا يا ناس .. جلا جلا ..
مش دي بيضة ؟ راحت فين البيضة ؟ البيضة بتمشي على أربع
رجلين .. البيضة بقت كتكوت ... بص يا جدع ... شوف
يا جلدع (يستمر في الأعيه وتجتمع الناس حوله) .

خلوصي (يخطف في الناس المتجمعين حول الحاي) : القاضي العادل
عزله والحق ضاع .. والكفار نازلين تقتيل في المسلمين وأحنا ولا احنا

هنا .. مش سائلين .. (لا أجد يلتفت إليه) ياناس دول دول أهلنا ..
لحنا ودمنا ..

الملوانى (داخلا يصيح بصوت عال معلنا للجميع) : يا ناس البيت
حيقع .. كل يوم يهدوا حتته ويبنوا حتته .. واللى يبنوه يرجعوا
يهدوه واللى يهدوه يرجعوا يبنوه .. واللى يبنوه يهدوه واللى يهدوه
يبنوه ياناس يا هو يا ناس يا هو .. (لا أحد يلتفت إليه)

الشيخ خلوصى : مين دول ؟

الملوانى (مازال يعلن فى صوت عال) : ولادى .. من صلبى
ولاد حلال .

أبو الذهب (يعرض ألعابه) : بص يا جددع .. شوف يا جددع .
جلا .. جلا ..

الملوانى (يحاول أن يسمع صوته للرجال حول الحاوى مقرباً منهم) :
ياناس يا هو انجدونى .. خلصونى .. البيت ح ...
(تدخل امرأة بدينة تدفعه فيقع على الأرض) يقع ...
المرأة : أوعى كده خليقنا نشوف الحاوى (وقته)

يا حلاوه ده الرجل بيا كل الغار .

خلوصى (يأخذ بيد الملوانى) : قوم يا عم .. انت اسمك إيه ؟
الملوانى : الملوانى الملوانى يا ابنى .. الملوانى .. لاحول
ولا قوة إلا بالله (مشيراً لى الرجال) بأه دول رجاله دول ، سابوا
إيه للعيال ؟ (متنهداً .. ثم كن ينشد قصيده أوبروى قصة بصوت عال للجميع) .

إيه ...

كان يا ما كان

لكن حاقول إيه ؟

الزمان راح

وجه غيره زمان

واللى كان موجود

أصبح مفقود

ولا كأنه كان (يخرج)

المفادى (يدخل مباشرة وهو منادى رسمى حكوى) :

ياناس يا هو

اسمعوا الأوامر السنية
بتاعة الحكومة المملوكية

كل من عنده مملوك

بماله اشتراه

أو كان تايه ولقاه

يرجعه في الحال

لبيت المال

وليكن معلوم

عند الجميع

النهارده وبكره

وبعد بكره

ومهما الزمان طال

إن يبع المالك

إلا للمالك الى زيهم

ممنوع

مئة فيه يعنى ٠٠

مقهوم ٠٠٠ مسموع ١ (يخرج)

زين أبوها (داخلة) : نبين زين ونخط الودع ..

بعض النساء (ومن يهرعن إليها ويتركن الحاوى) : زين أبوها ..

أبو الذهب (لزين أبوها) : انتى يا وليه كل ما أروح حته

تيجى ورايا ؟

(ينصرف إليها بعض الناس)

زين أبوها (حلقة النساء والرجال حولها) : ارمى بياضك يا صبيّة

وانتى كان وهو وهى ..

أبو الذهب (مستاءً وهو يجمع حوائجه) : انتى الله يا وليه ...

مين بس الى بيجرى على العيال يا ناس أنا وإلا هى ؟

(يسير خارجاً ويتبعه بعض الرجال) .. جلا .. جلا ..

خلوصى (وهو يسير فى أثر أبو الذهب ويصيح فى الناس) : .

ياناس اسمعونى (من الخارج)

التتار فى الشام وفى دمياط الكفار

أبو الذهب (من الخارج) : جلا .. جلا .. جلا ..

زين أبوها (تقرأ الرمل) : قدامك سكة سفر يا صبيّة ...

وانتى قدامك كحك بعجميه .. وانتي حاجة ممدوده قدامك حلوه

وطريه .. إيديك لسّه يادوبك متعنيه ..

عجيبه : وأنا .. يازين أبوها .. أنا ؟

زين أبوها : عجيبه ا خدى وشوشى الودع

عجيبه (وهى تعيد الودع إليها) : وشوشته

زين أبوها (بعد وقته يقترب فيها حسن من زين أبوها) : غريبه ..

فيه قدامك سكتين

حسن (محتجاً) : سكتين مثين ؟ هى سكة واحدة

مافينش غيرها ..

زين أبوها : أنا شايقه نقطتين ..

عجيبه : نقطتين ياما ؟

زين أبوها : ايوه .. قولى يومين .. جمعتين .. وبعدين ..

حسن (سعيداً) : ولا يومين ولا جمعتين حنجهوز بكره

الخميس ..

زين أبوها : طب ارمى بياضك يا عريس ..

التاجر مراد (داخلا ومعه فتاه بيضاء جميلة) : حسن

حسن : الحاج مراد .. أهلا سيدنى وتاج راسى ..

تاجرالتجار .. محبيه .. هوى ع الناز (للتاجر) كام فظيره ..

عشرين .. ثلاثين ؟

التاجر مراد : بعدين .. بعدين .. تعالى أنا عايزك ..

حسن (وهو يذهب مع التاجر الى ناحية من المسرح) : أمرك

أبو الذهب : جلا .. جلا .. جلا . (يرى زين أبوها) .. انتى

لسه هنا يا وليه ؟ طب قومى بينا نروح (يلتفت فى الفتاة التى أتت بها)

التاجر . ينظر إليها معجبا وبسرعة) وإلا خليتنا نعمل لنا قرشين .

زين أبوها (وهو يقوم إليه) : نعمل لنا قرشين وإلا نبص لنا

بصتين ! فوت قدامى ..

أبو الذهب : بأه ده يخلص من الله

بص يا جدد .. مش دا منديل .. منديل فاضى أهو ،

جلا .. جلا ..

خلوصى داخلا: اسمعوا يا ناس ... القاضى العادل عزلوه ...
الملاوانى : (مباشره بنفس طبقة صوت خلوصى) واللى بيمنوه

بيهدوه . واللى بيهدوه بيمنوه . . ياناس يا هو
(يسلط الضوء على الراوى رقم ٢ ويطلقاً على مشهد القاهره)
الراوى رقم ٢ : طبعاً لاحد سامع ولا

حد عاوز يسمع .

الناس زى ماشوفنا

ياساده يا كرام

نايمين فقدوا الاهتمام

عاشين بس عشان

ياكلوا ويشربوا

ويضحكوا ويلعبوا

جائز واحد يقول

ودا عيبه إيه ؟

ولا حاجة ياساده ..

لكن الإنسان

إذا ما كنفش يشعر

بأخيه الإنسان

يبقى إيه ...
ما علينا
يرجع مرجوعنا
لأبطال قصتنا
الحاوى أبو الذهب
ومراته زين أبوها
راجل شاطر وفنان
كريم وطيب بس
لما يشوف الحريم
عقله يشت وعينيه تزوغ
يبقى حيران ولهان
وزين أبوها
عارفه العيب اللى فيه
لسكن بتجبه حتمعمل إيه ؟
وحسن الفطاطرى
وبنت عمه عجيبه
طول عمرهم عايشين سوا
هى له وهو لها

لكن ياترى مين الصبيه

الخلوه الطريه

اللى جابها معاه

تاجر التجار ؟

واقفه خايفه ومستحيه

وعجبيه وزين أبوها

عنهم ما نزلت من

طلعتها البهية لكن

فى قلوبهم بتقيد النار

كل ده وتاجر التجار

عمال يوشوش الفطاطرى

ياترى بيقول له إيه ؟

أبو العجب : (داخلا ووراءه بعض الناس) جلا .. جلا .. جلا ..

مطار : (داخله) نبين زين ونخط يالودع ..

الراوى رقم ٢ : (مستمراً وقد استاء للمقاطعة)

اسمه كلام ده ؟

بقى ده اسمه كلام ؟

معلش ننتظر ياساده يا كرام

أبو العجب : بص ياسيدي اتفرج ياسيدي مش دي بيضه ٠٠؟

جلا . . . جلا . . جلا . . البيضه ٠٠

(تقم البيضة على الأرض)

أحد الرجال : وقعت

صبي : البيضة انكسرت

لمرأة : لحسها يا حاوى الغم .

أحد الرجال : ده مش حاوى .

صبي : ده نصاب ٠٠

الجميع : نصاب . . نصاب . . (ينصرفون عنه ويخرجون)

منار : (تقرأ الرمل لأحد الرجال) ٠٠ عيال كثير بقبكي . جماعه

الرجل : علشان مافيش رزق .

منار : الرزق كثير ٠٠ البحر كله سمك

الرجل : البحر مافيهوش سمك

منار : السمك موجود بس عاوز مجهود

الرجل : (مستاءاً) قولى كلام غير ده .

منار : خد بياضك .. أولى به ولادك (تعطيه القرش)

الرجل : (وهو ينصرف) طيب ماتقولى حيحصل إيه ؟

منار : قلت لك الحقيقة ..

الرجل : الحقيقة ؟ يفتح الله .. (يخرج)

منار : (تخرج من الباب الآخر) .. نبين زين ونخط الودع .

حسين الفطاطرى : (داخلا مع الملوانى) مش لاقياها .. يا خاله

منار .. مش لاقياها ..

منار : انت لسه مختار ..

حسين : خطفوها وأنا نايم ..

الملوانى : وكنت بقنام ليه ؟ كنت بقنام ليه ؟

يحكى أن .. يحكى أن .. حملت إبنى ..

سافرت مرة بلاد الصين لقيت ملكها حزين بينين

يبكى بكاء الحيرانين والدمع نازل من عيناه

سألوه رجال الحاشيه حداه بتبكى ليه من غير مأساه

وكان أصيب وقعد سمعاه بيعسبوا من هذا بكاه

قال الملك بابكي لظلم
عنده شكايه أو مهموم
ما سمعش شكواه وأنا مصوم
وفي البلد تكثر شكواه

(بعد وقته مبتهلا) ..

أشكى لمين ولدى
أشكى لمين ولدى
يا وعدى يا وعدى
يا عز بعده هوان
يا بلدى يا بلدى
يا غربة الأوطان

كورس (يدخل مباشرة تصاحبه الدفوف) ... الله ... الله ... الله ..

المنشدة رقم ١ : يا نور يا حق يا مبین ..

المنشدة رقم ٢ : افتح قلبى بنورك وعلمنى من علمك

الاثنان معاً : الله .. الله .. الله ..

(يخرج الجميع)

الراوى رقم ١ : سبحوا من لا ينام

وصلوا على خير الأنام

محمد بن عبد الله

عليه الصلاة والسلام

قال الراوى ياساده يا كرام

كان من عادة سيدى أحمد البدوى
الملثم أبو الفتيان
مهارش الحرب - مجيب الأسارى
الصامت الغضبان

أن يجتمع كل يوم
مع تلاميذه المخلصين
وللعروفين بالسطوحين
وكان عددهم أربعين
كان يلقيهم الرسالة
ويعدّم لتبليغها للناس أجمعين
رسالة الدنيا والدين
رسالة الإسلام
ساده يا كرام •
لم يضعف الإنسان
لم يصبح جسداً بلا روح
لم يصبح فما مفتوح
كفهم الحيوان

لم يفقد القدرة

على الصمت

لم يفقد القدرة

على النطق

لم يفقد القدرة

على الهمس

لم يفقد القدرة

على الكلام ؟

لم يصبح الإنسان

ذليلاً رعيدياً

جبان ؟

لم يصبح الإنسان

كالمسراب

أو كالأرض الخراب

لم يموت الإنسان ويدفن

قبل أن يدفن في التراب

لم يقهر الإنسان

لم يبيع نفسه

كما تباع الأغنام
لأنفه الأسباب
وبأجنس الأثمان
بما هو زائل .. وما هو فان
بالمال والشراب والطعام •
بالجاه والقوة والسلطان •
في هذا كان يفكر سيدي أحمد الإمام
ياساده يا كرام
ومن أجل هذا كان جفنه لا يعرف المنام
لأنه ما كان يرضى
أن يضام أى إنسان
فما بالك بأخ له في الإسلام ؟
ولكن هاهم المسلمين في كل مكان
غفلى نيام
راضين بالذل
ساكتين على الموان
ليه ؟

لأن الجسد فيهم عليل مجروح ؟
لا أبداً . .

الجسد مش مهم

المهم الروح

ما هو مش ممكن

يذعن الإنسان

إلا إذا فقد الإيمان

الإيمان بالله - بروحه

بكيانه كإنسان

فهما كان عدوك أقوى منك

مارد أو جبار أو شيطان

ومهما كان الجسد عليل أو مريض

أو مشتاق أو محتاج

أو عطشان أو جعان

فقوة الإيمان بالله

بالروح بكيانك كأنسان

تهزم الجان .

* * *

بهذا ياسادة يا كرام

كان سيدى أحمد البدوى

يلقن تلاميذه ومريديه
من السطوحيين عندما
دخل عليهم الشيخ إسماعيل
وأعلن وقال
إن قمر الدولة
قلبه مال
لفاطمة بنت برى
وكان هذا يا سادة يا كرام
تاسع ولى من أولياء الله
تسلبهم فاطمة بنت برى الإيمان
قمر الدولة أحد تلاميذ سيدى الإمام
ومن عشاق رب العالمين
والرسالة من المخلصين
باع نفسه للدنيا
دنيا الهوى والغواية
ضل الطريق وأصبح
تايه مع التايهين
ابكى عليه يادموع العين .

يطلقاً النور ويسلط على الناس الواقفين أمام بيت السيد اليدوي يذكرون وينشدون .

كورس : الله . . الله . . الله .

رجل ١ : يا أبو الفرج . . يا باب النبي . .

رجل ٣ : يا شيخ العرب . . يا أبو الفتیان . .

رجل ٢ : مدد ياسيد مدد

رجل ٤ : انقذنا . . انقذنا . . انقذنا .

كورس : الله . . الله . . الله .

رجل ٥ : يا سيد يا شريف يا إمام .

رجل ٧ : يا قطب يا ندهة المنضام .

رجل ٦ : نجنا م الی احنافیه

إمرأة : بحق جاء النبي

كورس : الله . . الله . . الله .

(يطلق الضوء ويسلط على الراوي)

الراوي رقم ١ :

هكذا يا سادة يا كرام

نجد الشعب المكروب

اللي كان على أمره مغلوب

يرمي همومه على سيدي أحمد الإمام — ندهة المنضام —

أبو الفرج - دليل الخيران ما هو لما الإنسان يبقى عايش
فى ظلام تو ما يشوف نور فى أيد غيره يجرى إليه -
ويتكل عليه .

وسيدى أحمد كان النور فى أيديه كثير

وكان غرضه يديه للغير .

لكن مش عشان يتكلوا عليه - لأ -

عشان يبصرهم - يهديهم - يفتح عيניהم

وبالشكل ده كل واحد يبقى نوره فى أيديه .

وده السبب فى أن سيدى أحمد علم السطوحيين

وبعضهم يعلموا الناس ويصحوهم

فى مصر - وفى حلب - وفى تونس وفى مكة .

فى بلاد العرب أجمعين

لكن للأسف كان أغلب السطوحيين

أما للرسالة مش فاهمين

أو على تعليمها مش قادرين

أو - وده الأهم - من تحريفها مستفيدين

إذ كان يهمهم

لأنهم يصوروا سيدى أحمد للناس

على أنه صاحب كرامات ومعجزات
 وهدفهم من كده ان الناس تلجأ إليه .
 وتشكل عليه وتترك أمورهما بين ايديه
 وطبعاً بين أيدى تلاميذه ومريديه
 فيصبح كل واحد من السطوحيين له كرامات
 ومعجزات تمام زى سيدى أحمد الإمام
 وده اللى حصل وكان ياساده يا كرام .
 وبكره نعرف اللى يحصل ويكون .
 لكن قبل ما أقول لكم عليكم السلام
 عاوز أقول لكم اوعوا تفتكروا ان
 سيدى أحمد كان عارف باللى يحصل
 وحي عرف منين . وهو عارف ان
 السطوحيين برسالته مؤمنين
 وفى تنفيذها ماضيين

دا كان كل ما يفوت يوم ويشوف الناس اللى
 على بابه واقفين فى بيت الشيخ ركين عددهم بيزيد
 ينشرح صدره ويسر خاطره . ويقول :
 قربت أصحى الملايين ، أرجع لهم الروح اللى فقدوه

وبالشكل ده اللى فى الماضى اتهدم حيقدرُوا النهارده يبنوه .
 ما كانش عارف أنه لما كان يتيهياً له
 ان النور قرب يلوح وأنه رجع للناس اللى فقدوه .
 كانوا هم فى الحقيقة جايبين عشان يدوه اللى فضل لهم من روح
 قال الراوى يا سادة يا كرام :
 وهى دى المأساة
 ده الكرب اللى جنبه كل كرب يهون
 الفرق بين اللى عاوزين نعمله
 وبين اللى فعلاً بيكون ..
 فسبحوا من لا ينام
 وصلوا على خير الأنام
 محمد بن عبد الله عليه الصلاة والسلام

كورس : صلى الله عليه وسلم ... صلى الله عليه وسلم ...
 صلى الله عليه وسلم .

(عازف الناي يدخل ومعه الملوانى - عازف الناي يعزف منفردا -
 والملوانى ينظر لايه) .
 الملوانى : (مقاطعا وكأنا الناي قد أثار شجونه) :

يا تاجر الورد هو الورد شجره قل
والا سواقى الوداد نزحت ومائها قل
أيام بنشرب عسل وأيام بنشرب خل
وأيام بفلبس حرير وأيام بفلبس تل
وأيام بقيجى على اولاد الأصول تنذل
سألت شيخ عالم فقيه فى العلوم مندل
مد الكتاب عن يمينه والتفت وقال لى
من عاشر النذل يوم بعد الغدوره يندل (يخرج)
الراوى رقم ٢ :

ونعود ياسادة يا كرام
إلى مصر أم الدنيا ..

الحاوى أبو العجب (داخلا) جلا .. جلا .. جلا ..

الراوى : (مستاء آ) اسمه كلام ده ؟

بأه ده اسمه كلام ؟

(بسرعة يدخل بعض الأطفال ويخطفون طربوش الحاوى من على رأسه
ويخرجون . يخرج الحاوى وراءهم يجرى ، ونسمع أصواتهم من الخارج .

أصوات الأطفال : الحاوى بتاعنا من ده بقرش

وراسه ماوى

الشقه بقرش

يا مطره رخی رخی

على قرعة بنت أختی

بنت اختی قرعة قرعة

الشقه بقرش (تخفت الأصوات تدريجياً)

الراوى رقم ٢ : ونعود يا ساده يا كرام

إلى مصر أم الدنيا

وبطلنا متولى الشهم الهمام

أنا شایفه أهو على أبواب مصر هو

وعسا كره ورجالته ضاربين الخيام

وقاعدين منتظرين فرصة يهجموا فيها

على الأرمنى الوزير بهرام

نسبهم شويه وندخل جوه مصر

حنشوف منظر كل يوم بنشوفه

الناس ماشيه فى الحوارى والطرق

بتدعى الله علشان يخلصها من اللى هى فيه

(يسلط الضوء على منظر القاهرة . . ونرى فى المشهد نفس الساحة التى رأيناها فى المشهد السابق . أصوات على بعد تقترب بالتدريج لى أن يدخل المسرح موكب من الدراويش وحلة الشاعل وهم ينشدون بمصاحبة الدفوف .

امنع غضبك عنا يارب

ارفع مقتك عنا يارب

(وهناك فى الخلفية كورس من . .)

الله . . . الله . . . الله . . .

يا سميع يا عليم . . يا جبار . . يا رب . . يا قهار .

(يخرج الموكب ويظل المسرح خاليا لحظة .)

الراوى رقم ٢ : الساحة فاضية . . مش كده ؟

زمانهم جايين ما تخافوش

زى ما هم . . ما نقصوش

بالعكس زادوا

زادوا روحية

وطبعاً عايزين تعرفوا روحية دى تبقى مين

أقول لكم . . هو سر . . سر دفين .

لكن معلش - فى بير
فاكرين تاجر التجار
الحاج مراد والصبيبة الخلوة الطرية
اللى جابها معاه ؟
أهى دى تبقى روحيه
سابها لحسن الفطاطرى
مش عشان يجوزها .. لأ ..
انتم نسيتم ان حسن حيجوز بنت عمه عجيبه ؟
طيب .. حزر .. التاجر سابها له ليه ؟
ما انتش عارفين ؟
أقول لكم ..
بقى روحيه فى الحقيقة ماهيش روحيه
أقصد يعنى أنها مش صبيه
هى صحيح اسمها روحيه .. لكن ..
اسم على غير معنى
اللى اختار لها الاسم ده حسن الفطاطرى
حتقول لى طب أمال هى كان اسمها إيه ؟

أقول لك هي مين ؟ دا هو ..

ما هي الحكاية باختصار

ان تاجر التجار كان اشترى مملوك .. راجل

حققول لى اسمه إيه ؟

مش فاكر

المهم ان تاجر التجار لما سمع الأوامر السنية

بتاعة الحكومة المملوكية

ان شراء الممالك ممنوع . والزعل مرفوع . والأجر على الله

خاف — يعمل إيه ؟

خفى المملوك خلاه يبقى صبيه

وزياده فى الحرص جابه عند حسن

وسابه — حسن سماه روحيه

آدى الحكايه .

بس خلوا بالكم .. ما حدش يعرف

السرده غيرى أنا وانتم وتاجر التجار وحسن

وطبعاً روحيه .

هُسّ .. أنا سامع حس رجلين ..

(بدخل الملوانى ومعه ولده) الملوانى . .

طبعاً انتم عارفينه .

واللى معاه دول ولاده اللى مغليبنه .

السكبير اسمه الأولانى والصغير اسمه الثانى .

الملوانى : انتم بينكم وبين بعض إيه . . مش عاوزين نتفاهموا ليه .

الأولانى : أنا أكبر منه ، عقلى أكبر من عقله .

الثانى : كلام فارغ . . النهاده الدنيا تغيرت . . . أنا متقنور عنه . .

الملوانى : والبيت ذنبه ايه ؟ ليه تهده ؟ هو انتم كنتم بنتوه ؟

أنا مديهو لىكم مبنى جاهز . ان ما كانش عاجبكم سيدهوه .

الأولانى : أنا باهد نصيبى . .

الملوانى : انت تهده اللى هو بينينه .

الأولانى : وما أهدهوش ليه ؟ هو أحسن منى فى ايه ؟

الثانى : وانت أحسن منى فى ايه ؟ أنا كان باهد اللى بتبينه . .

الخلوانى : والله عال . . ده شغل رجاله ده ؟

دا شغل عيال . . بأه أنا كفت باعمل زيكم كده ؟

الأولانى : احنا كل ما نكلم تقول لى أنا أنا . . يعنى أنت كفت

عملت إيه ؟

الملاوى : عملت البيت الى يتهدوا فيه .

الأولانى : بيت قديم مهكع .

الثانى : كحيان .

الملاوى : مش عاجبكم غيروه .

هدوه من أساسه وارجعوا ابنوه ..

لكن كل واحد يهد الى بينيه أخوه بالشكل ده حتخربوه

الأولانى : أنا حر فى نصيبى ..

الثانى : وأنا كان حر فى نصيبى .

الملاوى : أعمل ايه ؟ قوموا بينا .

الأولانى : على فين ؟

الملاوى : على القاضى .

الثانى : وهو القاضى حيعمل لنا إيه ؟

الأولانى : دا ملكنا واحنا أحرار فيه .

الملاوى : طب والناس الى عايشين فيه .. إخوانكم وأولادكم

يعملوا إيه ؟ قوموا بنا على القاضى .

الأولانى : (وهم خارجون القاضى بتاعك ولا حيعمل حاجه .

يخرجون) .

(يدخل مباشرة الشيخ خلوصى والملاوى أبو الذهب)

أبو الذهب : أحوال إيه اللي انت عاوز تغيرها ؟

أنا بس اللي بأغير الأحوال ..

أخلي القطه تبقى فار .

والقردي يبقى غزال .

خلوصى : مش صحيح .. انت ما تقدرش تغير حاجة .

أبو الذهب : إزاي .. دا التغير لعبتي ..

خلوصى : لعبتك آه .. بتضحك بيها على عقول الناس ..

لكن الناس عارفين ..

أبو الذهب : عارفين إيه ؟

خلوصى : عارفين انك ما بتغيرش حاجه .

أبو الذهب : عارفين وإلا مش عارفين .. إيه معنى ؟

لكن وهم بيتفرجوا بيتهيا لهم أن القطه بقت فار وأنى فعلا

بأكل النار ويديقوا مبسوطين ويضحكوا ... ويدفعوا

لى فلوس كان ..

خلوصى : بيتسلوا .. لكن مش ده المطلوب . المطلوب حد يعمل

تغير حقيقى .

أبو الذهب : تغير حقيقى فى إيه ؟

خلوصى : فى الدنيا .. فى العيشة الى الناس عايشاها ..

حد يخلى الليل الى احنا فيه ده يبقى نهار .

أبو الذهب : أنا .. ما فيش غير أنا ..

... (بلهجة جادة) تعرف يا شيخ خلوصى ...

أنا نفسى أعمل كده .. حقيقى .

خلوصى : (هازئاً) نفسك تعمل إيه ؟

أبو الذهب : نفسى أخلى البحر يبقى طحينه ... والخرابة تبقى

جنيته .. أقلب الليل أخليه نهار ... أسخط القط أعمله فار ..

فار بحق وحقيق .. مش كده وكده . زى ما باضحك

على الناس .. بالليل أقعد أفكر .. يا ترى ياواد .. دايمن؟

وليه ما يبقاش ممكن .. جايز يحصل فى يوم من الأيام ..

حقه لو حصل .. كنت ألسك حرير فى حرير .

خلوصى : أنا مش عاوز .

أبو الذهب : (مقاطعاً) عارف .. طب أعملك ملك .. ملك مصر

والشام وتبقى ساعتها تغير الأحوال زى ما انت عاوز ..

مش ده الى انت عاوزه .. أما أنا بقى ..

(يدخل الفطاطرى حسن بعربته وعجبية وروحية)

حسن : الفطير .. الفطير الى مالوش نظير .

عجيبه : فطير بعجوه .

روحيه : فطير بشكر (لتغفة في السين) .

أبو الذهب : (كمن جاءته فكرة) أنا مش عاوز حاجه .. كل ليلة

بس أغير زين أبوها .. ليلة تبقى روحيه .. وليلة

دريه وليلة سنيه ..

بس في الأول روحيه ..

طب وأنا قاعد مستنى إيه ؟

(يقوم ويندب إلى عربة الفطير)

أبو الذهب : فطيرة يا روحيه فطيرة ..

روحيه : شكله ؟

أبو الذهب : (مندهشا) شكله ؟

عجيبه : غرضها يعني عايزها شكلها إيه ؟

أبو الذهب : شكلها ؟ شكلها حلو (وهو يتغزل في روحيه) آخر

حلاوه ، قشطه ، وعسل عسل أبيض مايفش بعد كده ..

ياوادي جميل ..

الوحيه : (منزعة باحتجاج وهي تتكلم بلغة مكسرة) أنا ...

أنا مش ولد .. أنا بنت ..

أبو الذهب : (مختار ولكنه مازال يتغزل) أنا بنت .. ؟؟

ما طبعاً أنت بنت - أنا كنت باكم على الفطيرة ...

لكن انتى ..

روحيه : (تقلد البنات المدللات) : أنا بنت ..

أبو الذهب : (وقد زاد اشتياقه) يا خرابى ! وإن ما كفتيش

انتى بنت ، آمال مين الى يبقى بنت دانتي

بنت ونص ...

(تدخل زين أبوها وتقف تتفرج وهو لا يحس بها - بل - يدور
حول روحه متغزلاً)

كل حاجة فيكى بنت - كل حنة فيكى بنت - راسك بنت -

ورجليكى بنت .. ودراعاتك .. وصدرك .. وعينكى

وشفايفك .. وحواجبك .. ومناخيرك الى زى النبقه ...

يا خرابى ... دانتي مش بنت واحدة ... دانتي عشر

بنات ... ميت بنت (وهو يدور حولها) البنات الى فى

الدنيا كلها .. ما فيش غيرك بنت ..

زين أبوها : (هاجه عليه) وأنا أطلع إيه آمال ؟

أبو الذهب : زين أبوها .. انتى طلعتى منين ؟

زين أبوها : رد على .. ما دام ما فيش بنات غيرها فى الدنيا أنا

أبقى إيه .. فهمنى ؟

أبو الذهب : انتى ؟ انتى مرأتى .

زين أبوها : مراتك يا دنى ؟ طب فوت قدامى ..

أبو الذهب : وده نكد لإيه ده !

روحيه : (تقدم الفطيره لأبو الذهب) فطيره •

زين أبوها : (وهى تخطف الفطيرة وتغذف بها على الأرض)

بالسم الهارى •

أبو الذهب : كده ترمى نعمة ربنا على الأرض ؟

زين أبوها : فوت قدامى .

أبو الذهب : طب روقى .. روقى .. يالله ياشيخ خلوصى ناخذ لنا

تعميره .. الواحد دماغه ..

زين أبوها : (مقاطعة) ولزمتها لإيه التعميرة دى ؟

أبو الذهب : جرى لإيه يا وليه ؟ ما تروقى بأه ... (وهو خارج)

مع خلوصى تتبعهما زين أبوها) •

حسن . أبعت فطيرتين على قهوة الحفش .

زين أبوها : الأمر لله ... (يخرجون) •

حسن : الفطير اللى مالوش نظير •

عجيبه : فطير بعجوة .

أبو الذهب : (مطلا برأسه) أبعث الفطير مع (مشيراً إلى روحية)

المهلبية ٠٠ دى ٠٠

حسن : من عيني .

روحبه : فطير بشكر .

(يدخل السجق ومعه ٤ عساكر - واحد مصرى و ٣ أتراك)
(السجق يتشمم رائحة الفطير يقف أمام عربة الفطير ويهمس في أذن
العسكري المصرى) .

العسكري المصرى : مولانا السجق عايز عشرين فطيرة .

حسن : فلوسك ؟

العسكري : عاوز كام ؟

حسن : ٣ دينار ؟

(العسكري ينظر إلى السجق والسجق يهز رأسه موافقاً)
العسكري : (وهو يدفع النقود) بسرعة يا الله .

حسن : جاهزين .

العسكري : ما يكونوش بايتين ؟

حسن : سخنين بنار الفرن . . لقيه له عشرة .

يا عجيبيه وانتى ياروحيه لقيه له عشرة .

عجيبيه : (وهى تلف) فطير بمجوة (منادية) .

روحيه : (وهى تلف) فُطِير بَشَكَر (مناديه) .

حسن : (مشيراً إلى روحيه أن لا تتكلم حتى لا تظهر على حقيقتها)
هُسُ ...

(السنجق يشير إلى العسكرى - فيذهب إليه وينتحي به فاحية بعيدة في المسرح ويحدثه) :

حسن : (محدثاً نفسه) يادى المصيبة — الراجل الظاهر كشف اللعبة
.. رحى فى داهية يا حسن .

العسكرى المصرى : مولانا السنجق ييسأل .. البنتين دول مجوزين؟
حسن : لأ .. لسه مادخلوش دنيا ..
(العسكرى يذهب إلى السنجق ويستمر الهمس)

حسن : طربقت على دماغك يا حسن .. ييسأل ليه ؟

روحيه : فطير بَشَكَر .

حسن : (لروحيه) ماتسكتى بأه .. ييمتحنى .. عاوز يعرف

إذا كانت بنت صحيح ..

كده يا حاج مراد ؟ تخربها على كده ؟

العسكرى المصرى ، (يتقدم منه ويقدم بعض النقود) .. خد .

حسن : إيه دول ؟

العسكري : فلوس - عدم . .

حسن : عشرين دينار - انتم عاوزين فطير تاني ؟

العسكري : دول مهر البنت .

حسن : (مندهشاً) مهر البنت ؟ احنا ما عندناش بنات بتجوز .

العسكري : دامولانا السنجق اللى حيجوزها . . . حاكم مبسوط

منها جوى . . .

حسن : قلت لك يفتح الله ما عندناش بنات بتجوز .

(العسكري يذهب الى السنجق ويتحدث معه)

حسن : (لنفسه) يحوزها ؟ طب ما هو حيمرف الحقيقة . .

وأروح أنا فى داهية . . ساب فلوسه . .

(يجمع العشرين دينار من على العربة ويسير فى اتجاه السنجق)

فلوسك يا مولانا (ما دأ يده)

(السنجق يدفعه بيده وفى نفس الوقت يشير الى عساكره برأسه فيقبضون

على عجيبة)

عجيبة : (صارخة) سى حسن .

حسن : (يلتفت فيرى المنظر صارخاً) عجيبة ؟ . . . عجيبة !!

دى عجيبة يا مولانا . . بنت عمى . . . لحي ودى . . .

وأنا حاجوزها . . حاجوزها بكره . .

عجيبة : (تصرخ وهم يقودونها الى الخارج) سى حسن . . سى حسن . .

حسن : عجيبه (وهو يسك بملابس السنجق ويشده بعنف) سيلب
عجيبه ياراجل انت (أحد العساكر يدفعه بعيداً على الأرض)
سيلب عجيبه بأقول لك . .

السنجق : (خارجاً) أدب خر سليس .
حسن : (يلطم خدوده ويمزق ملايسه ويصرخ) عجيبه .. عجيبه ..
خدوا عجيبه يارجاله .. يا خراب بيتك يا حسن ..
(يدخل الملوانى وخلوصى وأبو الذهب وبعض الماره من الباب الآخر .)

خلوصى : مين الى خد عجيبه يا حسن ؟
حسن : السنجق ورجالته .
الملوانى : (غاضباً وبصوت عال) وتسيبهم يا خدوها ليه ؟

ما قلقتش لأ ليه ؟ (للجميع بصوت عال)
ما حدثش عاد بيتقول لأ .. ما حدثش عاد بيتقول لأ
جرالكم ليه ؟ (لحسن) حتميش بقية حياتك تعمل ليه ؟
لحك ودمك خدوه منك (وهو يرتش غضباً) يا ناس يا هو ..
يا ناس يا هو .

صوت من وراء الكواليس : ووجدوه ..

الموجودون : لا إله إلا الله ..

خلاصي . يا الله بينا ياناس نلحقهم .. احنا أكثر منهم - حيزربونا
حضرهم لكن في النهاية خفتهم .. ونخلص عجيبي ..
لحنا ... دمننا ... بنتنا ... شرفنا ... شرفنا
(بصوت يرتفع أعلى وأعلى) شرفنا ياناس ؟

الملوأي : (غاضباً)

الملوأي : كان ياما كان :

لكن حاقول ايه ؟

الزمان راح

وجه غيره زمان

واللى كان موجود

أصبح

مفقود

ولا كانه كان ..

ستار

الفصل الثاني

نفس الساحة في مولد السيد البدوي .

الأضواء أكثر وفي طرف المسرح صارى خشب عال وله على الأرض أربع اتجاهات . . في الخلفية على بعد نسمع زغاريد النساء وأصوات شخايل ورقص وتصفيق رقص وصوت مغنية ونأى ويستمر هذا في الخلفية يخفت أحياناً ويعلو أحياناً إلى أن يبدأ الراوى رقم ١ في الكلام . .

عندما يرفع الستار نرى الفطاطرى حسين يطهى الفطير على العربة ونرى أبو العجب واقفاً وحوله الناس . . . الناس داخلين وخارجين يمشون بالساحة وواضح أن المولد قد بدأ منذ مدة .

* * *

الملاوى : (داخلًا في حركة هستيرية يصيح بأعلى صوته) بلدى يا بلدى . .

ما حدش شاف بلدى ؟ ما حدش يعرف بلدى ؟

حسين : الفطير . . الفطير .

الملوانى : (فزعاً) بلدى .. (يتجه إلى الناس الداخلين والمخرجين ويستوقف بعضهم ليسأله) .. انت يا جدع ماشفتش بلدى .. وانت يا ست ما تعرفيش بلدى .. ؟ وانت يا ابنى ... اسمع يا ابنى (لأحد الصبية) ماشفتش بلدى ؟ (صارحاً) ..

(الرجل يخط كفا بكف ويقول : لا إله إلا الله .. المرأة تقول : حكمتك والصبي يخرج له لسانه ويجرى) .

الملوانى : (مستمراً معلناً) .. يآه ما حدش شاف بلدى ؟ ما حدش يعرف بلدى ؟

(يستمر في سؤاله لبعض الناس ولكن لا نسمعه ولا نسمع أجاباتهم — فقط نرى حركاتهم وحركاته — حركاته توحى باشتداد الازمة به وحركاتهم توحى بعدم الاهتمام ودهشتهم كأنه مجنون) .

حسين : فطير .. فطير بمجوه (كأنه يردد كلام شخص آخر وكأنه تذكره) .. غريبه ..

(يتجه نحو الناس ويسأل) .. ما حدش شاف غريبه ؟

أبو العجب : چلا .. چلا .. چلا مش دى لمبه ؟ عارفين دى اسمها ايه ؟ مصباح علاء الدين ..

أحد الرجال : (يبوخه) : يا سلام ؟

الملواني : انت بلدك ايه ؟ وانت ؟

حسين : ما شفقش غريبه ؟ وانتى ؟

الملواني : (مقاطعاً) وانتى ..

حسين : (مقاطعاً) ما شفتيش غريبه ؟

الملواني : (لنفس المرأة) بلدك ايه ؟

أبو العجب : (مستمراً) شوف ياسيدي .. بص ياسيدي .. الواحد

لما ينفخ على اللبنة بيحصل ايه ؟ بتنطفي .

نفس الرجل : (يبوخه) يا سلام ؟

حسين : بأه ما حدش شاف غريبه . (لاحدى النساء) .. طب

ورينى وشك .

الملواني : والنبي يا ابني تقول لى بلدك ايه ؟

حسين : وانتى .. وانتى .. وانتى ورينى وشك .

(يستوقف النساء وهن يشجن بوجوههن عنه) .

أبو العجب : (مستمراً) بص يا جدع .. شوف يا جدع .. أنا

حانفخ على اللبنة .. لكن مش جتنطفي .. حتشعل

أكثر .. كل ما حانفخ عليها حتشعلل أكثر لغاية النار
ما تملأ الحقة كلها ..

(أثناء كلام الحاوى حسين يتفحص وجوه النساء ويوقفهن — والملاوى يتحدث
بصوت غير مسموع وهو يستوقف الرجال)

الملاوى : (بصوت عال) ؟ ما حدش عاوز يتكلم ؟ أنا باسأل
بلدك ايه ؟ بلدكم ايه ؟

أحد الرجال : وانت مالك ومال بلدنا ؟

الملاوى : مالى وما لها إزاي ؟ مش يمكن بلدكم هى بلدى ؟

حسين : (حسين وهو يجرى وراء النساء ويصرخ) .. غريبه ..

أبو العجيب : جلا .. جلا .. جلا .. خلى بالك يا جدع .. ابعد

وشك يا جدع ... حاسب على هدومك يا جدع ..

(ينفخ على اللعبة فتنتظف مباشرة) •

أحد الرجال : النار انطقت .

إحدى النساء : (تقلد الحاوى بتريقه) ابعد وشك يا جدع ..

إحدى النساء : (تقلد الحاوى بتريقه) حاسب على هدومك يا جدع •

الملاوى : (صارخا) : بلدى ..

حسين : (صارخا بنفس الطبقة) غريبه •

أحد الرجال (بتريقه على الحاوى والملاوى وحسين) : جلا • جلا • جلا •

الملوأنى : (وهو يتوسط المسرح فى ثبات ويخطب فى الجميع) :

يحكى أن

يحكى أن

واحد نزل فى بلد عمبان

أول يوم لقاهم بيصحبوا بالليل

ويناموا بالنهار .. احتار

يقول لهم ..

والا يعمل زيهم ؟

قال لهم

ربطوه و كروه بالنار .

قال معاهش استحمل

تانى يوم لقاهم بيتولوا

على الحيوان لإنسان

وعلى الإنسان حيوان

الجبان فى نظرم شجاع

والشجاع فى نظرم جبان

الراجل قال لهم

ده غلط الى بتعملوه

داجنان ..

ضربوه ومن الأكل حرموه

قال معلمش استحمل

ثالث يوم شافهم

بيعبدوا الشيطان

ساجدين له ويبيوسوا ايديه

الراجل ماطقش المنظر

حط صوابه في عينيه

قلعهم ..

رعاش أعمى في

بلد العميان ..

(يخرج)

مباشرة تسمع دقات الدفوف قريبة جداً ويدخل موكب من حملة
المشاعل يذكرون : الله . . . الله . . . الله . . .

. . ثم الشاوشبة الأربعة كل واحد يقف في اتجاه من لأشجاءات البصاري
ويصفق مرتين ثم ثلاث مرات ثم أربعة ثم خمسة . وهكذا مع الرقص . ثم تزداد
المرات تباعاً ويدخل الحلية ناس أكثر وأكثر . . ويصاحب هذا عزف
نأى منفرد .

(يدخل الراوى رقم ١ والراوى رقم ٢ : بمجرد انتهاء الموكب يبدأ
الراوى رقم ١) ..

الراوى رقم ١ : سبحوا من لا ينال

وصلوا على خير الأنام

محمد بن عبد الله

عليه الصلاة والسلام

قال الراوى يا سادة يا كرام

رأينا فى الليلة الماضية

كيف أن سيدى أحمد الإمام

غضب غضباً شديدا لما

عرف أن الشيخ قر

تلميذه الى أعده لحل

الرسالة وقع فى غرام

فاطمة بنت برى

وأصبح بها هيمان

وازاى ما يغضبش سيدى أحمد

وهو كان دائماً يقول لتلاميذه

ومريديه

: إياكم وحب الدنيا فهو

يفسد العمل الصالح

كما يفسد الخل العسل ؟

قال الراوى ياسادة يا كرام

سيدي أحمد أرسل في

طلب الشيخ قمر قالوا له

إنه اعتزل في الجبل

عاش حياة كلها عبادة وابتهاال

غرضه يستغفر ربه ويتوب

بعث له سيدي أحمد مندوب

جابه .. واستقبله سيدي الإمام

أحسن استقبال .. وقال :

(يطفأ النور على المولد ويضاء على سلع بيت الشيخ ركين في طنطا حيث نرى
السيد البدوى والشيخ قمر) .

السيد : ليس طريق التوبة الاعتزال .

قمر : كنت فقط أريد أن أخلو إلى ربي

السيد : بالعمل

قرر : بالعمل ياسيدى ؟

السيد : نعم بالعمل الصالح يقترب الإنسان من الله ..
قرر : ولكنى ياسيدى ... وأنا بالجبل لم أقطع ساعة عن
الصلاة والصوم .

السيد : الصلاة والصوم من فروض العبادة .. أما العمل الصالح
فهو العمل من أجل الغير .

قرر : ولكنى ياسيدى بعد أن حدث ما حدث .. (يتوقف) .
السيد : لم تعد صالحاً لحل الرسالة .. نعم .. ولكن هذا لا يعنى
أن تكف عن العمل وتلجأ إلى الجبل ..

قرر : لم يكن أمرى بيدى .. كنت بعيداً عنها .. ولكنى
كنت أراها فى كل من أرى من النساء كنت أراها ولا أراها ..
كنت أخشى على عقلى من الخلل وعلى نفسى من الزلل .
السيد : لست أفهم ما تعنى

قرر : سيدى يعتقد أنى زلت ... أعرف هذا ... ولكن
لا ليس هذا تماماً ما حدث .. ان فاطمة بنت برى ياسيدى
تشكلم وتنظر — وبمجرد أن يسمع الإنسان صوتها .. أو يقع
نظره على نظرها يشعر أنه بلا إرادة يسير — يسير إلى سراپ .

ويظل يسير لا يتوقص لحظة عن السير — السير المجنون إلى
السراب إلى الخراب .

(لنفسه منفلاً) كفت أحسبها دهرأً بأكله ولكنى أعرف الآن
أنها كانت قصيرة .. قصيرة جداً يا سيدى ..

السيد : عم تتحدث ؟

قمر : اللحظة التى رأيتها فيها .. لم تكن إلا لحظة ..

السيد : كيف رأيتها ؟

قمر : ليتنى أعرف كيف أصفها .. لم تكن إلا لحظة ومع ذلك
لم أكن بعدها كما كنت قبلها ... أصبحت ... لا أعرف
ماذا أصبحت .

(تبدو فاطمة بنت برى وقد رقدت أمام قمر تمد ذراعيها إليه) .

السيد : وماذا قالت لك ؟

(قمر لا يجيب) .

(فاطمة بنت برى تمد ذراعيها وتقول : تعال : تعال إلى ...) .

قمر : أعرف فقط أنى أصبحت غير ما كفت .. قلبي وعقلي وبدي ..
كل ما فى أصبح فما جئنا كقم الحيوان . (يصرخ كأنه يراها)
لا ياسيدى . لا أريد أن أعرف ماذا أصبحت .

لقد أصبحت شيئاً قبيحاً مفزعاً في قبحه... أغثنى يا سيدى . .
أغثنى ...

السيد : لن تراها بإذن الله . . (يرى عبد العال داخلا) . .
اذهب الآن مع عبد العال .

(يجرى قمر في اتجاه عبد العال)

عبد العال : سيدى .

السيد : خذ قمر ودعه يقف بالباب .

عبد العال : وماذا أفعل أنا يا سيدى ؟

السيد : دعه يقف معك يا عبد العال . . أربعين يوماً يقضيها في
معاونة الخلق سيراً بعدها بإذن الله . . ان قلبه لم يتلوث . . قمر
وهو قمر ...

عبد العال : نعم يا سيدى (يخرج ومعه قمر) .

(بمجرد خروج عبد العال وقمر يشخص السيد ببصره إلى السماء وتبدو فاطمة
بنت برى في مواجهته . . يلتفت فيراها ويتأملها لحظة في هدوء ولكنها تمد يديها
إليه وهو ينظر إليها كأنه لا يراها — يطفأ النور على السطح ويسلط على الواقفين
باب السيد البدوى) . .

الراوى رقم ١ : صلوا على النبي

يا سادة يا كرام

صوره فاطمة بنت برى

تبدت لعتى سيد أحمد

فتى الفتيان

فسبحوا من لا ينام

وعلى بابه وقفت الناس

تطلب الخلاص .

(المنظر أمام بيت السيد البدوى - يسمع ذكر من الخلفية . . الله . . الله
الله . . نحن لا نرى كل الناس وخصوصا كورس الله . . لله . . ولكن المنظر
يوحى بازدهام شديد . . أمام البيت نرى بعض الدراويش وهم يذكرون)

عبد العال : اذهب إلى متوف حيث تقيم إلى أن تدفن بها

قرر : (مندهشا) ولكنى لا أصلح لحل الرسالة .

عبد العال : (مقاطعا) متوف مقرك ومثواك . .

قرر : سيدى أحمد قال إنى لا أصلح لحل الرسالة فكيف ..

عبد العال : (مقاطعا بحدة) هذه أوامرى .. (يدفعه بيده ويخرج) .

فر : (وهو يسير بخطوات ثقيلة) ربى انك على كل شيء قدير
(يخرج) . .

(يدخل مباشرة الشيخ الفوال ومعه أحد أمراء الممالك في موكب من العسكر
وترجمان مصرى وعخفة يحملها بعض الخدم وعليها شاب في الخامسة عشر تقريباً) .
الترجمان : (وهو يقبل يد الفوال) سيدنا . . اجعلنا من بركاتك
الأمير تركم من كبار أمراء الممالك

(مشيراً إلى الخفة) وحيده الأمير سفدك النهارده عاشر يوم
له وهو على الحال ده

الفوال : ماله . ؟

الترجمان : نايم . . ييبول في هدمومه . . ميت حتى . . . مدد .

الفوال : (مقاطعاً) . . . كفاية . . فهمنا .

الترجمان : نظره من سيدنا (مشيراً إلى أعلى) ترد له الروح
(يلتم يد الفوال ويقدم له كيس نقود) .

الترجمان : نعم ياسيدنا . . نعم ياسيدنا .

(يتحدث إلى الأمير وفي هذه الأثناء تتقدم سيدة مصرية تبدو
عليها علامات الثراء ومعهما وصيفتها) .

الوصيفة : خمسة آلاف أم . . بس الت . . ست الستات تشوف
لها ولد . . ربنا مايحرمك . .

الفوال : (ماذا يده إلى السيدة لتقبلها) . مدد إن شاء الله .

الترجمان : (يقدم له عدة اكياس من النقود) عشرة آلاف دينار .

الفوال : (ماذا يده إلى الأمير فيقبلها) مدد إن شاء الله .

(يدخل عبد العال . . تتجمع الناس . . ونسمع عبد العال يكرر . . مدد . .

مدد . . مدد . . تملأ الأصوات التي تردد . . الله الله . . الله . . ويشدد ذكر

الدراويش للواقفين على الباب ويبدأ بعضهم في الابتهاال)

درويش ١ : يا عزيز يا رحيم يا حكيم .

درويش ٢ : يا كريم يا واسع يا عليم

درويش ٣ : اجعلني عندك دائماً . .

درويش ٤ : وفي حبك هائماً .

كورس : الله . . الله . . الله

(يطفأ النور على المشهد ويسلط على الراوى رقم ١)

الراوى رقم ١ :

لا إله إلا الله

محمد رسول الله ،

ويمضى الشيخ الفوال

في جمع المال

الأمر الذي لم يكن

يخطر على بال
سیدی أحمد
وهو في خلوته
يتأمل أحوال الخلق
بعد أن أبعد خيال
فاطمة بنت بری عن
رؤيته وكانت قد
مضت أيام بل شهور
لم يرى فيها تلميذه
متولى الغربيه الفتى الهمام
بعد أن خلص البلاد من فساد
الكافر الأرمنى الوزير بهرام
قال الراوى يا ساده يا كرام
وبينا سیدی أحمد بیفسر
في تلميذه ومريده
إذا بالفتى الهمام

وقد أصبح الآن الوزير المهاب
يشق طريقه بين جموع الواقفين
على الباب
ويأتي لزيارة أستاذه الإمام .

(منظر السطح - السيد البدوي - ومتولى)

السيد : الثائر الغضبان الآن (وقفه) يجلس في كرسي الوزارة . .
هذا شيء لا أفهمه .

متولى : لو لم آخذ الوزارة لأخذها من هو . .
السيد : (مقاطعا) لا . . لا حاجة بي إلى شرحك . . فحتى لو فهمت
لما رضيت لك ما ارضيته أنت لنفسك . . . متولى . . . أنت
لا تدرك ما فعلت .

متولى : لقد خلصت البلاد من بهرام .
السيد : (مقاطعا) وجلست مكانه .
متولى : (غنجًا) سيدي .

السيد : هذا ما فعلت .
متولى : ولكنني لست بهرام يا سيدي .

السيد : أنت أسوأ منه .

متولى : كيف يحكم على سيدي هذا الحكم .

السيد : لأن بهرام لم يتخلى عن شيء عندما أخذ الحكم .. أما أنت فقد تخليت عن كل شيء .. تخليت عن كيالك ماذا أنت الآن ؟

متولى : إني مازلت كما أنا — الثائر الغضبان .

السيد : أين غضبك ؟ انك أطحت برأس بهرام لتحكم بدلا منه ؟

متولى : ولكني أحكم الناس بالعدل .

السيد : أى عدل يمكن أن يكون والتتار والماليك والكفار يحكمون

الناس معك ؟

متولى : سأخلص البلاد منهم .

السيد : إلى أن تفعل هذا كان يجب أن تظل بعيداً عن الحكم .

متولى : ان حكى خطوة على الطريق .

السيد : أى طريق ؟

متولى : طريق الخلاص ياسيدي .

السيد : كيف ووجودك فى الحكم يجعلك شريكا للماليك والكفار ؟

ومادمت لا تفعل شيئاً لإلغاء وجودهم فوجودك يقوى وجودهم .

ألا تستطيع أن تبصر هذا ؟

متولى : لكن وجودى فى هذه المرحلة ضرورى .

السيد : لماذا ؟

متولى : لأن الآمال لا تتحقق كلها دفعة واحدة .

السيد : وماذا حققت منها ؟

متولى : لقد خلصت البلاد من الكثير من المفسد

السيد : ولم تقم بدلا منها مفسد جديدة ؟

(متولى لا يجيب)

السيد : انت لا تعرف ولذلك لا تجيب .

متولى : ان ما أعرفه أنى وضعت نفسى فى خدمة الناس .. أنا

لا آخذ شيئا لنفسى .. بل لقد أصبحت لأملك شيئا ...

حتى أراضى تنازلت عنها للفقراء والمحتاجين ..

السيد : ورجالك ؟

متولى : عادوا إلى أرضهم

السيد : كلهم ؟

متولى : عدد منهم معى .

السيد : يحكمون ..

متولى : يعاونوننى فى الحكم ..

السيد : وهل ترى ما يفعلون ؟

متولى : أراهم أحياناً .

السيد : ولكنك لا تعرف ما يفعلون ؟

متولى : أعرف أنهم جميعاً مخلصون .. سيدى أنا ورجالى نفعل

كل ما نستطيع .. والعبء ثقیل ولكننا بعون الله سنسير به

إلى انتهاء .

(السيد يشخص ببصره إلى أعلى ويصمت)

متولى : سيدى ..

السيد : اذهب يا متولى .. لولا أنى أعرف أن قابلك لم يعرف الدنس

لغضبت منك غصبة لا رجعة فيها ..

متولى : سيدى .. أنى ..

السيد : اذهب يا متولى .. اذهب عليك السلام .

(متولى يقبل يد السيد ويخرج ويسلط الضوء مباشرة على الراوى رقم ١)

الراوى رقم ١ : وما كاد متولى الفتى إمام

أو كما هو الآن الوزير المهاب

يخرج من عتبة الباب .

حزينا مكسور الجناح

حتى لاح

لعيني سيدى أحمد

خيال فاطمة بنت برى

[يسلط النور على السطح ونرى السيد البدوى شاخصا يبصره إلى أعلى]
وعلى مسافة قريبة منه فاطمة بنت برى وقد مدت ذراعها إليه .
يلتفت السيد فيراها . . . يحفل ويقوم من مكانه . . . ويسير . . . ولكنها تسير
أمامه تلاحقه) .

السيد : (وهو يدير ظهره لها) لا . . لا . . لا . .

(بعد أن استدار يراها أمامه)

فاطمه بنت برى : تعال . . تعال إلى .

السيد : إني أسمع صوتك . . (صارخا - غاضبا) لا . . لا . . لا . .

(مباشرة يدخل عبد العال)

عبد العال : بالبواب عدد من المریدین یاسیدی ؟

السيد : (صارخا) ماذا يريدون ؟

عبد العال : (مندهشا لأن هذا السؤال طبعاً غريب عليه)

يريدون الخلاص يا سيدى .

السيد : (سارخا) الخلاص ؟ أنى بحاجة إلى من يخلصنى من نفسى ..
أذهب .. أذهب .

(يطفأ النور على السطح ونعود إلى المولد حيث يمر بالمسرح موكب من الرجال
وهم يذكرون) .

كورس : صلى الله عليه وسلم .. صلى الله عليه وسلم .
(بمجرد خروج الكورس يسلط الضوء على الساحة فى القاهرة ونرى
أزدهاما شديداً رجالا ونساء وأطفال يحملون خواتمهم كالمهاجرين ويسرون
متراخين يعبرون الساحة ويبدأ الراوى رقم ٢ فى الكلام) .

الراوى رقم ٢ : مصر أم الدنيا ياسادة يا كرام

وزى ما انتم شافين زحام
زحام شديد فى كل مكان . أمم
راحه تزور السيد البدوى
ندهة المنضام بر الأمان
يعملوا إيه ؟ الناس محتاجه
لحد يصبرها على اللي هى فيه
حد ياخذ بايدهم ؟ وينجدهم
يعملوا إيه ؟

نهايته ماعليفا •

هم فين أبطال قصتنا أمال ؟

زمانهم جابين حيروحوافين

ماهو مهمما لقوا وداروا

معتادين يرجعوا الساحة بتاعتهم

أهو الشيخ خلوصى جاي أهوه

مش قلت لكم ؟ لكن مين اللي معاهده ؟

أحد الأولياء الصالحين .. الشيخ يوسف

مالهم كده محموقين .. ياترى بيقلوا ايه ؟

الشيخ خلوصى : كل الخلق دول رايحين يزوروا السيد البدوى ؟

يامولانا دا حرام دول أكثر من الحجاج •

الشيخ يوسف : استغفر الله .. ان من يفكر زيارة سيدى أحمد

يسلب الإيمان ..

خلوصى : يامولانا .

يوسف : (بصوت عال كمن يخطب فى الجمع المحتشدة) :

استمع إلى... أتعرف ما حدث لسيدى ابن اللبان ..
لقد وقع في حق سيدى أحمد .. فسلب القرآن الكريم
والعلم وذهب ويصلى بالناس فلم يستطع أن يقول كلمة
واحدة .. فخرج يجرى كالجنون ... وراح يستغيث
بالأولياء .. وبقي على هذه الحال أربع سنين .. إلى أن
توسط له سيدى ابن عقيق عند سيدى أحمد البدوى فقال
بشرط التوبة فتاب فرد الله عليه رأس ماله .

أحد الرجال : (من الذين كانوا يستمعون إلى الشيخ يوسف) :

والا التاجر عز الدين — تاجر التجار . أهل بيته كلهم
راحوا يزوروا السيد — وهو مريض — ليه ؟ قال
مش فاض — تعرفوا حصل له ايه ... ؟ أكل سمك
دخلت في حلقه شوكة سدته — بقى لا يعرف يا كل ولا
ولا يشرب ، ولا يتكلم . قعد على الحال ده كثير ؟
سبع سنين وبعدين شالوه ودوه للسيد ... قال له اقرأ
عدية ياسين قراها — عطس .. خرجت الشوكة ...
سبحان الله .

أحد الواقفين : مدد يا سيد مدد .

إحدى النساء : بحق جاء النبي تفتح لنا بابك .

راجل كباره منع حريمه من الزيارة تعرفوا جرى له ايه ؟
سیدی أحمد غضب عليه . . فقره وبعد العز اللى
كان فيه مابقاش لاقى العيش الحاف يتعشى بيه . .
شاف سیدی أحمد ليلة فى المنام . . عرف أنه غضبان . .
راح زاره وحب على ايديه . . سیدی أحمد قال له انت
منعت حريمك من الزيارة ليه . . ؟ قال له يا مولانا باخاف
من اختلاط الرجاله والستات . . سیدی أحمد قال له بقى
أنا اللى بارعى الوحوش والسمك فى البحور ، أنا صاحب
الكرامات والمعجزات ما اعرفش أحى الستات من الرجاله
والرجاله من الستات ؟؟

الراجل بكى . . بكى من قلبه بحرارة سیدی أحمد رضى عنه
الراجل رجع بقى كباره .

بعض الواقفين : مدد ياسيد مدد . مدد .

بعض الناس : حى — حى — حى .

(يخرج الجميع ويبقى خلوصى وحده)

الراوى رقم ٢ : طبعاً سیدی أحمد لاعمره

قال حاجه من دى ولا

سمع بيها — نهايته

ما علينا ..

الشيخ خلوصى واقف لوحده

باين عليه منتظر حد ياترى

منتظر مين ؟

أبو الذهب : (داخلا) حسن لسه ماجاش ؟

خلوصى : ولا شحط وفل ..

أبو الذهب : انت منتظرهم .. بتدبروا ايه ثانى ؟ والله أنا

خايف عليك ..

خلوصى : خايف على من ايه ؟

أبو الذهب : من اللى بتعمله ده .. حد يحبس مدير الحسبة ؟

خلوصى : الناس هى اللى حبسته .

أبو الذهب : ومين اللى حرض الناس ؟

خلوصى : الناس مش محتاجه لتحريض . الناس ابتدت تصحى وتفوق

أبو الذهب : علشان سمعوا كلامك وحبسوا منطاش بيقوا صحوا ؟

انت باين عليك عبيط ..

خلوصى : أنا عارف أنهم حبسوه ..

أبو الذهب : (مقاطعاً) مش عاشان خطف عجيبه .. لا .. لسانك

ادلل قدامك يوم ما خطف عجيبه — حد سمع كلامك ؟

خلوصى : عارف عارف أنهم حبسوه عشان الدقيق المسموم اللي نزلّه
السوق .

أبو الذهب . أيوه فوق كده .

خلوصى : وماله . يبقوا برضه صحوا . سبعة أيام وهم محوطين بيته
ليل نهار ولا هائمهم عسكر ، ولا هائمهم جوع .. شادين
الحزام على بطونهم وساكتين .. انت ناسى أن من يوم
ما حبسوا منطاش ..

أبو الذهب : (مقاطعاً) مافيش قمع نزل السوق ولا رز ولا دره .
أنا عارف .. عارف ان الناس جعانه .

خلوصى : ومستحيلة .

(يدخل شحط وفحل)

شحط وفحل . سلام عليكم

خلوصى : عليكم السلام . اتأخرتم

شحط : حاكم كنا بنتوه رجالة الأمير

خلوصي : بنتوهوا رجالة الأمير ؟

فحل : آه آمال إيه . . مش الأمير بلبغان جه مع رجالته عشان يخلص

جوز بنته الأمير منطاش . .

أبو الذهب : وبعدين ؟

فحل : عساكر بلبغان شافوا الناس محاطة بيت منطاش عدد مهولـ

العساكر جريوا . . .

أبو الذهب : وبعدين ؟

شحط : يعملوا إيه بقى عشان يخلصوا الأمير منطاش ؟

أبو الذهب : وبعدين ؟

شحط : وبعدين إيه ؟ باختصار كده بلبغان بيدور على سيدنا الشيخ

(مشيراً إلى خلوصي)

فحل : (مشيراً إلى خلوصي) قال لك هوده راس الحية — دقها تخلص

من الحية كلها .

أبو الذهب : (لخلوصي) جالك كلامي ؟

فل : مشيوا ورانا قال عشان يوصلوا له .. عارفين ان بيننا
ويينة اتصال ..

شحط : لكن على مين ؟ داحنا طالعنا دين أبوهم .

فل : لفقناهم سبع لفات وآدى احنا جينا أهو .. طلباتك يا سيد
الجدعان ..

خلوصى : أنا عاوز كم تقابلوه

شحط : تقابل مين ؟

خلوصى : منطاش .. وتجيبيوه

أبو الذهب : انت عاوز تعمل إيه ؟

خلوصى : عاوزه يسلم نفسه .

أبو الذهب : عشان تقتبلوه ؟ ؟

شحط : لا مافيناش من قتل .

خلوصى : (غاضبا) أنا ما قلتش نقتله — أنا عاوزه يسلم نفسه عشان

يسلم لنا عجيبيه ونعزله ونطرده .

شحط : لك حق . والله كلامك كله حكم .

خلوصى : خلاص يار جاله ؟

فخل : أمرك .. نروح نجيبولك ونيجى .

شحط : ولنفرض أنه مارضيش ييجى معنا ؟

خلوصى : جروه .

فخل : نجره ونجر أبوه .

شحط : خلاص .

خلوصى : أنا منتظر كم هنا بكره بعد صلاة العشاء

فخل . ماشى .. بس حرص على نفسك ؟

شحط : آه خلى بالك .. رجالة بلبغان منقشرين فى كل مكان (يخرجون) .

أبو الذهب : بأه دا اسمه كلام ؟ دا اسمه كلام ؟

خلوصى : (وهو يسير خارجاً) أنا واصل لغاية القهوة .

(يدخل حسن الفطاطرى بمرسته وتسير إلى جوار المربة روحيه)

أبو الذهب : انت حر (يعود)

حسن : فطير (بتناقل)

روحيه : فطير بأجوه

حسن : ما قلتلك ميت مرة مالكيش دعوى بالفطير أبو عجوه . الله .

روحيه : (بعد لحظة خائفة) فطير يشكر .

أبو الذهب : (مازال بعيداً) ياروحى .

حسن : (مستمراً) مازاحت اللى كانت بتنادى عليه . . . فضلتى
انتى ياوش الشوم .

أبو الذهب : (متدخلًا) وش الشوم ، داوش القمر — وش اللبن
الحليب — وش القشطة وش ولا كل الوشوش .
حسن : (متبرماً) يافتاح ياعليم .

أبو الذهب : جرى إيه يا حسن ؟ ماتروق بقى . . روحيه (منادياً)
: (لحن) أنا ما قتلتكش ؟

روحيه : (تذهب لى أبو الذهب) ذهب .

أبو الذهب . روح ذهب . . دانتي اللى ذهب . . والنبي فضه بتلعلط .
حسن : ماتكلم ما قتلتيش على ايه ؟

أبو الذهب : رجالة خلوصى راحوا يجيبوا منطاش . . هيكون هنا
بعد العشا ويسلمنا عجيبه .

حسن : (يائساً) وده معقول ؟
أبو الذهب : ياجدع منا تياشش من رحمة الله . .

روحيه : ذهب — آوز ايه ؟

أبو الذهب : عاوز ايه ؟ ما انتى عارفه أنا عاوز ايه ؟
روحيه : أنا .

أبو الذهب : (مقاطعاً) أيوه انتى .
روحيه : أنا مش آرفه .

أبو الذهب : يابت افهمينى بأه ؟
حسن : وبعدين بأه .. وبعدين .

أبو الذهب : أنا قلت حاجه ؟ طب أنا عاوز فطيرة ياروحيه .. عاجبك
كده (لحن) .

روحيه : بشكر ؟

أبو الذهب : (وقد عاد لى الغزل) أيوه بشكر .. هو فيه حاجة
تمسكها بايديك ماتبقاش بسكر — دانتى لو مسكت ..

حسين : وبعدين ؟

أبو الذهب : لو مسكتى المر نفسه .. . (يرى زين أيوها داخله)
جبنا سيرة القط .

زين أبوها : (داخله بسرعة وفرح ترغرد) .

أبو الذهب : إيه يا وليه انتى اجننتى ؟

زين أبوها : عجيبه .

حسن : ما لها عجيبة ؟

زين أبوها : هربت .. منطاش كتب كتابه عليها من هنا .. وهي هربت من هنا .. ولا مسها .

حسن : يارب يا كريم يا كريم

أبو الذهب : وانتى يا وليه عرفتى الحكاية دى ازاي ؟

زين أبوها : يوه .. واحدة من حريم منطاش قالت لى .

أبو الذهب : امتى ؟

زين أبوها : دلوقت أنا لسه جايه من عندهم دول فرحانين فيه فرح

حسن : وعجيبة .. راحت فىن أمال ؟

زين أبوها : تلاقيها مستخبية .

حسن : عشر أيام مستخبية ؟

زين أبوها : ما هي خايفه .. يا كبدى

أبو الذهب : مسيرها تظهر وتبان

حسن : أنا حاخذ العربيه وألف عليها البلد حته حته .

أبو الذهب : لا (طويلا) اوعى تنثقل من هنا .. هي عارفه أنك

دائما بتقف هنا ..

زين أبوها : (لأبو الذهب بتريقه) بقى كده .
(يسمع صوت ناي قريب)

أبو الذهب : الواد صابر . . ايه بس اللي بلانا بيه ده ؟ كل يوم فى
الميعاد ده . . يلقيح جتته سبع تيام دلوقت ..
(الناي يقترب)

زين أبوها : يوه واحد بيعجرى على رزقه وانت إيه مزعلك
أبو الذهب : جرى إيه يا وليه ؟

(يدخل صابر وهو ما زال بلمب على الناي)
روحيه : فطير بشكر .

حسن (متمشاً) الفطير اللي مالوش نظير . .

صابر : (مباشرة يغنى الموال)

حبيبي بلدك فين يا عز من عينى
أشكى وأقول يامين فى الحى يهدىنى
فى أى بيت ومكان واطن مع الخلان
أظهر بقى فى أمان حب الهوى غلاب

حسن : يسلم فمك . . اديله فطرتين ياروحيه .

صابر : (لروحيه وهى تعطيه الفطير) كيف حالك يا صديقه ؟

أبو الذهب : اتلسم . . مالك وما لها ؟

زين أبوها : (مستاءة) عجيبيه .

صابر : (يذهب إلى زين أبوها) روح يا خال تعالى يا خال

(ثم يذهب إلى أبو الذهب) يا عم ياللى بلا خال تعالى أعملك

خالى . وأحط قلبى العايل على قايك الخالى .

أبو الذهب : ياواد بلاش تلقىح جئت .

(صابر يسير مبتعداً مكسور الحاطر)

حسن : تعال يا ابنى . . ماتزعلش . . خد

(يعطيه بعض النقود صابر يقبل يده)

حسن : أستغفر الله (وهو يجذب يده بعيداً)

صابر : (مغنياً) .

قالت يا حسن حسنة من إحسانك

الناس تنام الليل يا حسن

وانا سهرانه علشانك

امتى يغيب القمر يا حسن وتنام جيرانك

الملوانى : (داخلا بمسيح) ياناس ياهو البيت حيقم الى يبينوه بيهدوه والى
بيهدوه يبينوه . . ياناس ياهو .

أبو الدهب : انت مش قابلت القاضى العادل ؟

الملوانى : (صارخاً) أبدأ ما قبلتوش . . نوابه عنى حجبه . . أعمل
ليه أروح لمين ياناس ياهو ؟

المفادى : (داخلا مباشره)

ياناس ياهو

القاضى العادل من اليوم

حبحكم من غير نواب

لأن كل واحد فيهم كان

حرامى أو كذاب أو مرتشى

أو نصاب

وعشان كده القاضى العادل

من اليوم حبحكم من غير نواب .

[زين أبوها تزغرد - وكذلك بعض النساء اللاتي يسرن وراء المنادى -
بمجرد خروج المنادى يدخل ٦ رجال يلبسون نفس الملابس ومعهم رجل
كبير في السن يلبس ملابس الحجاب]

[يسلط الضوء على الراوى رقم ٢ ويستمر في المشهد أيضاً حيث نرى هؤلاء
الرجال يأخذون ناصية من المسرح ويتهايمسون في حين أن حسن وزين أبوها
كل منهما يباشر عمله في صمت]

الراوى رقم ٢: طبعاً انتم عاوزين تعرفوا

من دول ؟

دول نواب القاضى العادل

طبعاً مش عاجبهم الى حصل

وعشان كده بيعملوا جمعية

جمعية إيه ؟ حتسألوا

أقول لكم ..

بأه فى أى قضية زى ما انتم عارفين

المهم الشاهد

هو الى يقدر يهدى القاضى

أو يحجب عنه النور ..

عشان كده دول بيعملوا
جمعية للشهادة الزور
غرضهم يبنوا بين القاضى العادل
والحقيقة سور
وعشان كده اشترى
الحاجب بتاعه وحيشترى
غيره كثير
واللى عاوز شاهد يشتري
واللى ما يشتري بتفرج
كله مكسب
انتم فاكرين إني باخرف
والله دا حصل .

صابر : حبيبي بلدك فين يا عـز من عيـنى
اشكى وأقول يا مين فى الحى يهدبنى
أبو الذهب : ما تحل عنا بقى .
حسن : مالك وماله يا أبو الذهب

(نرى حسن وأبو الذهب يتشاجران بالإشارة)

الراوي رقم ٢ : حيث خائفوا تآنى على صابر

أبو الذهب كارهه ليه ؟

بيغير منه الالهبل على روحيه

مع أنه ده . . .

حأقول إيه ؟

لو يعرف الحقيقة

لو يعرف أن الصبية

هى صابر مش روحيه

مش عارف كان يعمل إيه

والا لو حسن عرف

يا سلام ع الدنيا

قاعد منتظرها وهى

واقفة قدامه

عجيبه .

هى دى الصبية

التخفية

أيوه هي . .

حتعمل إيه

تستخبي ازاي من

عساكر السنجق

والا ترجع لحسن ازاي

وهي مكتوب كتابها

على راجل تاني . .

أبو العجب : (داخلا يجري ووراءه بعض الناس يبيرون) :

أروح فين بس يا ناس . . أروح فين ؟

حسين : (أيضا يجري وراء أحد النساء) وشك والني . . . أشوفه

الراوى : بأه د اسمه كلام .

لا تؤاخذونا ياسادة يا كرام

يرجع مرجوعنا . .

[يدخل موكب ديني بالدفوف والنأي مباشرة]

راوی رقم ۱ :

عليك توهكت مولی الموالی

فأنت وسيلتي في كل حالي

إذا سامحتني وغفرت ذنبي

فلا خوف على ولا أبالي

قال الراوی بإسادة یا کرام

لما ألح طيف بنت بری علی سیدی أحمد

أوقات في اليقظة وأوقات في المنام

قال في نفسه كيف أكون من أولياء الله الصالحين

وطيف الدنيا وجهها قد اخترقا جدران حصني الحصين

إمّا الإيمان والصلاح واليقين

لا يكون بالبعد بل بالمواجهة

والانتصار على الشيطان الرجيم

فما أن أصبح الصباح بإسادة یا کرام

حتى خرج سیدی الإمام وسار

إلى حيث بنت برى وقد وضع
على وجهه اللثام..
وكانت هي تعلم أنه لا بد آت
في يوم من الأيام
كما أتى من قبله كثيرون من
أولياء الله فسلبتهم الإيمان . .
ولذلك أرسلت من رجالها
من ينتظره ويتعقب أثره

[يطفأ الضوء على الراوى ويسلط على مشهد بادية بها خيمة كبيرة وأمام
الخيمة بعض الرجال . يرى السيد يسير وعلى وجهه اللثام]

رجل ١ : هذا هو أحمد البدوى

رجل ٢ : ايه . . انه أحد الرعاة

رجل ١ : هل رأيت هذا الرجل من قبل ؟

رجل ٢ : لا لم أره

رجل ١ : انظر كيف يمشى . . انظر إلى قامته واللثام على وجهه

انه هو تعال (يذهب إلى حيث السيد ويستوقفانه) .

رجل ١ : من تكون يا سيد ؟

(السيد لا يجيب)

رجل ٢ : انت لا تسمع ؟

(السيد لا يجيب)

رجل ١ : انى أسألك من أنت ؟

رجل ٢ : انه لا يسمع ولا يتكلم . . . هه هه (يضحك مشيراً الى الثمام)
ولا يرى .

رجل ١ : صه — انى أعرف أنه هو (للسيد) سيدى
سيدتى فاطمة بنت برى فى انتظارك تفضل
(مشيراً الى الخيمة)

[يسير الجميع الى الخيمة حيث تهب فاطمة واقفة بمجرد أن ترام — فاطمة
فى ثوب شفاف يكشف عن مفاتها] .

رجل ١ : سيدتى ها هو السيد أحمد ولو أنه رفض أن يذكر اسمه .

رجل ٢ : إنه لا يسمع ولا يتكلم (مازحاً) كيف يكون هو ؟

فاطمة : صه . . قفا بالباب (للسيد) تعال . .

اجلس (تجلسه وتجلس على أريكه مواجهة له)

انت أحمد البدوى : . أليس كذلك ؟

(السيد لا يجيب) . . . انت تدعى الصمم والبكم حتى
لا تقع في الزلل . . فعل هذا قبلك كثيرون . .
أتيت أخيراً . . كدت في انتظارك . . يداك . .
كنت أعلم أنك ستأتني لزيارتى . . إني لا أستطيع مقاومة
أيدي الرجال . . . ويداك ليست كباقي الأيدي . . .
أيسعدك أنك أتيت ؟ . . أنا الفرح يملأ قلبي . . .
هذا العنق . . . وهذه الجبهة بها فحولة مائه رجل . .
لا أعرف ماذا أفعل بنفسى من فرط الفرح .
كيف ترانى ؟ كما وصفونى لك ؟ أم أجهل . . . أم . . .
تسكلم لا تخشى شيئاً . . . كل ما سيحدث بيننا سر
لن يذاع ، انت تخشى الناس . . . أليس كذلك . . لم
تجلس هكذا بعيداً عني . . . إني أحس بأنفاسك على
وجهى . . انت قريب ، قريب جداً منى . . لا أبتعد . .
ابتعد قليلاً . . رأسى تدور بدون خمر . .
انت تتأملنى . أليس كذلك ؟ هل رأيت امرأة مثلى من قبل ؟
انظر فى عيني . . هل رأيت مثل هذا البريق ؟

ولسكنك لم تعرف في حياتك امرأة واحدة .. كيف هذا ؟
لا أنى أحب هذا .. أحب الرجل أن يكون لى وحدى ..
وعندما يمسك يدي بين يديه .. ويضمنى إلى صدره ...
ليتك عرفت امرأة قبلى لكى تعرف ما أنا ... انظر إلى
أنا ملى .. ملمسها كالحرير .. والدفء الذى يسرى فى
جسدى .. وأنفاسى وشعرى ... هل رأيت ليلا مثل
هذا ؟ انه ليل بهيم ظلماته لا قرار لها .. تضمك فلا
تصحو منه بل تنام .. تنام كما لم ينم إنسان من قبل ...
ليتك عرفت امرأة من قبل ... لسكنت إذن عرفت
ما أنا ... لا .. لو عرفت نساء الأرض كلهن لما استطعت
ان تعرف ما أكون ..

(وهى تذهب إليه) .. اقترب منى .. لماذا لا تقترب ؟
دعنى ألمس يديك .. (تلمسهما) .. انك تزهق روحى ..
إنك رجل ليس كبقية الرجال .. أنا لم أعرف الرجال إلا
فى الخيال ... ولكنى أعرف أن رجال الأرض كلهم
دونك .. هوايتى الرجال ومع ذلك لم أعرف واحدا منهم ..

إني أحب هذا الجسد (تضم جسدها بذراعيها) إنه جميل . .
 أجمل من أن يأخذه رجل . . ومع ذلك أحسن . . . ما هذه
 النار التي تسرى في جسدي . . ابتعد عني ابتعد . .
 أني اتصبب عرقاً (تقوم وتذهب إلى جلستها الأولى) (بنفصب) من
 أي عجيبة أنت . . جامد صامد كالصخر . . . اذهب عني . . .
 لا لا تذهب . . بل اذهب إني لا أريد منك شيئاً لا . . .
 لم لا تذعب ؟ هيه . . ابق . . وجودك أو غيابك سواء
 انت تظن أنك هزمتني بمحودك وصمتك . . أليس كذلك ؟
 ولكنك مخطيء . . إذا كنت تتصور أنني أهم بك فهذا
 غير صحيح أنا لا أعنى كلمة واحدة مما قلت . . . ولا يهمني
 أن تهيم بي أولاً لقد هام بي قبلك كثيرون . . . انت
 لا تعرفني . . أما أنا فأعرفك وأعرف ما يدور في نفسك .
 انك تخشاني . . ولذلك لا تتكلم . وتغطي وجهك بهذا
 القناع . . وستظل تخشاني يا أحمد يا بدوي . . وتهرب مني
 في اليقظة والنمام . . (نذعب إليه) إذا كنت لا تخشاني حقاً
 فارفع اللثام . . وتكلم . . .

السيد : (يرفع اللثام) ماذا تريدني أن أقول يا فاطمة بنت بري
فاطمة : (تترك مباشرة على قدميها أمامه وقد بهرتها طلعتها) سيدي أحمد
السيد : قفي يا فاطمة .

فاطمة : (تحاول الوقوف ولكنها لا تستطيع) : لا أستطيع ...
السيد : (يأخذ يدها ويوقفها ويقودها إلى الأريكة المقابلة حيث كانت
تجلس من قبل) السجود لله فقط

[فاطمة تنظر إلى وجه السيد ولا ترفع عينها عنه وهي مشدوهة وقد تغير
صوتها إلى ما يقرب من الهمس واستولى عليها إحساس بالضعف والخشوع]

فاطمة : سيدي أحمد

أحد الرجال الواقفين بالباب يدخل بسرعة : ألف من جمالك ماتوا
هذه اللحظة .

فاطمة : (تقف ولكنها تجلس مباشرة) : سيدي أحمد

اطلق سراحي ..

السيد : الله وحده بيده أن يفك أسرنا .

الرجل : ماذا تفعل ياسيدي ؟

فاطمة : (للسيد) إني لا أقوى على النهوض .

السيد : انهضنى بإذن الله . .

[فاطمة نهض وتسير خطوتين أو ثلاث نحو الباب ثم تقف وتلتفت إلى السيد]

الرجل : سيدتى . .

فاطمة : (دون أن تلتفت إليه) اذهب . . .

(تسير في اتجاه السيد بضع خطوات) (للسيد) *

أنى لا أستطيع السير إلا حيث أنت . . لا تبتعد عنى .

السيد : لا تبتعدى عن الله

فاطمة : كن دائماً قريباً منى .

السيد : كونى قريبة من الله .

فاطمة : إبنى أتوب — أتوب بين يديك .

السيد : التوبة لا تكون إلا بين يدي الله .

فاطمة : لن أفعل ما يفضبك . .

السيد : لا تفعل ما يفضب الله .

فاطمة : سيدى . . ارضى عنى . .

السيد : الرضا من عند الله .

فاطمة : خذنى إليك . . خذنى .

السيد : مكانك حيث أنت .

فاطمة : مكاني حيث تكون . . خذني إليك بحق التبي .

السيد : ما بي حاجة إليك ..

فاطمة : ولستك حاجتي وليست لي سواك حاجة .

السيد : حاجتنا إلى الله أشد .

فاطمة : لحظة واحدة رأيت فيها وجهك — ولكن ليس بالمر

غيرها . . هذا الجسد لم يعد ملكا لي أنه لك .

السيد : لا حاجة بي إليه .

فاطمة . وهذه الروح

السيد : الروح من عند الله والله .

(السيد يقف)

فاطمة : سيدي . . لا تذهب .

السيد : لا بد أن أذهب

فاطمة : اذهب معك

السيد : كيف ؟

فاطمة : تزوجني .

السيد : لا حاجة بي إلى زوجة

فاطمة : سأكون أقرب من ظلك إليك .. وعندما يشتد البرد أو
تهب الريح أو تهتز الأرض تحت قدميك .

السيد : لن تهتز الأرض تحت قدمي بعد الآن (كأنه يكلم نفسه) أنى
أحس أنى أستطيع أن أسير على الماء .. ان النور يشيع فى
نفسى . وقوة النفس أقوى من الدنيا .

فاطمة : وعندما تصبح كهلا .. سأغسل قدميك الطاهرتين بيدي
وسيكون لك منى أولاد يملأون عليك وحدتك .
السيد : ان أولادى يملأون الأرض .

فاطمة : أنا بك ولك .. حتى بعد أن أموت .. لن يفارقنى طيفك وطيفي
أيضاً لن يفارقك سأرسله لك يصاحبك فى اليقظة
والنمام ...

السيد : لن أرى طيفك بعد الآن .

فاطمة : (وهى تأخذ يده) سيدي دعنى أقبل هذه اليد ... آه لو تعلم ما بى .
السيد : سلام الله عليك .
فاطمة : يا لفرحتى ويا لشقائى .

(يطفأ النور على المشهد ويسلط على الراوى رقم ١)

الراوى رقم ١ :

بعد سيدى أحمد ما وضع

نفسه موضع الاختبار

وخرج من المعركة مع فاطمة

بنت برى بانتصار وأى انتصار

سيدى أحمد ياسادة يا كرام

أمر بجمع السطوحين عشان

يكل لهم الرسالة

رسالة الدنيا ولدين .

(سطوح السيد البدوى - حيث نراه جالساً ومعه عبد العال والشيخ أبو طرطور - والشيخ يوسف الإمامى والشيخ الشيشي والشيخ الكناس)

السيد : انظروا حولكم . . لم تباع الذمم . . لم تقبل

الناس الهوان والظلم ؟

الكناس : لأنها مغلوبة على أمرها . .

السيد : لا أحد يملك أن يغلبك على أمرك إلا إذا رضيت أنت . .

السكناس : كيف أكون مغلوباً على أمري برضاي ياسيدي ؟
 السيد : إذا كنت حريصاً على شيء فأنت مغلوب على أمرك شئت
 أو لم تشأ ... لأنك شئت أو لم تشأ عبداً لهذا الشيء ...
 واني كلما تأملت أحوال المسلمين زاد إيماني بأن هذا هو
 أساس الكرب ... الناس دائماً في طلب شيء ...
 أفواه جائعة لا تشبع لأنها كلما أكلت زادت جوعاً ...

عبد العال : والطريق إلى الشيع ياسيدي ؟
 السيد : أن تشبع بلا طعام ... أن يتخلى الإنسان عن كل شيء ...
 أن لا يبقى على شيء ... هذا هو الطريق ...
 أبو طرطور : أن يتحرر الإنسان من نزعات النفس ...
 السيد : نعم ولكن التحرر من نزعات النفس ليس كما قلت ...
 إلا طريق ...

أبو طرطور : إلى ؟
 السيد : إلى العمل الصالح ... لقد نشرتم الدعوة وزاد عدد
 الفقراء ... الزاهدين في الدنيا ... المتحررين من حبها .
 عبد العال : نعم زادوا كثيراً بفضل الله .

السيد : ومن أجل ذلك جمعتمكم .. فأنا أريد أن تعلموا أن الزهد
في ذاته ليس هدفاً . نحن لا نريد للناس أن يتركوا أمور
الدنيا ويقيموا في الكهوف والجبال .. هذا هروب ..
والفضيلة إذا هربت لم تعد فضيلة .

عبد العال : وما عسى أن نفعل ياسيدي ؟

السيد : لقد ساعدتم الناس على أن يروا نور الله في قلوبهم ؟
عبد العال : نعم بفضل الله .

السيد : (مستمراً) ومن رأى نور الله لا يرضى إلا بما يرى الله انه
جدير بالإنسان وهو الذي غرس نوره في قلبه .
الشيشيني : تعنى ياسيدي . ؟

السيد : أعنى أن الذى رأى نور الله ... الذى كان أسيراً فأصبح
حرّاً .. ينبغي أن لا يسكت على ضيم .. وأن لا يقبل
لنفسه أو لغيره إلا ما يليق بالإنسان .. ولو أدى هذا إلى
هلاكه .. وإلا فما الفرق بين الحر والعبد ؟

عبد العال : ولكن هذا معناه الكفاح ياسيدي ؟

السيد : نعم الكفاح من أجل ما هو حق .. من أجل خلاص
أسرى المسلمين ... وكلنا أسرى ..

الكناس : الخلاص بيد الله .

السيد : الخلاص بإذن الله .. إن الله لا يغير ما بقوم حتى يغيروا
ما بأنفسهم (صمت قصير) احذروا أن تتواكل
الناس عليكم .

الكناس : يتواكلون علينا وانت قطبنا ؟

السيد : لا أنى لا أملك من أمر نفسى شيئاً . فكيف أملك لهم
مالاً أملك لنفسي ؟ لقد كلفت ومازلت أكافح حتى أخلص
النفس من أسر النفس .

عيد العال : سيدى ..

السيد : هذا صحيح يا عبد العال .. فما أنا إلا بشر مثل بقية الناس
(صمت) لقد فقد الناس القدرة على السير .. إنهم يمشون ولكنهم
لا يسبرون .. قلاع مراكبهم تعبث بها الريح كيف
تشاء .. وهذا لا ينبغى أن يكون .

عيد العال : ولن يكون بإذن الله ياسيدى ..

السيد : (نجاة ويشراق) مدير الحسبة في مصر ما زالت الناس
تحبسه في داره ؟

عبد العال : نعم ياسيدى .

السيد : وهو ما زال يحبس عن الناس الطعام . . ومع ذلك
فهم صابرون .

عبد العال : بإذن الله .

السيد : (مشرقاً أكثر) لقد بدأت الناس تصحون
(كن يرى رؤيا بعيدة وقد وقف ينظر إلى الأفق) : بدأت
تسير . . . (مشيراً إلى رجاله) اذهبوا . . . ساعدوهم على
السير . . اذهبوا .

(يطفأ النور على السطح ويسلط على الراوى رقم ١)

الراوى رقم ١ : قال الراوى ياسادة يا كرام

أهـى دى الصورة الحقيقية .

لسيدى أحمد البدوى

الغضبان — الشريف

فتى الفتیان

حنشوفوا ذلوقتي

ازای التلاميذ والمر يدين

حيصوروه في عينين

الخلق الى ماشافوهوش

واحكموا انتم على الصورتين

(يسلط الضوء على الجوع الواقعة أمام دار السيد البدوي والسطوحين
منتشرين بين الناس يتكلمون معهم) .

الكفاس : مولانا حبيبيب الأسرى .

أحد الرجال : حبيبيب الأسرى ؟

الكفاس : آه مولانا خيخلص أسرى المسلمين .

امراة عجوز : يعنى حرجع أشوف ولادى الخمسة ؟

الكفاس : بإذن الله .

المرأة : بركاتك يا سيدى أحمد بركاتك .

امراة أخرى : وحييجوا ازای ياسيدنا ؟

الكفاس : حيججوا من السماء . . طايرين

المرأة : مدد . . مدد . . لكن دول الكفار مقيدنيهم بالسلاسل .

أبو طرطور : (وقد كان يستمع للحديث) سيدنا حيرواح يفكهم بأيده .

المرأة : والنبي ؟

أبو طرطور : الله . . . هو سيدنا مش بيصلي الضهر في مكة . . .

والعصر في مصر ؟

رجل ١ : اجعلنا من بركاتك ياسيد . . اجعلنا من بركاتك .

المرأة : وبعد ما يفكهم بأيده ياسيدنا الشيخ ؟

أبو طرطور : يطيرهم في السما زى ماتطيرى العصافير .

رجل ٢ : الله على كل شيء قدير .

عبد المال : أهو سيدنا قاعد فوق دلوقتي . . تفقتكروا أنه مش

شايفكم . . شايف كل واحد فيكم وعارف انتم بتعملوا إيه . .

وجاين منين ورايحين فين . . عارفين لو رحتم في آخر الدنيا

حيشوفكم وهو قاعد مطرحة .

أحد الدراويش : الله حي .

فسلاح : (يتقدم من عبد المال) ياسيدنا الشيخ . . العربان خدوا

الغنم كليتها . . والأرض كليتها . . آخذ الرجالة ونروح

نماركهم . . والا إيه الرأي ؟

عبد العال : روح انت نام واستريح - الصبح حتلاق أرضك
سابوها العربان وغنمك رجعتك .

الصلاح : دول دبحوا منها كثير .

عبد العال : أنا قلت الغنم كله حيرجع لك . الى اديح والى ما ادبحشى .
أحد الدراويش : حى .

موكب الذكر : الله . . الله . . الله .

(يطفأ النور على المنظر ويسلط على الراوى رقم ١)

الراوى رقم ١

صلوا على خير الأنام

صلوا على النبي

وزيدوا النبي صلاة

تكرموا بإسادة يا كرام

وسبحوا من بيده المصير

ومن هو على كل شيء قدير

(كورس الله . . الله . . الله . . وتم أماننا الناس التي كانت تقوم بالذكر
أمام بيت السيد البدوى . فنسمع الكورس من الخلف والناس تهز اجسامهم فقط)

الراوى رقم ٢ : بقى ياسادة يا كرام

متولى الهام

الوزير المهاب

كان له شوية أصحاب

حكام كلهم .. هو الى عملهم حكام

حسين : (يجرى وراء أحد الرجال) يا عم يا بتاع الحمام ماشفتس غريبه ؟

الراوى رقم ٣ : وبعدين ؟

الرجل : غريبه مين ؟

حسين : مرأتى غريبه . أنا الفطاطرى حسين .

الرجل : يا ابنى هى الدنيا ناقصة مجانين (يخرج)

حسين : (وهو يسير وراءه) أنا مش مجنون .. أنا كنت نايم لما

خطفوها .. خطفوها وأنا نايم .

الملوأتى : (داخلا) وتنام ليه (صارخاً فيه)

تنام ليه وتسببهم يخطفوها !

بلدى (ملتحا) أنا عاوز أروح بلدى .

الراوى رقم ٢ : الراجل ده حكايته حكاية .
الملوانى : (يتخذ الموقف الذى يتخذه دائماً فى هذه المناسبة)
يمحكى أن له وقفة .

يمحكى أن

كان فيه غابة وحاكم الغابة أسد كبير
وفى الغابة غزلان كثير فيهم غزال شاطر
مالوش نظير
كان حامي الغزلان والنعام وجميع الحيوان
من الأسد . . يشوف الأسد جاى
يشاور لهم يمحروا الأسد عقله يطير
وبعدين فى يوم الأسد مات . . الحيوانات
عملت الغزال الشاطر الى مالوش نظير
حاكم على الغابة . حكم وجاب معاه عشر
غزلان عمل كل واحد منهم وزير
مافاتش كثير وبعدين صبحا الغزال

الكبير من النوم لقي كل وزير

رجليه قصرت ورأسه كبرت

وظلمت له شوارب وأنياب

صار أسد ٠٠

أسد خطير

الراوي رقم ٢ : معذرة لجميع السادة الحاضرين

حنعمل ايه ما احنا عايشين

مع شوية مجانين

كنا بنقول في إيه ؟

آه . متولى الوزير المهاب

جمع الحكام الأصحاب

وقال لهم أنا جالى

جواب من مجهول .

ييقول :

(يسلط الضوء على قاعة يجلس فيها متولى على إيوان وحوله ٤ رجال من أصحابه)

نعمان : ييقول إيه ؟

متولى : ييقول إن سعفران اتخذ لنفسه لقب مملوك .

نعمان : الى كتب الجواب ده صعلوك .

متولى : سعفران الحر بقى مملوك . . مش كفاية العار الى احنا فيه ؟

نعمان : عار ؟

متولى : مش كفاية أننا بنشارك الممالك والكفار الحكم — نبقى

الحاجب رشوان : (داخلا) سيدى . . بالباب ناس كثير

متولى : عايزين إيه ؟

الحاجب : عاوزين يقابلوا الوزير .

متولى : طلباتهم إيه ؟

الحاجب : طرد منطاش .

متولى : لكن احنا طردناه (ملتفتاً إلى نعمان) مش حصل بالقمان ؟

لقمان : طبمّا حصل طردناه من يومين .

متولى : وهو دلوقتى فين ؟

لقمان : فى بيته .

متولى : فى بيته ازاي ؟ ضرورى يبقنى فى السجن .

لقمان : نخطه فى السجن حالا . (للحاجب) نادى عثمان .

الراوى رقم ٢ (ومايزال المشهد كما هو تحت الأصواء ويعمل كل من فيه بالإشارة)

طبعا كلنا عارفين

إن الناس هم إلى حاسين

منطاش فى بيته

وأنه ما اطردش

من وظيفته ولا

حاجة .

عشان ايه ما اطردش ؟

عشان دفع للقمان

مبلغ وقدره .

أهوجه عثمان الحاجب الخصوصي

بتاع الحاكم لقمان

خده على جنب وبيقول له .

نعمان : روح للأمير بلبغان فهمه

إذا كان عاوز

منطاش جوز بنته مايدخاش السجن .

يدفع ٤ صرات قد المعلوم وهات منه الفلوس

مفهوم ١٠٠ ؟ يا لله قوام ٠٠

الراوى ٢ : عثمان ضرب سلام وخرج

وبعدين يا سادة يا كرام

الحاجب بتاع متولى الهمام

قال الناس بتقول ان ما فيش طعام

الحاجب : الناس جعانه

متولى : أنا مش قلت يا لقمان تفتح الخرين وتدى أكل لى عايزين ؟

لقمان : وده الى حصل

متولى : أمال ازاي الناس جعانه ؟

لقمان : اشاعات يامولانا .

سليمان : الناس فعلا شبعانه

لقمان : طبعاً شبعانه يامولانا دا في كل مكان الناس مبسوطه
وفرحانه . . .

الحاجب : الناس بتقول ان السجون بالمظلومين مليانة .

متولى : سليمان أنا مش أمرت بأن القاضى العادل يرجع ؟

سليمان : ورجع .

متولى : آمال ازاي ده حصل ؟

سليمان : مافيش حاجة حصلت دى أكاذيب ..

متولى : والناس تكذب ليه ؟

لقمان : الأعيب .

متولى : الأعيب بتاعة مين ؟

لقمان : بتاعة شوية رعاى مشعوذين .

سليمان : آه فعلا .. كل اللى بره دول رعاى أفاقين ..

متولى : رعاى ؟ ازاي تقولوا على الناس رعاى ؟ معناه إيه ده ؟
معناه إيه ؟

نعمان : أصلهم فى الحقيقة . . .

متولى : معناه . . معناه واضح . . معناه أنكم بقيتم حكام وعشان
كده الناس فى نظركم بقوا رعا . . . لكن لا . . .
أنا لا حاكم ولا وزير . . أنا متولى . . الحر . . الفقير . .
الثائر الى عمره مايسكت على الغلط . . . وانتم منى . . .
والناس الى واقفين بره . . . الناس الى بتسموهم رعا
دول أهلنا . . دول احنا نفسنا .

الحاجب : فيه واحد اسمه الشيخ خلوصى يقول حاجات كثير . .

ومصمم يقابل الوزير . .

متولى : أنا خارج أشوفه عايز إيه . .

واسمع بودنى الناس بتشكى ليه .

لقمان : مولانا . .

متولى : ما هو لانا غلطان لا الناس غلطانة (يهم بالخروج)

سعدان : (داخل) الناس طبعاً غلطانة .

متولى : لا الناس مش غلطانه احنا الغلطانين

سعفان : دى نقيجة تعبنا وشقانا ؟

لقمان : أيوه يا سعفان قول لمولانا . احنا بنعمل للناس إيه .

سعفان : حاقول له إيه والا إيه . . كفاية الحرمان الى احنا فيه . .

سليمان : الواحد نسي عياله شكلهم إيه . .

متولى : آمال الناس بنشتكى ليه ؟ فهمونى الناس بنشتكى ليه ؟

سعفان : بتقول إيه الناس ؟

لقمان : بيقولوا انهم جمانين ومظلومين . . تصدق يا سعفان ؟

سعفان : أصدق آه . . أصلهم متسلطين .

متولى : مين الى سلطهم ؟

سعفان : المتضايقين من حكلك . . الى من مصلحتهم يرجعوا كل

حاجة زى ما كانت . .

متولى : كده . . طب واللى بيقولوا ان سعفان بقى مملوك ؟

مصلحتهم إيه ؟

سعفان : أنا مملوك ؟ دى تبقى خيانة ؟

متولى : يعنى ما حصلش ؟

الحاجب رشوان : (داخلا . . للقمان) عثمان . .

لقمان : خليه ييجى .

(يدخل عثمان ويأخذ لقمان إلى ناحية من المسرح ويتهاeson ويستمر الحديث
بين متولى ورجاله بالإشارة فقط ويسلط الضوء على الراوى ويستمر الضوء
أيضا في المشهد)

الراوى رقم ٢ : أنا مش سامع

لقمان بيقول إيه لحاجبه عثمان . .

لكن أنا شايفه أهو

بيدبله كيس فلوس

طبعا المعلوم اللى دفعه

الأمير بلبغان

عشان جوز بنته منطاش

ما يدخلش السجن

يتكلم أهو عن خلوصى

بس مش عارف بيقول إيه

ويتكلم كان

على شحط وفحل
ياترى بيقول إيه ؟
لقمان بيدى عثمان
فلوس — ضرورى بيدبر
حاجه . . ياترى هى إيه
كلامهم دلوقت واضح
بيقول له ؟

لقمان : بعد ما تخلص الى قلتلك عليه . . .

تيجى هنا تستلم بدل الحاجب رشوان ..

عثمان : ورشوان ؟

لقمان : تشوف له داهية . .

عثمان : فهمت . . أصله بينقل كلام الناس للوزير .

لقمان : خلاص .

متولى : احنا من الناس والناس . مش جايين عشان نحكم

الناس لا أى واحد يقدر يحكم .

احنا جاين نغير الموجود .
 نفتيح الأبواب الى مقفولة بقالهاستين
 وحققناها كلها بإذن الله .
 سليمان : بإذن الله .
 متولى : (مستمراً) دى رسالتنا .
 وعشان نحققها . . ضرورى
 نفهم كويس . . أننا مش
 حكام . . أننا خدام
 خدام للرسالة —
 للحق والعدالة
 لقمان : معقول .
 سعفان : معقول .
 (يطفأ النور ويسلط على الراوى رقم ٢)

الراوى رقم ٢ : طبعا معقول وعز المعقول

لكن تعرفوا حصل ليه بعد

الحكام الأربعة ما خرجوا

من عند الوزير الهمام ؟

سمعنان أخذ أصحابه

الثلاثة نعمان ولقمان وسليمان

ووداهم عند قاضى الماليك

أبو سلطان

كل واحد دفع مبلغ

وبقى مملوك

وخرجوا مبسوطين

قالوا احنا كفا عن

الفكرة دى فىن تايهين !

بأه ده دا معقول

نعيش فلاحين

ونموت فلاحين ؟

على الأقل دلوقتي

ضامنين إن

ماحدث يقدر

ياخذ منا

لا مال ولا طين

وبكره نبقى أمرا كبار

ويمكن كان سلاطين

هذا ما كان من أمر الحكام

والناس العظام

أما ما كان من أمر أبطال

قصصنا يا سادة يا كرام .

(بساط الضوء على المشهد المألوف . زقاق الخنش ويستمر أيضاً على الراوى)

الراوى رقم ٢ (مستمراً) : الزقاق فاضى ؟ لا والله دا أبو الذهب

بيا كل فطير ومبسوط ومعاه حسن وروحيه والناس داخلة

خارجة .. فيه حركة غير عادية فى الزقاق مع أن المغرب

إدنت .. إيه الحكاية ؟ الله .. وإيه حكاية الديوان العالى

الى ناصيينه فى الزقاق ده ؟ حيعملوا فرح ؟ جايز
بس دا ما فيش تعاليق . . النادى داخل أهو . . أما نسمع
حيقول إيه ؟

النادى : يا ناس يا هو . يا ناس يا هو
ليكن معلوم عند الجميع
إن القاضى العادل الليلة دى
بعد صلاة العشا
حيعقد جلسة عمومية فى
زقاق الخنش
وكل من عنده اعتراض
أو تظلم من أحكامه
يتفضل يجي قدامه
معلوم ؟ مفهوم ؟

حسن : بأه عشان كده ناصيين الديوان
أبو الذهب : آه . . (منادياً) روحية
روحيه . أيوه ذهب .

أبو الذهب : كان فطيرة .

روحية : من لماني . .

أبو الذهب : تسلم عينيكي يا حلوة . . البت ابتدت رأسها تميل . .
اتكل على الله بأه يا أبو علي .

حسن : ياراجل اعقل دي قد أولادك . . تجوزها ازاي ؟

أبو الذهب : أجوزها زي كل الناس ما بتجوز . . . زي ما انت
حتجوز عجيبه . . إيه غريبه ؟

حسن (متهدأ) : هي فين عجيبة ؟

أبو الذهب (مستمراً) : يا سلام . . . الواحد لو أجوز البت دي
يعمل إيه ؟

حسن : (مستمراً) : وحتى لو عجيبة رجعت . حاجوزها ازاي بعد
ما كتب كتابه عليها الكلب ابن ال . . استغفر الله . .

أبو الذهب (مستمراً) : الواحد يعمل إيه ؟ ولا حاجه . . ينام طول
النهار في السرير وياكل فطير . .

روحيه (تنادى) : فطير بشكر .

حسن (فجأة) : ما نعرض الموضوع على القاضي العادل ؟

أبو الذهب : والقاضى ماله ومالى . . أنا حاجوزها على سنة
الله ورسوله .

حسن : يا أخى أنا باكلم على عجيبة . . مش القاضى برضه يقدر
يلغى العقد الى عقده منطاش عليها ؟

أبو الذهب : مش فى الأول تلاقىها ؟
حسن : ياسلام لو أبصّ ألاقىها داخلة علينا .

(يسمع مباشرة صوت ناى صابر)

أبو الذهب (متبرماً) : صابر ! الواد ده باين عليه مش راجل .
حسن : يا شيخ حرام عليك .

أبو الذهب : أقطع دراعى . . . أمال بيتمحك فيك كده ليه ؟
حسن : وأنا قالوا لك على . .

(يدخل صابر وتهرع ليه روحية وتقدم له فطيرة ويتهاوسان)

أبو الذهب : والا يمكن بأه عينه من حد تانى . . يانهار أسود

(يلتفت فبرى روحية وصابر - يقوم إليهما يقبض بشدة على معصم روحية)

روحيه : ثيب إيدى . .

أبو الذهب : فين الفطيرة بتاعتى ؟

روحيه : ع النار ..

أبو الذهب : تعالى هاتيها (بشدها)

روحيه (تتألم) : ثيب إيدى ..

أبو الذهب : وجعتك ؟ هه (يقبل يدها وهو ما زال ممسكا بها ويستمر

فى التقبيل) .

(فى هذه الأثناء يذهب صابر إلى حسن ويتحدثان)

زين أبوها (داخلة تصرخ عندما ترى المنظر) : يا خرابى ...

الراجل يه ... الحقونى .. الحقونى .

روحيه : ثيب إيدى (لزين أبوها) مائك إيدى .

زين أبوها : هو اللى ماسك إيدك برضه ؟ (تمض ذراع روحية) سيجى

إيد الراجل يابت .

أبو الذهب (متوعداً) : بتعضى دراعها . طب روحى وانى ...

زين أبوها (صارخة) : تعدمنى لو قلتها وتعدم روحيه كان

وتعدم أمك .

أبو الذهب (متوعداً) : إن ما كانش النهارده يبقى بكره ..

روحیه (وهی تہز ذراعها من الألم) : دراع هوّ (وهی تحرك معصمها)
إید هو .

حسن (متقدما من روحية) : إید هو دا إیہ . . إید هی . .

روحیه : إید هی . . دراع هو (متألم) .

أبو الذهب : سلامة هی . . وسلامة هو . .

حسن : لأ . . لا هو ولا هی . . قولى إیدی دراعی . . ماتقولیش
حاجة خلاص كفاية .

روحية : والأربية (مشيرة إلى أنها لن تستطيع أن تدفعها بذراعها الموجوع)

حسن : مش حتقدری تزقیها عشان دراعک ؟ معلمش
صابر یزقها .

روحیه (مبتسمة) : ثابر ؟

حسن : آه حاکم صابر حیسرح معانا ینادی معاکى على الفطیر
ویغنی وأهو نستزق مع بعض .

أبو الذهب (صارخاً) : لأ یاسی حسن احنا ما فیناش من کده .

حسن : هو إیہ الی ما فیناش من کده ؟

أبو الذهب : قلت البت لسه صغيرة قلنا نستناها .. لكن
نستناها وهى طول النهار مع الواد ده راحه جايه ؟
لأ .. يفتح الله ..

حسن : يفتح الله ياسيدى ..

أبو الذهب : يفتح الله ؟ طب على الطلاق بالثلاثة من زين أبوها
يا حسن لو ماجوز تنيش روحيه لـ ..

زين أبوها : جوزها له ياسى حسن أبوس إيديك .

حسن : أجوزها له ازاي يا زين أبوها ؟ أجوزها له إزاي ؟

أبو الذهب : يعنى إيه تجوزها لى إزاي ؟ والله العظيم أنا
مش فاهمك أبداً .. ما تكونش عينك زاغت عليها

هى رخره

حسن : عيب يا أبو الذهب .

أبو الذهب : عيب ؟ طب مادام عيب أنا باطلب منك روحيه
دلوقت ياسى حسن — قلت إيه ؟

(حسن لا يرد) .

أبو الذهب : قلت إيه ؟ ما تتكلم ..

حسن : إيدك على ٥٠٠ دينار .

أبو الذهب : ٥٠٠ دينار مهر روحيه ؟

حسن : إيه ما تستاهلش ؟

أبو الذهب : تستاهل أكتر . بس أجيبهم منين ؟

دأنا لو بعت نفسى أنا وزين أبوها فى السوق ما نجش
٢٠٠ دينار . .

حسن : دا المهر الى طالبه سيدها تاجر التجار .

(تدخل عساكر السنجق الذين حضروا قبل ذلك للقبض على عجيبة -
ينظرون كأنهم يفتشون عن أحد - صابر يلعب على الناي) .

زين أبوها : بتدور على مين يا اخويا ؟

العسكرى المصرى : حرم الأمير منطاش ما شفتهاش ؟

زين أبوها : اسمها إيه يا اخويا ؟

العسكرى : اسمها عجيبة .

زين أبوها : عجيبة الى كانت بتسرح بالفطير ؟

العسكرى : هى .

زين أبوها : بقت مرأة الأمير منطاش ؟

العسكري : أيوه بس ما أجوزهاش .

زين أبوها : حكمتك يارب .

العسكري : (لحسن) ماجاتش حداك ياراجل أنت؟

حسن : يسمع من بقك ربنا .

العسكري : لو جت تسلمها .. فاهم؟

(يشير إلى زملائه العساكر ويخرجون)

صابر : (مباشرة يغني) .

فايت على الحليوه

أنا قلت ده الحاكم

والدق الأخضر على ايده

اليمين حاكم

أسألك يارب ياللى على العباد حاكم

تلم شملى أنا ومحجوبى ولا يكونشى

عليها حاكم ..

حسن : آه .. يسلم فك يا ابني .. يسلم فك ..

ياله نسرح شوية .. (يخرجون . نسبح بقايا الموال

وفطير بشكر)

(يدخل خلوصى) ..

أبو الذهب : خلوصى . . . تعالى . . . عسا كر منطاش كانوا هنا

انت كمت فين ؟

خلوصى : طول النهار واقف على باب متولى

أبو الذهب : الوزير .

خلوصى : أيوه . . وما قابلتوش . .

أبو الذهب : ما تسبنا بأه من الحكاية دى وتحملينا فى حالنا والله أنا

خايف عليك . . عسا كر بلبغان بتدور عليك وجايز كان

عسا كر منطاش حد عارف إيه اللى حيجصل ؟

خلوصى : كل خير . . الناس ابتدت تصحوا . . انت ما عندكش

فكرة بيقولوا إيه . . ؟

أبو الذهب : كلام . . . ما تاخودش منهم غير كلام .

خلوصى : الحالة بقت وحشة . . ضرورى تتغير . .

أبو الذهب : يا سيدي وحشه والا حلوه احنا مالنا . . .

إذا كان لا بد نغير . . نغير حالنا . .

خلوصى : نغير حالنا ؟

أبو الذهب : آه — الواحد مش يعيش شحات ويموت شحات —

حسن عايز في روحيه ٥٠٠ دينار — أجيهم منين ؟

أنا ضروري أتعلم ازاي بيحولوا النحاس ذهب .

خلوصى : كلام فارغ .

أبو الذهب : ما فيش حاجة كثيرة على ربنا — طب أنا امبارح

حلمت حلم ...

حلمت ياسيدى ... مش فاكر حلمت إيه ...

(يدخل القاضى العادل فى موكب بسيط ومن وراءه الملوانى وولديه —

ورجال ونساء وأطفال ونسمع بعض الزغاريد ... أمام القاضى يسير الحاجب وأمامه المنادى)

المنادى : القاضى العادل عاد .

كل الى له اعتراض

على أحكامه

ييجى قدامه

واللى عنده ظلامه

أو شكايه .

الحاجب : محكمة (مقاطعا المنادى)

الملاوى : يا قاضى القضاة

البيت حيقع

الى بيبنوه بيهدوه

واللى بيهدوه بيبنوه

القاضى : مين دول ؟

الملاوى : ولادى . . الأولانى والثانى

القاضى : البيت بيت مين ؟

الملاوى : كان بيتى كتبته لهم .

القاضى : شهودك ؟

الملاوى : شهود على إيه ؟ دا كل الناس عارفين . . اسأل أى واحد
يقول لك ..

القاضى : (الأولانى والثانى) وانتم كلامكم إيه ؟

الأولانى ، شهودنا يكلموا . . .

شاهد رقم ١ : دول مش ولاده . .

شاهد ٢ : وهم مش أخوات

شاهد ٣ : وما يعرفوش بعض

شاهد ٤ : وما عندهومش بيت .

شاهد ٥ : ولا يهدوا ولا يبينوا .

المواني : (صارخا) يا ناس يا هو ... يا ناس يا هو ... قولوا
له أنا أبقى مين .

(تدخل مجموعة من الناس المسرح فجأة في عصبية وسرعة) .

رجل ٢ : بإسعادة القاضي ابني اللي خطيته
في السجن مظلوم .. ابني ماسرقش
الصندوق . .

القاضي : مين اللي سرقه ؟

رجل ٢ : (يمسك برجل ٣) اكلم
رجل ٣ : أنا اللي سرقص الصندوق .

رجل ٤ : وأنا اللي قتلت أختي

جوزها ماقتلهاش

بعض الناس : والزاني أهو

الابن مش أبوه

احنا شفناه ومسكنناه

بعض الناس : والجاني (الناس تلف حول القاضي)

الراوى : الجاني ماهواش الجاني

والحرامى طلعتة شريف

والشريف عملته حرامى

والجرمين رايمين جاين

أحرار فى الدنيا

والسجون بالظلمين

مليانه

القاضى زعق وقال

لكن دا حصل إزاي

فهمونى . فهمونى ؟

ينوبكم ثواب

الراوى : الحاجب بكى وقال

الحاجب : كله من الثواب

نوابك خربوا

الذمم — خلوا

الناس كلها

بقت شهود زور وبهتان

القاضى زعق وقال :

القاضى : لكن ضرورى لسه فيه

ناس نضاف — ناس كويسين

الملوانى أتقدم وقال ؟

الملوانى : لكن أنا الملوانى

كل الناس عارفانى

وعارفه قضيتى

ومحنتى وبلوتى

القاضى انعدل فى كرسيه وقال :

القاضى : حكمت فى قضية الملوانى

إن الأولانى والثانى ..

الراوى : القاضى سكنت .. لسانه

خرس — الصدمة شلته

الناس لما شافت

كده صرخت وقالت

خلاص الحق ضاع

وحيفضل المجرمين

أحرار

في الدنيا رايمين جاين

وحيفضل المظلومين

في السجون بالحديد مربوطين

الحاوى أبو الذهب (يعرض ألبابه) جلا جلا جلا . . مش دى بيضه ؟

يا تأس . . بصوا . .

(يدخل شحط وفعل ومعها ٢ من العساكر)

فحل : (مباشرة مشيراً إلى خلوصى) هو ده .

(العسكري يسك بخلوصى)

شحط (صارخاً) : انت بتعمل إيه .

خلوصى : (مدركا الموقف فى أسى) فحل .

أحد الصبية : (مشيراً إلى أبو الذهب) البيضة وقعت .

فحل : أنا مالى . . دول عسا كر الحاك لقمان . .

أحد الرجال : (داخلا وهو يصيح ملثاعا بأعلى صوته) الحاك لقمان ضرب

فى الناس ومنطاش خرج من بيته ورجع بقى منطاش

ياناسو ياهو . .

الملوانى : والبيت حيقع الى بينووه ييهلوه .

أبو الذهب : (بصوت عال) موجهاً كلامه لخلوصى ولكن كأنه

يحدث نفسه ؟

افتكرت الحلم . . كفا ناس كثير فى بيت كبير له سور

طويل . . بصينا لقينا ثعابين بتقفز السور وجايه علينا . .

الناس لطمت خدودها . . قلت لهم ما تخافوش أنا حاسحركم

حاغـيركم . . . قالوا لو عملتنا ثيران أو قطط أو فيران

برضه حيبلعونا قلت طب بصوا بصوا لقوا نفسهم

ثعابين — واللى كانوا جايين يا كلونا وقفوا ساكتين

مختارين . . . ما احنا بقينا زيهم وما حدش عارف

مين من مين . .

(يطفأ الضوء على المشهد ويسلط على الراوى رقم ٢)

الراوى رقم ٣ : وهكذا يا سادة يا كرام . .

(مباشرة نرى حسين وأبو العجب ومنار والملوانى يعبرون المسرح بعد أن
انتهوا من عملهم فى المولد)

الدرويش : (على القهوة) وحدّوه .

الملوانى : (يقف فى وسط المسرح بطريقته المعتادة عندها يحكى قصته ويصيح

بصوت عال وغاضب) :

يحكى أن

يحكى أن

كان فيه غابة كبيرة

والغابة كان فيها أسد

وبعدين الأسد صار قط

والقط صار أرنب

والأرنب صار فار

والغابة صارت جحر

والجحر صار كله فيران

(ثم بذعر وصوت عادى كمن يبحث عن شىء فقده - ملتاعاً)

بلدى يا بلدى . . .

ستار

الفصل الثالث

(بعد شهر من الفصل الثاني)

المولد مستمر - أصوات موسيقى تنبعث من الخلفية والراوى رقم ٢
والراوى رقم ١ موجودان .
فى قصر متولى بالقاهرة - ومعه رجاله سعفران - ونعمان - ولقمان وسليمان

متولى : ازاي بلبغان المملوك التركي يبقى قاضى القضاة ؟

يحكم بين الناس ازاي ؟ يفاهم معاهم بأى لسان ؟

سليمان : معاه ترجمان .

متولى : انت بأى ضمير تعين بلغان قاضى القضاة ؟ فهمنى ؟

سليمان : أنا ما عينتوش .

متولى : أ مال مين الى عينه

سليمان : هو .

متولى : هو الى عين نفسه ؟

سليمان : أيوه اشترى المنصب .

متولى : (مندهشاً) اشترى المنصب بتقول ؟

سليمان : اشتراه من زهران . .

متولى : زهران مين ؟

سليمان : قاضى القضاة الى قبله .

متولى : قاضى القضاة الى قبله كان بدران . . . بعد القاضى

العاذل مامات . . . أنا قلت لك تعين بدران . . . بدران

راجل نضيف . . ما عينتوش ليه ؟

سليمان : عينته . . . وبعدين بدران باع منصبه لزهران ؟

متولى : (متأثراً) مش معقول . . . العدالة بقت تجارة ؟

سلعة فى السوق تباع وتشترى ؟ وأنتم شايئين ده بيحصل

وسا ككتين . . سا ككتين ؟

سعفان : حنعمل إيه ؟

متولى : تعملوا إيه ؟ معناه إيه الكلام ده — معناه إيه ؟

سعفان : معناه ان منصب قاضى القضاة مش هو لوحده الى أصبح

يباع ويشترى . . . كل مناصب الدولة بقت كده . . .

الى عنده فلوس يقدر النهارده يشتري أى منصب —

وبعدين يبيعه لما بيحجى له فيه ثمن كويس .

لقمان : وبالثمن ده يشتري منصب أعلى وبعدين يبيعه . . وبعدين . .

متولى : كفايه . . كفايه . .

لقمان : ينصارك باللى موجود . . مش عاوزنا نعمل حاجه ؟ قل
لتا انت تقدر تعمل انت إيه ؟

متولى : انتم فاهمين ده معناه إيه ؟ معناه أن ما فيش عمل النهارده
مممكن يتعمل . . . والنتيجة الخراب الى حل بالبلد . . .
د السبب ؟

سعدان : الناس هم السبب .

متولى : لأ . . السبب . . أنا وأنتم . . احنا الى جاين ننفذ الناس
من الفرق تقوم نغرقهم بأيدينا .

لقمان : هم الى غرقوا أنفسهم .

سعدان : كانوا غرقانين من الأصل .

متولى : لا . . أرجوكم . . كل شىء جازى فى الدفاع عن النفس إلا
الطعن فى الناس . .

سعدان : احتما ما ارتكبناش جريمة عشان ندافع عن نفسنا .

متولى : والسكوت على الخطأ مش جريمة ؟

لقمان : ما كانش ممكن . . .

متولى : ما كانش ممكن أو كان ممكن .. كل شيء ممكن إلا
السكوت على الخطأ .. لأن .. دامعناه الخيانة ... خيانة
الرسالة .. خيانة السكبان .. خيانة الثائر الغضبان ...
أنا .. وانت .. وانت .. وانت احنا لما حكمنا
حكمنا بصفقتنا ثوار لنا رسالة عاوزين تحققها النهارده إذا
اننازلنا عن رسالتنا .. إذا اتخلينا عن كياننا . نحكم
بصفقتنا إليه ؟

سعدان : احنا ما زلنا زى ما كنا .

متولى : أنا من شهر طلبت منكم تأديب المالك .. كانت النتيجة
إليه ؟ إن المالك النهارده ماسكين جميع المناصب الكبرى
الى فى البلد .. وانتم عارفين وساكنين .

نعمان : التيار قوى ..

متولى : ضرورى نقاوم التيار .. إننا نوهم الناس أننا واقفين
فى وش التيار واحنا فى الحقيقة ..

سفان (مقاطعاً) فيه حل ؟

متولى : أنا أصدرت أمرى - يتحرىم جميع وظائف الحكومة
على للماليك ..

سفان : والى عندهم وظائف بالفعل ؟

متولى : نعرلهم .. وإذا كنتم عاوزين نستمر فى الحكم .. لا بد
من تنفيذ الأمر دا فى الحال (يقذف إليهم بعض الأوراق) .

لتمان : لكن دامتناه محاربة للماليك ؟

متولى : كل واحد منكم عنده رجالته ..

لتمان : مش كفاية

متولى : الناس كلهم معاكم ... خدوا بايدين الناس ياخدوا
بايدكم ...

(يدخل الحاجب رشوان مسرعاً ومعه عثمان يحاول يمنعه)

متولى : (لثمان) اتركه يا عثمان ...

رشوان : (داخلا) سيدى . . . المالك عاملين مدبحة . . . نازلين
تقتيل فى الناس . .

متولى : فين ؟

رشوان : فى المغربلين . . وباب زويلة . . والنحاسين . . . وباب
الخلق . . لكن فى المغربلين الحالة وحشه . .

متولى : كل واحد ياخذ جهة . . أنا نازل المغربلين . . رشوان
بخليك هنا . . . وانت يا عثمان ارجع عند لقمان
(وم يخرجون) قبل ما ينتهى الليل تكون المدبحة انتهت
والوظائف والشوارع نضفت من الكلاب . .
(يطفأ النور على المشهد ويسلط على الراوى رقم ٢)

الراوى رقم ٢ :

وهكذا أصدر أوامره متولى

الوزير المهاب

لكن ما من سميع أو مجيب .

وازاي أعوانه يسمعوا كلامه

ويحاربوا أو يعزلوا المالك

وهم أنفسهم زى ما احبنا عارفين

صاروا ممالك

سبحان الله . . حد يبيع

نفسه بايديه . . برضاه ؟

ما علينا . .

يرجع مرجوعنا لأصحابنا

وحبايينا . . فى زقاق الخنش

(يفتح الضوء على مشهد الزقاق - وبعض الناس مستلقين على الأرض فى حالة
لأعياء - بعضهم نائم - وفى المشهد الحاوى أبو الذهب يعرض ألعابه وحوله
بعض الناس - وزين أبوها وحولها بعض الناس تشوف لهم البخت -
يستمر الضوء على الراوى والمشهد معا)

الراوى : ناس كثير زى ما أنتم شايفين .

نايمه - همدانه .. دبلانه - جعانه

بقا لها أيام وأيام ما داقتش طعام

حتى الققط والكلاب ما عادوش موجودين

خلصوا .. الناس كانوا ييصدوم ويسلخوم
ويبيعوم ويأكلوم لغاية ما خلصوم
مجاة عاملينها المالك
والناس في جيها فلوس لكن البطون خاوية
تعمل إيه بالفلوس الناس ؟ تشوف البخت
وتتفرج على الخاوى .. زى ما انتم شايفين
أبو الذهب : جلا .. جلا .. جلا .
شوف يا جدع .. بص يا جدع ..
انتم مش جعانين ؟
الناس : جعانين .. جعانين
أبو الذهب : حاعمل لكم عيش ..
الناس : عيش .. عيش ؟
أبو الذهب : حاعمل لكن ماية رغيف .
الناس : مايتين
أبو الذهب : ماشى .. جلا .. جلا .. جلا ..
شوف يا جدع ... بص يا جدع ..

مش دى كوره . . . جلا . . . جلا . . . الكوره بقت إيه ؟

الكورة بقت رغيف عيش

(والكورة تنفرد فى يديه ويطلع منها الدخان) طوى سخن

بنار القرن . . .

(يهجم بعض الناس على أبو الذهب ويخطفون الكورة من بين يديه
ويقطعها الناس بأسنانهم ويقطعونها فيما بينهم ويخطفون أجزاءها
ويتشاجرون فيما بينهم ويقع بعضهم على الأرض وينضم إليهم زين أبوها
— كل هذا يتأتى بحركة منظمة كأنها حركات بالية تعبر فيها الناس عن
الجوع والأسى)
(فى هذه الأثناء)

أبو الذهب : (يتنحى ناحية من المسرح) لا حول الله .. لا حول الله .
الناس بتاكل الخيش .

زين أبوها : (تمد يدها بنقود لأبو الذهب) خد — ٢٠ دينار أم
فاضل كام ؟

أبو الذهب : ٣٠ . .

زين أبوها : هانت .. بس .. ورأس أبوك ..

أبو الذهب : ماتخافيش . . . دانتي الخير والبركة . .

زين أبوها : (وهي تمسح عينها من الدموع) الله يطول لي في عمرك
ويخليك لي . . . ليغا . . .

(يسمع صوت صاجات رقص . .)

أبو الذهب : (مسرعا إلى مدخل الزقاق) . . أهى جت .

الراوى : (يقطع على المشهد مع استمرار الضوء على الاثنين واستمرار حركة
الناس بالنسبة للرغيف والجوع إلخ . .)

روحيه هي . . العروسة التي يبلم مهرها .

هو ومراته زين أبوها

حيعمل إيه . . ما هو بيحبها

أهم . . أنا شايفهم جاين

روحية وحسن وصابر

كل يوم يخرجوا يسرحوا . . حسن يطبل .

وصابر يغنى . . وروحية ترقص وفي آخر

اليوم يلماوا لهم قرشين .

يعملوا إيه ؟ إذا كانت الناس مش .

لاقيه العيش — حسن: حيعمل فطير منين؟

(تدخل روحية وصابر وحسن)

صابر : (يفنى)

عطشان يا صبايا

دلوني على السبيل

وآدى السبيل قدامى

والقلل ملاينين

(الناس تترك ما هي فيه وتجمع حول صابر وروحية وحسن)

روحية : (وهى تلعب بالصاجات حسب إيقاع معين)

فطير بشكر .. فطير بشكر ..

أحد الناس : أرقص يا جميل ...

روحية : (تصيح بصوت عال) : أرقى

نفس الرجل : ارقصى يا حلوة ..

(حسن يطبل وروحية ترقص فترة والناس تصفق)

صابر : (يفنى مع الناي)

ياناس دممى فى عيونى سال
 كوانى الحب يا وعدى
 ياناس الليل على طال
 وتاه فكرى وأنا وحدى
 ياناس بعباد الحبيب
 مالى عليه اضطبار
 وأحب أمره عجيب
 خلعت فيه العذار
 الحب كان لى من سنين
 والقلب يعرف أليفه
 واللى انكتب على الحبين
 لا بد للمئين تشوفه

روحية : (مباشرة) فطير بشكر . . . فطير بشكر . . .

(حسن يطلبل وروحية ترقص) .

الملوانى : (داخلا مباشرة) ياناس يا هو .

ياناس يا هو

البيت حيقع .

الى يبينوه ييهدوه

والى ييهدوه ييبينوه

ياناس يا هو . . ياناس يا هو

(روحية توقف الرقص - الناس مستاءة - تنظر الى الملوانى فى غضب)

الملوانى : (متتهزأ الفرصة) ياناس يا هو

أحد الرجال : يا جدع حل عنا بقى . .

الملوانى : (مستمراً) ياناس يا هو . .

نفس الرجل : (متوعداً) باقول لك حلّ عنا . .

الملوانى : كان ياما كان

لسكن حاقول إيه

الزمان راح

وجه غيره زمان

والى كان موجود

أصبح مفقود

ولا كأنه كان (يخرج) .

أحد الرجال : أرقص يا جميل .

روحية : ارقصى ..

نفس الرجل : ارقصى يا سكره .

روحية : (تتأهب للرقص) فطير بشكر .. فطير بشكر ..

(تبدأ الرقص على طبل حسن ونفحاً يطفأ الضوء على المشهد ويضاء على الراوى رقم ٢) .

الراوى رقم ٢ : وهكذا يا سادة يا كرام ..

(مباشرة يظهر حسين وأمامه عربية الفطير ...) .

حسين : (وكأنه يتحدث إلى غريبة وهي واقفة أمامه) :

أيوه يا غريبة .. أيوه .. أنا جاى أهو ..

والله زمان يا غريبة .. وحشتينى .. وحشتينى قوى .

حلوة يا غريبة والله حلوة .. زى ما انتى ..

كنتى فىن يا غريبة .. ودوكى فىن ؟ ليه ما بتدريش ..

يا مراأتى يأ أم عيالى ؟ .. يا غريبة وانت قريبة

حلوة والله حلوة زى ما انتى .. طويلة (وكأنه يتحسسها)

سمره وشعرك وعيونك السود (فرحاً يتحسها)

مرأتى أم عيالى .. قريبة مش غريبة .. أمى وأختى ..
وأخويا ... وأبويا ... وعيالى ... وأصحابى ...
وأهلى كانهم ..

حلوة والله حلوة زى ما انتى طول غمرك يا غريبه ..
جسمك .. الواحد يمشى فيه أيام وليالى ما يعرفلوش
أول من آخر . وشعرك نازل لغاية رجلىكى لافف
بدنك حواليه وكفك العريض وفك شهد سلسبيل
وصدرك لما كشفتى عنه أول يوم والفجر لاح وكل ما فيكى
حلو جميل .. بالنهار وبالليل .

انت زعلانة منى يا غريبه ؟ أمال ما بتكلميش ليه ؟

مش تتكلمى .. تقولى حاجه ؟ هيه ؟ (كانه ينصت ليهيا)
ليه نمت وسبتهم يخطفوكى (كأنها تقول له شيئاً وهو يرد عليها)
ضربوكى ؟ عذبوكى ؟ معلش حقك على .. وآدى راسك
وآدى رجلك .. وآدى ايدك (يقبل رأسها وايدها ورجلها
(كأنها تقول له شيئاً) جوعوكى ؟ عطشوكى ؟ (يقف فجأة)

وينظر إليها من فوق لتحت وفجأة وبذعر) لكن
 ماقدروش .. ماقدروش يدنسوكي مش كده برضه ياغريبه
 مش كده ، ردی علی ؟ ما تبصليش كده .. لأ ..
 أنا عارف .. عارف أنك زي مانتی شریفه وطاهرة كل
 شبر فيكي من رأسك لرجليكي .. هه ؟
 (كأنها تقول شيئاً) بتقولی إيه ؟ نمت ليه وسبتهم يخطفوكي
 (بذعر وبصوت عال) ... ماعدتش حانام .. ماعدتش
 بأنام .. ماعدتش حانام .. حقلك علی .. وآدى رجلك
 (يقبل الأرض) وآدى ايدك .. غريبه .. رحتی فين ؟
 (كأنها اختفت) غريبة .. (مناديا ملثاعا) خطفوها ...
 خطفوها خطفوها (ينهار باكيا) .

الموازي (داخلا يصيح مذعوراً كن يوشك أن يضيع عنه شيء) .
 بلدی یا بلدی .. بلدی یا بلدی .. بلدی یا بلدی ...
 بلدی یا بلدی .. بلدی یا بلدی .. بلدی یا بلدی بلدی یا بلدی

يحكى أن .. يحكى أن
أميرة حلوة وصغيرة
خطفها الجان
وحبسها فى قصر واطى
له سبع حيطان
خرج الأمير عشان
يخلص الأميرة
أمير جميل مالوش مثيل
راح يطلب المعونة من أهل الأميرة
أهل الأميرة لقوه جميل طويل
وكانوا صفار أفرام
اتلموا عليه وقيدوه
وفى قصر على حطوه
وعبدوه ..
الأمير يصرخ ويقول
ما أنا إلا إنسان

سيبوني أخلص الأميرة
من أسر الجان
يقولوا له يامولانا
مادام انت معنا
الأميرة فى أمان
والأميرة بتصرخ ليل
نهار وتنين
جسمها كله جراح
من حراب الجان
والأمير فى سجنه
يسمع صراخ الأميرة
يبكى حزين موحود
إنسان ولا كل إنسان
لكن ما عاد يقدر
يعمل حاجه بعد
ماربطوا يديه ورجليه بالقيود
بعد ما عملوه — أستغفر الله معبود
(يخرج)

منار : (داخله) نبين زين ونخط بالودع .

أبو العجب : (داخل من الباب الآخر يقود أحد العميان وفي يد أبو العجب
منصباح علاء الدين) من هنا . . من هنا على بركة الله .
من هنا . . . من هنا . . على بركة الله

(يعود من الناحية الأخرى ومعه رجل أعمى آخر يقوده في الاتجاه الآخر وفي هذه
الأنثناء تكون زين أبوها قد جمعت حولها بعض الزبائن تقرأ لهم الودع)

الدرويش : (بصوت عال) سبحان الله . . من كان يضل البصر
أصبح يبصر الأعمى . . وحدوه . . .

(يدخل أحد العميان بتعثر — يسير إليه أبو العجب وبأخذ بيده
ويقوده) .

أحد الرجال : (الواقفين حول منار) يا الله يارجاله دى ما بتقولشى
حاجة تسرأ بدأ . .

منار : الحقيقة . . (ينصرف الناس الواقفين حولها) *

الدرويش : (بنفس طبعه الصوت) من كان يضل أصبح يهدى . .
وحدوه . . .

كورس دينى : (مباشرة) الله . . . الله . . . الله . . . الله . . . (بالدفوف)

(الراوى رقم ١) :

سبحوا من لا ينام
وصلوا على خير الأنام

محمد بن عبد الله
عليه الصلاه والسلام

قال الراوى ياسادة يا كرام

كلما تأزمت الأمور وشتد الكرب
وفتكت المجاعة بالمسلمين وكان
فتك الكفار بهم أقوى وأشد
كلما فعلت للأساة فعلتها في قلب
سیدی أحمد الإمام

فصار بالفعل لا يأكل ولا ينام
تمزق نفسه المواجهس والآلام
فارسل في طلب تلاميذه
السطوحيين وعلى رأسهم
متولى فتي الغربية المهام

(يسلط الضوء على سطح بيت الشيخ ركين حيث نرى السيد ومتولى
وعبد العال والكناس وأبو طرطور ويوسف الامباني والشيشيني) .

السيد : إلى متى السكوت على ما الفاس فيه من كرب ؟

الكناس : الفاس ياسيدى فى نوم عميق ..

السيد : لا .. انت تراهم نياماً .. ولكن ما هم بنيام ... فتحت
الجفون المغمضة أرى عيوناً حائرة مؤرقة .. وتحت الرماد
أرى جمرأ كثيراً يتأجج .

الكناس : ولكن ..

السيد : ولكن لا بد من يد تزيل الرماد حتى يصبح الحجر ناراً تتوهج
لا بد من يد تأخذ بيد الفاس وتساعدهم على السير .

عبد العال : وهذا مانحن فاعلون يا سيدى .

السيد : ولكنى لا أرى الناس تسير .

عبد العال : سيسرون بإذن الله .

السيد : لا . لقد اشتد الكرب .. واشتد السكوت على الكرب
وإذا جاز السكوت لمن لا يبصر ... فمن يبصر ويسكت
لا يستحق نعمة البصر .

أبو طرطور : لقد طمست الدنيا بصائر الناس .

السيد : ولكن الغشاوة زالت بفضل الله عن عيون خلق كثيرين .

عبد العال : وكل يوم يمضى يفك أسر الكثيرين .. هنا ..

الأمباي : وفي كل مكان .. الأحرار الآن لا عدد لهم .

السيد : الحر بعمله لا بنفسه . فإين العمل الذى يدل على الحر ؟

لقد طلبت إليكم أن تطلبوا إلى كل من كان أسيراً فأصبح
حرّاً أن يسعى إلى خلاص المسلمين . . فماذا فعلتم ؟

أبو طرطور : وهذا ما فعله ياسيدى .. فبغيتنا خلاص المسلم من نفسه ...

السيد : (مقاطعاً) خلاص المسلم من الضيم والهوان .. هذا ما أريد
خلاص المسلمين من الأسر .. من أسر الحاكم الظالم وأسر
الكافر المعتدى .

عبد العال : إننا نعد الناس ياسيدى وكل شيء بأوانه .

متولى : سيدى .

السيد : لقد اشتدت الظلمة حتى صارت الناس لا تتبين مواقع
أقدامهم .. وإذا لم يجدوا من يأخذ بيدهم اليوم فلن
يستطيعوا السير غداً أو فى أى وقت .

لا .. لم يعد هناك مجال للانتظار .

متولى : ولكن يا سيدى ..

السيد : اعرف ما تريد أن تقول يا متولى .. من استطاع أن يحرر نفسه هو الذى يستطيع أن يحرر غيره .

متولى : هذه حقيقة يا سيدى .. أدركها الآن كما لم أدركها من قبل .
السيد : وأنا أدركها الآن كما كنت أدركها من قبل ..

متولى : إذن ..

السيد : انتظر يا متولى ..

متولى (مقاطعا) : سيدى من لم يتحرر من نفسه وظن أنه حرر الناس
فياويل الناس منه .. سيجعل نهارهم ليلا ويدعى أنه
صاحب الفضل عليهم... لا حرروا النفوس أو لا تتحرر الناس
من الظالم والمعتدى ..

السيد : انت على حق ولكن هناك خلق كثيرون أصبحوا أحراراً
بعد أن كانوا أسرى .. لقد رأوا نور الله فى قلوبهم ...
ومن رأى نور الله فى قلبه ان يرضى بالضييم لنفسه أو
لغيره ... اجمع جيشك من بين هؤلاء واطرد
الكفار يا متولى ..

متولى : (لم يكن يتوقع هذا) سيدى .

السيد : لا وجود لمسلم حر مادام أخ له فى الإسلام ، أما زال عبداً ...
وهؤلاء الذين يقتلهم الكفار بأسروهم ويسلبونهم أرضهم
وأعراضهم كل يوم فى دمياط والمفصورة وغيرها من البلاد
هم أهلنا — شرفهم شرفنا ودمهم دمنا لأنهم أنت وأنا ..
نحن كلنا .. ونحن كلنا عبيد مادام الكفار فى أرضهم
فى أرضنا .. اذهب يا متولى واطرد الكفار المعتدين ..
وبعد ذلك ..

متولى : وبعد ذلك ..

السيد : وبعد ذلك ستنقش الظلمات وتستطيع الناس أن يتبين مواضع
أقدامها ففسير .

متولى : إلى أين ؟

السيد : إلى طريق الخلاص .

متولى : أرجو ذلك يا سيدى .

السيد : لقد اشتد الكرب .. والظلام يغطى الأرض (كمن يرى الظلام)
هذا الضوء الذى يغمرنا لا ينبغى أن يخدعنا .. فالظلام
لا أول له ولا آخر .. اذهب يا متولى وبدد الظلمات .

متولى : (يقبل يد السيد) سيدى .

السيد : (للسطوحين) وأنتم .. اذهبوا .. وادعوا الأحرار فى كل
مكان إلى الجهاد مع متولى .. فلا مكان لحر تحت سقف
داره . مكان الحر هناك فى مجابهة الظلام (يغطى عينيه يديه)
(يخرج الجميع) .

السيد : (وهو ما زال يغطى عينيه يديه) هذه الظلمات لا أستطيع
أن أبعدھا عن بصرى ..

(تدخل فاطمة بنت برى بملابس ريفية بسيطة وهى تلبس لنا ما يغطى وجهها
ومعها جرة ماء)

فاطمة : هل يشكو سيدى أماً فى عينيه ؟

السيد : (لا يسمعها مستمراً وهو شاخص بصره إلى أعلى) : إذا كنت
قد أخطأت ياربى فارشدنى ولكن لا تتركنى (صمت)
لا تدع شيئاً يقف بين مانريد وتحقيق ما نريد . ان حبك
يملاُ السماوات والأرض فاشملنى بحبك .

فاطمة : (هامة) سيدى .

السيد : (مستمراً لا يسمعها) ما اكتمل شئ إلا إذا أردت له

الا كتمال بيدك وحدك المصير .. ولسكن ربى متى ينتشر
النور .. اقم طال الانتظار .

فاطمة : سيدى ..

السيد : من أنت ؟

فاطمة : سيدى إني أقوم على خدمتك منذ شهر .

السيد : (وهو شاخص ببصره إلى أعلى) .. نعم .. نعم .

فاطمة : سيدى ..

السيد : ماذا تريدن ؟

فاطمة : هل تشكو ألماً فى عينيك ؟

السيد : عيناى بخير

فاطمة : قايى يحدثنى انك مريض

.. لا يجيب)

فاطمة : سيدى .. سبع أيام لم تشرب جرعة ماء ؟

(السيد لا يجيب)

فاطمة : ولم يغمض لك جفن .

السيد : أنى لك العلم بهذا ؟

فاطمة : يقلقك مصير المسلمين ... حتى لقد أصبح مصيرهم مصيرك .
فأنت أسير مع الأسرى .. جريح مع الجرحى .. ومع
قتلى المسلمين تموت مرات ومرات .. وبالدمع تبكى مع
اليتامى والمساكين .. قلبك ملء بحرارة المظلومين
وعجز اليائسين .

السيد : من تكونين ..

فاطمة : (مستمرة) وإلى المولى تبتهل مع المحرومين .. انت لا نظير
لك ومع ذلك فأنت لا وجود لك .. لقد وضع الله في قلبك
قلوب البشر أجمعين .

السيد : من تكونين ؟

فاطمة : إن كياني من كيان سيدي .

مسيد : فاطمة بنت برى .. ماذا تريدن

فاطمة : اِادتي من ارادتك .

السيد : ارفعي اللثام يا فاطمة وتكلمي .. ماذا تريدن .

فاطمة : (ترفع اللثام) ماذا أريد ؟ لقد قلت لك ياسيدي أن ليست لى

إرادة إلا ما تريده أنت - .

السيد : ما الذى أتى بك إلى هنا - تسكلمي يا فاطمة يا بنت برى .

فاطمة : ما الذى أتى بي إلى هنا ؟

السيد : نعم . . ماذا تريدین ؟

فاطمة : كنت أريد . . (تسكت) .

السيد : ماذا ؟

فاطمة : كنت أريد أن أقبع من صدرك وأنام . . . كنت أريد أن لا ابتعد عن عيني . . . فبدونك لم تكن على الأرض راحة لى أو سلام كنت أريد أن أكون زوجة لك أطهى الطعام الذى تأكله بيدي وأعد الوسادة التى تضع عليها رأسك بيدي — وعندما ترقد إلى جوارى أحس أن الكون كله قد أصبح ملك يدي .

كنت أريد أن أحمل منك أولاداً يملأون الأرض بصورتك كنت أريد أن أضملك إلى صدري كما تضم الأم رضيعها .. أن أضملك فى أحشائى لأحميك من غوائل الزمان كنت أريد . . . وكنت أريد . . . لم أعد أذكر ما كنت أريد . . .

السيد : ولكنك لم تذكرى ما تريدین الآن ؟

فاطمة : الآن ؛ أريد فقط ماتريده أنت . .

السيد : فاطمة بنت برى . . مالك شأن بما أريد .

فاطمة : بل هو شأني ومالي شأن سواه .

السيد : انت واهمة .

فاطمة : لا . . انى أعرف ما أقول . . لقد شملتني بحبك . .

السيد : ماذا ؟

فاطمة : كما شملت الناس أجمعين . . فأصبحت لا أرى إلا ما تراه

ولا أحس إلا ما تحسه ولا أريد إلا ما تريده . . .

السيد : اذهبي يا فاطمة وليعوضك الله خيراً .

فاطمة : الحمد لله . . لست أريد عوضاً عما أنا فيه . . أتظن أنى أتوق

إلى شيء مما كنت أريد ؟

لا لقد نلت فوق كل ما كنت أريد .

السيد : كيف ؟

فاطمة : كنت أريد أن أعيش بك ولذلك تخليت عن كل شيء

وجئت إلى هنا والتحقت بخدمة الشيخ ركين لأكون

بجانبك ولسكنى بعد أن عرفتكم ورأيت نور الله في

قلبك . . خجلت من نفسى فما أنا حتى استأثر بحبك ؟ ما أنا
حتى أعيش بك ؟

ويوماً بعد يوم وجدت نفسى أجزع للطير الجريح . . وعندما
يئن الأيام الحزين ينفطر قلبى وعندما تاسع الشمس جراح
الفقير المسكين أو دلو أصبح سحابة فى السماء تحجب الشمس
عنه . . فقد صرت دون علمى أعيش لك وأنت الذى تعيش
للخلق أجمعين .

أرأيت ياسيدى ما نلت ؟

السيد : بفضل الله . .

فاطمة : إن نوره فى كل مكان .

وهذه الظلمات التى تراها . . ستنقشع بإذنه .

السيد : مشيئته فوق مشيئتنا ومصير كل شىء بيده . .

اذهبي يا فاطمة . خدى الماء واذهبي ما حاجة بى إلى شراب .

فاطمة : سيدى . . هل يغفر الله لى ما اقترفت من ذنوب ؟

السيد : لو لم يكن الله قد غفر لك لما دخل الحب قلبك . . كما لم يدخل
قلوب الكثيرين . . اذهبي يا فاطمة على بركة الله .

فاطمة : سيدى .

السيد : اذهبي (بعد أن تذهب) عاد الظلام يغطي الأرض .

ما لهذا الليل يشتد ؟

(يطفأ الضوء على ويسلط على الراوى رقم ١) .

الراوى :

قلوب العارفين لها عيون

ترى ما لا يراه الناظرون

وأجنحة تطير بغير ريش

إلى ملكوت رب العالمينا

لدرويش : (بصوت عال)

يا عالماً بخفيتى

ياراحما لشكيتى

الكورس : الله الله الله .

مالنا مولى سواه

صلوا يا أهل الفلاح

على النبى زين الملاح

(بدخل أبو العجب وفى يده مصباح علاء الدين وهو يقود رجلاً أعمى يسير

به عبر المسرح) .

الدرويش : (مستترآ) صلوا على خير الأنام .
 المصطفى بدر التمام
 صلوا عليه وسلموا
 يشفع لنا يوم الزحام
 كورس : (داخلا) صلى الله عليه وسلم . . صلى الله عليه وسلم .
 (يعبرون المسرح)
 الراوى رقم ١ : (مباشرة)
 صلاة الله عليه فى كل لحظة
 صلاة الله على طه الأمين
 قال الراوى ياسادة يا كرام
 إن السطوحيين بعد ما خرجوا
 من عند سيدى أحمد الإمام
 ذهب كل منهم إلى حال سبيله .
 ولكن بدل أن يساعدوا المسلمين

على السير لخلاص المسلمين من

الكفار المعتدين كما

طلب إليهم سيدى أحمد

اجتمعوا كعادتهم بالمردين

وعقدوا حلقات الذكر

وقاموا وقعدوا

منشدين مهللين

حامدين شاكرين

وفى نهاية المطاف

قالوا وأعلنوا يا خفى الألفاف

نبحنا مما نخاف

ويارحم يارحم

اطرد الكفار المعتدين

من أراضى المسلمين

آمين . . آمين . . آمين .

الراوى رقم ٢ : (مباشرة)

وفى القاهرة ياسادة يا كرام
اجتمع متولى الغربية الفتى الهام
بأعوانه وأصحابه من الحكام
وطلب إليهم أن يعاونوه
فى تنفيذ أمر سيدى أحمد الإمام
فيدعوا الخلق لمقاتلة المعتدين
الكفار الأروام .
فصلوا على خير الأنام
وسبحوا من لا ينام
بيده وحده المصير
وإليه كل شىء يسير
فبعد أن اجتمع الأصحاب الحكام
بالوزير المهاب متولى الفتى الهام
توجه كل منهم . . سليمان ولقمان
وسعفان ونعمان إلى داره

وأكل وشرب وحمد الله ثم نام
تمام كما فعلوا عندما طلب إليهم
موتوى تأديب الممالك وعزلهم منذ أيام
حيهموا إليه ؟ ما هو مش معقول
يعزلوا الممالك... طبعاً والا يعزلوا
أنفسهم كان ..

هم مش بقوا منهم . . أو على الأقل
بمالك زيهم تمام ؟

أما بالنسبة لدعوة الناس للنضال
فالشىء هو نفس الشىء والحال هى
نفس الحال . .

إذ لم يكن من المصريح به فى أى مكان
أن يدعو المملوك الناس للحرب والنضال
إلا بإذن وبأمر المملوك الأعظم
مولام جميعاً السلطان . .

وهكذا ياسادة يا أفاضل يا كرام
فضلت الحال زى ماهى

على غير ما يرام
يعنى فى الحقيقة — زفت وقطران
ولا تؤاخذونا فى هذا الكلام
فقد جرت العادة أن يقال
تأدياً أو مراعاة للمجال
إن ليس فى الإمكان
أحسن مما كان
يرجع مرجوعنا ياسادة الآن
لأصحابنا وأولاد حتننا
خلوصى وأبو الذهب وحسن
والملاوى وغيرهم من الجدعان ...

(يضاء النور على المشهد فى زقاق الخنش حيث نرى حسن جالساً يتحدث إلى
صابر وبعض الناس ملقاه على الأرض من فرط الجوع والإعياء) .
الراوى : حسن وصابر أهم بيكلموا (يحاول الانصات)
يا ترى بيكلموا على إيه .
عجيبه .. بيكلموا على عجيبه ؟

فسبحان صاحب الملك سبحانه .

حسن : أربعين يوم دلوقتي من يوم ما أخذها سنجق الكلب . .
ما عدتش حشوفها لأ . . . أنا قطعت الأمل خلاص .

صابر : ياراجل حرام عليك . .

حسن : ماهي إذا كانت هربت صحيح . . كانت جت !

صابر : كل الناس بتقول انها هربت . . تبقى ضروري هربت . .
حسن : آه . . هربت . . يقولوا . . وبيقولوا كان انه ما لمسهاش

يا ترى ما لمسهاش صحيح ؟

صابر : ولا قرب لها . .

حسن : يعني أنت كنت معاها ؟

صابر : يمكن .

حسن : يا شيخ انت فايق ورايق باين عليك . . (صبت) .

مالك ؟ زعلت ؟ حاكم انت زعلك قريب . . ما تزعلش

حقك على . . احنا نعرف بعض من أد إيه ؟ من يوم ما قالوا

عجيبة هربت . . . افكرت . . . ثلاثين يومنا ياسلام ولا

ثلاثين سنة . راحت فين بس ؟

صابر : تلاقيها مستخبية

حسن : مستخبية من إيه ؟

صابر : من رجالة السجق .

حسن : آه كانوا يفتشوا عليها في كل مكان .. ما يكونوش عتروا
فيها ولاد الكلب ورجموها له ؟

صابر : لأ .

حسن : ليه لأ .. وجايز يكونوا لقوها وقتلوها . .

صابر : لأ .

حسن : كل شيء جايز .

صابر : لا .. ما يقدروش يقتلوها . .

حسن : ما يقدروش ليه ؟ دى ضعيفة وغليانة . .

صابر : شكها إيه يا حسن ؟

حسن : شكها ؟ جلوة .. حلو أوى . .

أحلى واحدة في الدنيا . .

صابر : طويلة والإ قصيرة .. بيضة والاسمرة ؟

حسن : طويلة .. في طولك كده .. وسمرة في لونك كده .

صابر : يعنى شهبى ؟

حسن : لأ (طويلة) بأه هى خنشورة زيك كده ؟

دى شعرها نازل لغاية رجليها ... وعنيها (يتأمل عيني صابر)

صابر (بسرعة بغير الحديث) : روحية غابت والجوع قرص ..

حسن : جايز ما لقتش أبو الذهب فى البيت .. والله أبو الذهب

ده حيطير عقلى — أجوزها له ازاي بس ؟

صابر : وما تجوزها لوش ليه ؟ ولا انت عاوز تجوزها ؟

حسن : عيب يا صابر ماتزعلتتش منك .

صابر : ما هو مادام عجيبة ما رجعتش ؟

حسن : لغاية آخر يوم فى العمر حاسقناها .. دى لى ودى أنا لياها

وهى لى .. عجيبة وهى عجيبة ..

(تدخل روحه ومعها أبو الذهب)

أبو الذهب : (وهو يخرج رغيفا من جراب الحاوى) :

ولا مؤاخذه يا رجالة ... خفت أديها الرغيف ...

الناس تخطفه منها .. الحالة بقت ككرب خالص ...

الغيطان ما عادش فيها زرع .. الناس بتاكل الزرع ..

وبتاكل الطين .

(حن يكسر الرغبة ويوزعه على وروحية وصابر) .
أبو الذهب : لا مش كده .. كل واحد يخبي لقمته بديل جلايته .
بأيتها حاجة خدى يا روحية المنديل ده . . .
(وهو يبتعد عنهم) الناس بقت بتا كل فى السر
الطف بعبيدك يارب . . . امتى بقى تتحقق الأحلام . . .
ونشوف الحال بقى غير دا الحال . . ياترى يا شيخ خلوصى
عاملين فيك إيه ؟ كلامك الخلو ما يفارقش ودانى والا
قلبك الطاهر الحزين حقه لو تشوف الناس مترمية فى
الشوارع لسانها مدلدل قدامها زى الكلاب الجعانة . . .
ما اعرفش كفت تعمل إيه ؟ أنا فاكرك فى كل لحظة وكل
حلم باحلمه باشيلهولك . . امبارح حلمت . .

الملاوى : (داخلا) (كمن يتحدث نفسه ببطء وهدوء)
كان ياما كان . . . كان يا ما كان . . لكن حاقول إيه .
الزمان راح وجهه غيره زمان . . . واللى كان موجود
أصبح مفقود ولا كأنه كان .

(الملاوى يعبر المسرح ويخرج)

أبو الذهب (محدثاً نفسه مازال فى نفس الحالة النفسية) : أيوه كان
يا ما كان . . كان إيه ؟ الوليه دى اتأخرت ليه ؟ كل ده بتم

عشر دنانير ؟ عشر دنانير هم الى فاضلين . . . وروحية تبقى
مرأتى . . ملك يعينى . . . يا سلام . . لكن الواحد مش
عارف كده ماله . . . قلبه مقبوض ... زعلان . . . اللهم
اجعله خير . .

(كورس دينى بالدقوف مباشرة) ارفع عنا غضبك عنا يارب .

ارفع مقتك عنا يارب

الله . . الله . . الله . . ياخفى الألفاظ نجما مما نخاف .

الله . . الله . . الله . . ارفع غضبك عنا يارب .

ارفع مقتك عنا يارب

الله . . الله . . الله . .

(يعبر المسرح ويخرج ونسمعه على يعد — لكن بمجرد خروجه نسمع
صوت الأذان) .

الله أكبر . . الله أكبر .

(حسن وصابر وروحية يأكلون ويتهاسون) .

أبو الذهب : الحمد لله . .

خلوصى : (يدخل مباشرة) سلام عليكم .

أبو الذهب : (وهو يهيب للقائه) الشيخ خلوصى — حبيبى -- صاحبى

(يأخذه بالأحضان ويمسح الدموع من عينيه) .

حسن : (يهرع لايه) الحمد لله على السلامة . .

أبو الذهب : أقعد يا صاحبي خرجت امتي ؟ لكن انت

ضروري جعان -- خد

(يخرج لقمة عيش من جرابه ويقدمها لخلوصي)

خلوصي : خليها لك ..

أبو الذهب : إيه ؟ كانوا بيوكلوكم في الحبس ؟

خلوصي : خرجونا عشان ما كانوش عارفين يدفنونا . . وكل يوم

كان عدد اللى ييموتوا من الجوع بيزيد . .

أبو الذهب : طب كل ..

خلوصي : خليها لك .. ازاي الحال ؟

أبو الذهب : زى ما انت شايف . . ليلة إمبارح حلت حلم . . لكن

(تدخل زين أبوها)

أبو الذهب : جيتي يا ولية . . (مادا يده) هاتى .

(زين أبوها لا تجيب)

أبو الذهب : إيه ما فيش ؟

زين أبوها : (بخوف وتردد) لأ فيه . .

أبو الذهب : طيب هاتى .

زين أبوها : استنى شويه

أبو الذهب : مالك خايفه من إيه ؟

زين أبوها : أيوه خايفة ..

أبو الذهب : ماتخافيش هاتى .

(زين أبوها نضع يدها في عنبرها ثم تتردد فتخرجها بسرعة)

أبو الذهب : مالها دى؟ ماتخافيش قلت لك .

زين أبوها : طب احلف .

أبو الذهب : على الطلاق بالثلاثة ما أنا مطلقك .

حسن : كلام إيه ده ؟

أبو الذهب : (مصححاً نفسه) على الطلاق لو طلقتك تبقى روحيه

كان طالق .. عاجبك كده : هاتى بأه ..

زين أبوها : (تخرج النقود وتقدمها له) خد .. المصير بيد الله .

أبو الذهب : (وهو يخرج من جيبه كيساً ويضيف إليه النقود بسرعة ويقدم

الكيس لحسن) . خلاص يا حسن أهم بقوا ٣٠٠ دينار خد .

حسن : خليه معاك لما تجيب المأذون .

أبو الذهب : نروح نجيب المأذون .

حسن : ومستعجل على إيه ؟

أبو الذهب : ليك طلبات ثانية .

حسن : لا ..

أبو الذهب : (وهو يسير خارجاً) خلاص . . مالك ومالى بأه ؟
(يدخل موكب من الناس رجال ونساء وأطفال يقودون حماراً ركب عليه
بالمقلوب الأمير بلبغان مخلوق الرأس وهم يزفونه) .
بعض الناس : البلبغان المفترى الكحيان .

كورس : من ده بقرش
بعض الناس : البلبغان الظالم أبو قردان .
الكورس : من ده بقرش
بعض الناس : البلبغان الحيوان ابن الحيوان .
كورس : من ده بقرش .

روحية : (الحسن) دا الأمير بلبغان . . الأمير بلبغان !
حسن : ماتخافيش كده . مالك خايفه من إيه .
خلوصى : الناس صاحيه . . . صاحيه وهى بتموت من الجوع
(لأحد الرجال) مسكتوه ازاي ؟

الرجل : عامل قاضى القضاة ابن الجاهل . . نازل شفق وحبس فى
الخلق زى ما يكونوا عبيد أبوه . . اتربصوا له . . وقفشوه
كان خارج من عند الحريم — أول شىء عملوه — مسكوا
شعره حلقوه وبعدن على الحمار ركبوه وهم راحين يشفقوه .
يستاهل يا أخى يلعن أبوه .

خلوصى : (لنفسه تقريباً ولكن بصوت عال) الناس صاحبة ..

صاحبة رغم كل شيء ..

صابر : (لزين أبوها) ماتخافيش .. حسن مش ممكن يحوزها إلا بموافقة الحاج مراد .

زين أبوها : (عقلها مشقت) الحاج مراد ؟

صابر : آه — مش هو اللى أودعها عند حسن نسيتي والا إليه ؟

زين أبوها : أيوه صحيح .. لكن انت عرفت إزاي ؟

حسن : (منادياً) صابر .. يا الله .

صابر : أيوه يامعلم ..

حسن : فين الناي .. روحية (منادياً) .

روحية : فطير بشكر ..

حسن : استنى انتى شويه ..

الملوانى : (داخلا) يا ناس يا هو . . . ياناس يا هو ..

البيت نصه وقع .. والنص الثانى خلاص حقيق .

الى يبينوه يهدوه . واللى يهدوه يبنوه .

يا ناس ياهوه .

(الناس على وشك الانصراف) ياناس ياهو

حسن : صابر .

صابر : (منشداً) ..

أروح لمن أشكى — وأرجع لمن أبكى .

على غزال شرد منى وكان ملسكى .

يارب من كنت أحبه أختلى به يوم

روحية : (بنقمة معينة والصابجات) فطير بشكر . فطير بشكر

(ترقص فترة قصيرة)

صابر : (منشداً)

عطشان يا صبايا

دلونى على السبيل

وآدى السبيل قداى

والقلل مليونين

روحية : (بنفس النعمة والصابجات ترقص) فطير بشكر فطير

بشكر ...

أحد الرجال : أرقص يا جميل .

روحية : أرقى .

المأذون : فين العروسة ؟

أبو الذهب (مشيراً إلى روحية) : أمي
 المأذون : استغفر الله — تجوز غازية ؟
 أبو الذهب : دي روحية يامولانا روحية ..
 المأذون : روحية والا بدريه — برضه غازية .
 القواص : وسع يا جدع لمولانا السنجق
 حسن : يا سهار اسود .
 القواص : وسع يا جدع ..
 حسن : (يهرع إليه) الحاج مراد
 القواص : (مستتراً) مراد بك .
 حسن : مراد بيه ؟
 روحية : فطير بشكر (وهى مازالت ترقص) .
 الحاج مراد : حسن (منادياً) .
 (حسن يذهب إليه ويتهاوسان)
 روحية : (مستمرة فى الرقص) . فطير بشكر ..
 الحاج مراد (مصفقا يديه وبلهجة الأمر مناديا) : حوران .
 (روحية تذهب إليه وتقبل يديه ثم تسير معه إلى الخارج)
 أبو الذهب : (كالملسوع يجرى إلى مراد) انت واخدها ورايح على
 فين ؟ عاوز تحطفها زى منطال ما خطف عجيبة ؟

لا . . مش كل الطير الى يتاكل لحمه . .

(يجذب ذراع روحه) تعالى هنا . . انت واخذها ورايح

على فين ؟

مراد : انت عاوز منها إيه ؟

أبو الذهب : عاوز منها إيه ؟ عاوز أجوزها المهر في جيبى
ولماذون أهو

مراد : تتجوز مين ؟

أبو الذهب : أجوز روحيه إيه ؟

مراد : انت باين مجنون ؟

أبو الذهب : وبتقبح كان . . لأ ما تقبحشى لحسان . .

مراد : (لروحية) ياالله . .

أبو الذهب : ياالله فين ؟ روحية مش خارجة من هنا بقول لك .

مراد : روحية مين ؟ ياراجل انت عاوز تجوز راجل ؟

أبو الذهب : دى راجل دى ؟ انت حقتغل على والا

فاكرينى بأريل . .

مراد : الى واقف قدامك ده . .

أبو الذهب : برضه بيقول واقف . يابيه فتح عينك . .

مراد : (مقاطعا) ففتح انت عينك .. ده يبقى للملوك بتاعى واسمه

حوران (مراد يزيل الباروكة من على رأس روحية فيظهر الملوك

على حقيقته) .

أبو الذهب : (مصعوقا) يأنهار زى القطران .

مراد : يا لله يا حوران .

أبو الذهب : حوران .. دى روحية الله أنا صاحى والا نايم

يا جدعان ؟ حسن .. إيه الحكاية ده شغل عفاريت .

حسن : ولا عفاريت ولا حاجة ... الحاج مراد بقى من الممالك

آدى الحكاية .

أبو الذهب : أنا مش فاهم حاجة .

خوصى : مش فاهم إيه ؟ الحاج مراد بقى من الممالك زى بقيتهم ..

زى نعمان .. وسعفان .. ونعمان .. وسليمان .. وبرهان

آدى الحكاية . .

أبو الذهب : طب هم بقوا ممالك ياخدوا منى أنا ليه الفتايه .

زين أبوها : فتايه ؟ انت لسه بتقول فتايه ؟ فوت قدامى .

الراوى رقم ٢ :

يامصر يا أم الدنيا

كل ما فيكى عجب

الولد يتقلب بنت

والبنت تنقلب ولد

مش كده يا بو الذهب ؟

طبعاً كلنا عارفين السبب

الحاج مراد بعدما بقى من الممالك

جه ضد المملوك اللى كان مخفيه

عشان حسب القانون

أصبح له دلوقتى الحق فيه

ما علينا يا سادة يا كرام

أنا شايف مقولى الفتى الممام

مختار مهموم زعلان

عشان بقاله أيام طويلة

ما وقفش على بابہ انسان

الناس انصرفت عنه ليه

ييسأل الحاجب بتاعه رشوان

رشوان رد عليه وقال

أنا ما أعرفش فيه ليه

أنا كنت باشتغل مع لقمان

وانت كان عندك الحاجب عثمان

متولى رد وقال إذا كانت

الناس مش هاوزه تيجى لى

أنا حاروح للناس

(يطفأ الضوء على الراوى ويضاء على ساحة الخنش حيث نرى متولى والى

جانبه الحاجب رشوان وحوله بعض الناس منهم خلوصى وشحط) .

متولى . أنا عاوز أعرف منكم الأحوال . . . فى الحقيقة عندى كم

سؤال . . . كل شارع مریت فيه النهارده لقیمت ناس

کثیر نایمین . .

شحط : جرى إياه يا وزير . . . الى شفتهم نايمين دول مش

نايمين . . . دول ميتين . .

متولى : ميتين ! من إيه . فيه مرض . .

شحط : لأ . . ما فيش أكل . .

متولى : والأكل راح فين .

شحط : الأكل قافل عليه منطاش . .

متولى : منطاش فى السجن .

شحط : أنهى سجن ده .

متولى : اسمعوا يا إخوان . . أنا بعد ما طردت الوزير بهرام .

خلوصى : كان عقدنا فيك أمل كبير . .

متولى : أنا خدت الوزارة عشان أحقق الآمال . . عشان أغير

الأحوال . . وليل نهار .

شحط (مقاطعاً) : احنا مش عايزين غير لقمة العيش وكلمة الحق . .

كده باختصار . .

متولى : أنا رجعت أنقاضى العادل .

خلوصى : ومين الى جاب الكلب بلبغان .

متولى : أنا ماجيتش بلبغان . . . أنا أمرت بعزله . . . هو دلو قتي

بلبغان موجود . .

شحط : لأ مش موجود . . . تعيش انت . .

متولى : طيب . .

شحط : طيب إيه . . احنا اللى عزلنا بلبغان وقتلناه كان . .

خلوصى : وبعد إيه . . . بعد ما نزل تقتيل وتعذيب فى الناس . .

متولى : يا إخوان أنا عاوز كم تحطوا أيديكم فى أبدى . .

خلوصى : وبعد ما نخط ايدينا فى ايديك . .

شحط : آه حتعمل إيه .

متولى : قول حنعمل إيه . . احنا ضرورى كلنا نتعاون . .

خلوصى : على إيه .

متولى : انتم ضرورى تفهموا الوضع كويس . . بالنسبة للماليك أنا

أمرت بعزله من جميع الوظائف . . .

خلوصى : ورجالتك ! الحسكام بتوعك عزلتهم هم الآخرين .

متولى : وأعزل رجالتى إيه . أنا باقول عزلت للماليك .

خلوصى : وسعفان ييه ولقمان ييه ونعمان ييه وسليمان ييه ماهمش مماليك

أمال يبقوا إيه ؟

متولى : مش معقول ..

رجل ٢ : والناس كان بتقول ...

رجل ١ : لأ ما يصحش ..

متولى : الناس بتقول إيه ؟

شحط : أنا أقول لك الناس بتقول إيه .. الناس بتقول انك انت
كان بقيت مملوك ..

متولى : مش معقول .. مش معقول ..

أنا الى اتخلت عن كل شىء ..

أرضى كلمها وزعتها .. وبيتى ..

اللوانى (داخلا يصيح بأعلى صوته) : يا ناس يا هو .. البيت حيقع
حيقع على الى فيه .. حيموتوا كلتهم الى ما هديهوش
واللى هدوه .. يا ناس يا هو .

أحد الرجال : (داخلا يصيح عذراً) يا ناس يا هو ...

سقفان بيه ولقمان بيه جاين .. جاين ..

(الناس تجرى مذعورة خارجة وهى نصيح يا خبر اسود يادى المصيبة لالخ)

خلوصى (يصيح في الناس) : يا ناس اثبتوا .. اقفوا مكانكم خافين ليه ؟
ليه خافين ؟

(يخرج وراء الناس ويسمع صوته من وراء الكواليس وعندما يبقى على المسرح متولى ورشوان فقط يطفىء النور على المشهد ويسلط على الراوى رقم ٢)

الراوى رقم ٢: طبعاً متولى وقف مكانه

وجنبه الحاجب بتاعه رشوان

ودخل سغفان ولقمان

ووراهم نعمان وسليمان

وجرى بين متولى

فتى الغربية الممام

وأصحابه الأربعة اللى

بايده عملهم حكام

حديث طويل وكلام

الدرويش: (داخلا مباشرة بصوت عال)

كل الأبواب لقد غلقت

. إلا باب الأحد الصمد

يامالك يوم الدين ومن

لم يولد قط ولم يلد

كن غوثاً لي من كل بلا

من كرب الآن وهول غد

كورس : (يعبر المسرح بسرعة)

الله .. الله .. الله .. الله.

الراوى رقم ١ : سبحوا من لا ينام .

وصلوا على خير الآنام

محمد بن عبد الله

عليه الصلاة والسلام

سيدى أحمد بن بدوى مريض

تنهش جسده الحى منذ أيام

طريح الفراش لا يقوى على الجلوس

ولا يقوى على القيام

ومع ذلك فمكرب المسلمين

لا يفارقه يضيفه أكثر من كربه
يشقيه يمزقه

(يسقط الضوء على سطح الشيخ ركين حيث يرى السيد برقد على فراش
بسيط وتقف إلى جانب رأسه فاطمة بذت يرى) .

السيد : (صارخاً) عليهم .. عليهم ..

فاطمة : أتحارب لهم في غفوك يافتي الفتيان ..

وهم في صحروهم لا يباليون نيام ؟

السيد : (صارخاً) آه ..

فاطمة : ليتني أستطيع أن أفعل شيئاً يجلب الراحة إلى قلبك ولكن

ماذا تستطيع امرأة .. أو رجل .. ولن يشفى

القلب النائر الغضبان إلا زوال الكرب عن المسلمين ؟

لو أنني استطعت أن أجعلك تتزوجني لعشت معي كما

تعيش بقيت الرجال مع زوجاتهم برغد العيش ودفيء القراش

عن كرب المسلمين لاهين ..

ولكنك است كبقية الرجال — لا ... ولا أرضى أن

تكون مثلهم ولو كان في هذا جنتي ونعيمي ..

هذه الجرة المتقدة في صدرك لا تنطفئ ..

ما أبهاها قبس منى نور .. مكانها فى صدور بعض الرجال
رماد .. ترى كالذى تطأه الأقدام ..
وعبثاً تحاول يا سيدى أن توقد النار فى الرماد ..
السيد: آه .. آه ..

فاطمة : سيدى وحبيبي ... ماذا بك ؟
هل أصابوك بسهم من سهامهم الخبيثة ..
لا .. إنهم لا يستطيعون .. فلو فعلوا لما قلت آه .
انت لا تحس إلا آلام الآخرين .. (صمت) .
آه لهذا الجبين الطاهر ما أبجله (تضع خدها على جبينه) .
النار بدأت تنطفئ والحمى تزول .. نم يا طفلى ..
لا ... إن مثلك لا تلد النساء ... ومع ذلك أود لو
أستطيع أن أضعك فى إحشائي يا طفلى الجميل ..
السيد : عليهم .. عليهم ..

فاطمة : فتى الفتيان مالك والسيف يا أشجع الشجعان
(صمت) يا حبيبي أنت كالنبع ... صافى كالسماء لا ينقطع
منه الماء منهل للجميع ... مالك والسيف يا حبيبي وأنت

تروى الصادى والظلمان

الحب شأنك .. والحب والسيف متضادان

الحب أقوى من السياف نعم ولكن ماذا يستطيع أن يفعل

الحب فى عالم لم يعد فيه للحب مكان ؟

السيد : آه .. آه ..

فاطمة : ليت الأرض تنشق وتبتلعنى ولا أسمع سيدى يقول آه

أوليتى أصبح جميع الجرحى واليتامى والمظلومين .. لما تأملت

أولتأملت بعيداً حيث لا ترائى عين حبيبى ، فلا أسمعهم يثن

هذا الأنين ..

أوليتنى أصبح ساحرة .. لزعت الحب فى قلوب الناس أجمعين

فيعيشون فى سلام .. لا ظالم ولا مظلوم ولا تمس ولا حزين .. فهذا

ما تريد يا حبيبى ومن أجله تشقى وتئن هذا الأنين ..

السيد : آه ..

فاطمة : (بسرعة وحراره أكثر)

ليتنى أصبح وباءاً يفتك بأعداء المسلمين ..

ليت لى سواعد رجال الأرض أجمعين .

ليتنى أصير رجلاً بل ألف رجل .. بل خمسين ألف

بالسلاح والعتاد مدججين .. لطردت الكفار المعتقدين ..

حتى لا أسمع سيدى وحيدى يُن هذا الأنين ..

السيد : (يهم قاعدا) ماء .

فاطمة : سيدى (تهز جرة الماء) فى الحال يا سيدى ..

(تخرج بسرعة لتلأ الجرة)

السيد : (وحده) يبدو أنى نمت نوماً طويلاً . . . كيف هذا ؟

(فزعا) كيف تسير الأمور . . . انتصرنا . . . طردناهم ..

و . . . (يتوقف فجأة) لا . . . هذه رؤيا رأيتها فى المنام . . .

وما زالت تلح علىّ . . .

متولى : (داخلاً يأخذ يد السيد ويقبها) سيدى .

السيد : متولى . . . هزمتهم ؟ طردت الكفار يا متولى وأسرت

ملكهم ؟

(متولى لا يجيب)

السيد : كفت بارعاً فى الطعن والقتال . . . هكذا رأيتك فى المنام .

(متولى لا يجيب)

السيد : وفى النهاية انتصرت عليهم وشتت شملهم . .

أليس كذلك ؟

(متولى لا يجيب) .

السيد : متولى لم لا تجيب ؟ (سمت) هل خذلك رجالك ؟
متولى : نعم خذلونى .

السيد : كيف ؟ لم يصمدوا فى وجه الكفار ؟ هربوا ؟
متولى : لا . .

(فاطمة تدخل ومعها جرة ماء)

السيد : (لفاطمة) لا أريد الماء .
فاطمة : سيدى . . .

السيد : اذهبي . .

السيد : كيف خذلك إذن تكلم ؟

متولى : سيدى . . . إلى لم أجمع جيشاً ولم أذهب لمحاربة الكفار . .
السيد : لم ؟ .

متولى : لأنى لا أستطيع . .

السيد : كيف ؟ لقد قلت أنك تستطيع

متولى : كنت أظن ذلك . . .

السيد ؟ وما الذى غير ظنك ؟

متولى : إني لم أعد من كنت . . . أنت تظن أن الذى يقف أمامك
الآن هو متولى الثائر الغضبان . . . لكن لا ياسيدى . . .
انت واهم . . فما أنا إلا حاكم كبقية الحكام . . . مملوك
وضيع من ممالك السلطان .

السيد : ماذا تقول ؟

متولى : أقول ما يقول الناس .

السيد : أى ناس ؟

متولى : كل الناس

السيد : ويملك . . لقد تحقق مأخشاها .

متولى : إني حكمت فأصبحت كسائر الحكام . . . أرضى بظلم الناس
ولا يهمنى إلا ما يؤيد حكمى ؟ لا ياسيدى . . ليس هذا
ما حدث . . . أنا لم أنخل عن كيافى أبداً . . لقد كنت دائماً
الثائر الغضبان الذى يسعى إلى خدمة الناس لا إلى حكمهم .
السيد : فيم إذن لوئلك الناس ؟

متولى : الناس ؟ الناس لا تلوث أحداً . . . نحن نلوث أنفسنا . . .
بأيدينا هذه لقد حكمت لأزبل كرب المسلمين . . .

فماذا حدث ؟ ببدي هذه زدت كرههم كرباً . . . فهل

هذا ذنب الناس ؟

السيد : ذنبك انت ؟

متولى : نعم ذنبى . . . وليس ذنبى . . فكيف يصنع الإنسان ما يريد

والذى يتحقق طول الوقت هو عكس ما يريد ؟

فى الوقت الذى كهت أظن أنى وفرت القوت للناس

كانت الجماعة تقتلهم بالآلاف . . ولقد رأيت الناس بنفسى

تفر أمام رجالى — كما لو كانوا وباء .. أتعلم يا سيدى لماذا ؟

لأن رجالى الأحرار الثوار أصبحوا من أمراء الممالك . .

جئنا لنقضى على الأفاعى فأصبحنا أفاعى تأكل الناس . . .

فهل يلام الناس إذا ظنوا أنى مثل بقية رجالى ؟ متولى

النائر الفضبان الذى اشترى حريقه بفقره . . . الذى تحلى

عن كل شىء حتى لا يصبح عبداً لشىء هو الآن . . مملوك

عبد وسيظل كذلك إلى أن يموت وحتى بعد أن يموت .

السيد : ولسكنك يا متولى ما زلت . .

متولى : (مقاطعاً) ما زالت التأثير الغضبان . . نعم . . . ولكن أين ؟

داخل نفسى حبيساً لا يرانى ولا يعرفنى أحد . .

وإذا صدرت منى يوماً بادرة غضب أو ثورة فسيقول الناس

إنى مجنون أو مشعوذ أو أفاق . . . لأن متولى الذى

يعرفونه مملوك وضع لا يعرف الثورة أو الغضب

وهكذا يوماً بعد يوم سأسطر إلى أن أزدرد ثورتى وغضبى

فتنتهى وأصبح متولى الذى يعرفه الناس الآن . أو تتحول

فى حلقى إلى علقم يملأ الصدر مرارة كمرارة العاجزين . . .

السيد : بيده وحده المصير . . وماذا فعلت بهؤلاء الأعوان ؟

متولى : وماذا أملك لهم ؟

السيد : تعزلم . .

متولى : وبعد ؟

السيد : تضع أعوانا غيرهم . . رجالاً أحراراً فلا يملك تحرير غيره

إلا من حرر نفسه .

متولى : أدرك هذه الحقيقة . . ولكنى أدرك أيضاً حقيقة أخرى . .

لا أحد يستطيع تحرير الناس إلا الناس أنفسهم . .

السيد : ولقد تحرر من الناس عدد كبير .. آلاف .. وآلاف
حرروا أنفسهم من أسر أنفسهم ..
متولى : كان هذا ظنى أيضاً ياسيدى ..
السيد : ظنك ؟ ماذا تعنى ؟

متولى : لو أنك شاهدت الناس وهم تجرى أمام رجالي لأدركت
ما أدركته أنا .. خاق تخلت عنهم الدنيا يموتون جوعاً
ومع ذلك فهم يفرون كالجرذان أمام من كانوا السبب في
شقائهم .. مم يخشون ؟ على أى شيء يبقون ..
لم لا يصمدون ؟ لا ياسيدى لقد انطفأت النار في قلوب الرجال
ولن يشعلها

السيد : (مقاطعاً) لن يشعلها إلا عمل كبير يجتمعون عليه — متولى
خذ الأحرار واذهب لطرد الكفار ..
متولى : سيدى .. أنا ..

السيد : انت ما زلت الثائر الغضبان أمام نفسك وأمام الله
عليهم يا متولى .. عليهم .. (يرى فإطاعة) أعطنى الماء ..

فاطمة : (وهو تغطيه الماء تلمس يده) سيدي .. يدك تلسع كالنار ..

لقد عادت الحى ..

السيد : (لفاطمة) نادى عبد العال .

(فاطمة تخرج)

متولى : (وهو يتجسس كف السيد) سيدي مريض .

السيد : إننى بخير .. متولى الثائر الفضيان .. انت أمل يامتولى ..

عليهم .. عليهم ..

عبد العال (داخلا) سيدي ..

السيد : اين الرجال يا عبد العال ؟

عبد العال : أى رجال ياسيدي ؟

السيد : المريدون الأحرار ؟

عبد العال : بالباب خلق كثيرون .

السيد : خذهم يامتولى .. خذ كل الأحرار واطرد الكفار ... أذهب

متولى : ولكن يا سيدي ..

السيد : أذهب ولا تخش شيئاً .. أنهم جميعاً يعرفونك .. يعرفون

متولى الثائر الفضيان — لامتولى الذى صنعه الأعوان .

مقولی : سیدی ہذا ، ، ،

السید : سادھم علی حقیقتک . . تعال معی .

عبد العال : سیدی . . انت مریض .

السید : ومن اليوم سليم ؟ (وهو يسير خارجاً) .

عبد العال : (معترضا طريقه) سیدی مکانک هنا .

السید : مکانی حیث یحتاجنی الخلق . . افسح

(يطفأ الضوء على المشهد ويسلط على أمام بيت الشيخ ركن — جمهور كبير —
رجال ونساء وأطفال — بينهم قاطمة بنت يري — والشيخ الكناس والإمامي
وأبو طرطور — السطوحين يقفون صفا بين السيد والناس) .

السید : (بخطب في الناس) . . إنه ليس كما صوروه . .

لقد ظلموه

سجنوه

قتلوه

ولكنه حيّ — حر — طليق

النائر الغضبان

الذى لا يرضى بالضميم

ولا يسكت على الهوان

إنه يقف بينكم

(مشيراً لبعض الناس) أمامكم

(مشيراً إلى متولى) هذا هو .

فتى الغريبة

متولى الهمام

بعض الناس : الله .. الله ..

رجل ١ : يا منقذ من عصاه

رجل ٢ : يا كريم يا رحيم .

أزل كرب المسلمين

السيد : (مستمراً) اشتد الكرب

النهار ليل بهيم

البحيم فتحت فاهها

تلتهم المسلمين

بعض الناس : يا خفي الألفاف

نجنا مما نخاف

يا خفي الألفاف

نجنا مما نخاف

السيد : (مستراً) عليهم عليهم أيها الناس

اطردوا الكفار المعتدين

بعض الناس : مدد ياسيد يا بدوى . مدد

أغننا يا سيد أغننا ..

السيد : المفيث هو الله ..

كورس : الله .. الله .. الله ..

السيد : (مستراً) أيها الناس — لقد تحررتم بفضل الله من حب

الدينيا فأنتم الآن الفقراء الأحرار ..

رجل ١ : يا الله .. باعظيم يا جبار يا قهار ..

رجل ٢ : نسألك الفقر مما سواك .

والفنى بك حتى لا نشهد إلا إياك .

السيد : (مستمراً) ولن يزيل كرب المسلمين .

إلا الأحرار الأبرار .

بعض الناس : مدد يا سيد مدد .

رجل ١ : يارب ياتواب تفتح لنا الأبواب .

السيد : بإذن الله ولكن بأيديكم أنتم أيها الناس تفتح الأبواب

رجل ٣ : ارفع مقتلك عنا يارب .

كورس : الله .. الله .. الله ..

السيد : أيها الناس ماذا دعاكم ؟ لقد اشتد الكرب ،

بعض الناس : مدد يا سيد مدد .

السيد : استمعوا إليّ . . . لقد أصبحتم أحرارا بفضل الله .

فقيم هذا السكوت ؟ فيم هذا الرضى بالضميم والموان ؟

إذهبوا وأزبلوا السكرب عن المسلمين . . إطردوا الكفار

المعتدين . .

رجل ٣ : مدد يا سيد مدد .

رجل ٤ : أغثنا يا سيد أغثنا .

أمرأة ١ : يا أبو الفرج .

إمراة ٢ : يا بر الأمان .

السيد : أيها الناس ألا تسمعون ؟ ألا تفهمون ؟ ماذاهاكم ؟

رجل ٤ : ماذا تريد ؟ أن نحارب الكفار المعتدين ؟

السيد : نعم .. أليس هذا ..

رجل ٤ : ولماذا نقاتل الكفار المعتدين

وسيدى أحمد البدوى يستطيع أن

يقتلهم بنظرة عين ..

رجل ٣ : نعم فسيدى أحمد يحمى حمى

المسلمين .

السيد : ماذا ؟

رجل ٣ : ألا تعلم هذا ؟

رجل ٢ : إنه يفك أسرى المسلمين

رجل ١ : ويأتى بهم فى الهواء طائرين

السيد : صارخاً لقد اشتد الكرب .

رجل ٣ : ج كرب المكرويين

رجل ٢ : ما لجأ إليه ذو حاجه . . إلا انتقضت حاجته . .

رجل ١ : وما قصده مصاب

إلا هانت مصيبة ..

رجل ٤ : يشفى المرضى .

إمرأة ١ : ويحيي الموتى

رجل ٢ : أبو الفرج

إمرأة ٢ : ندهة المنضام ..

رجل ٤ : مجيب الأسارى .

رجل ٣ : بر الأمان .

متولى : (صارخاً) أيها الناس ...

ليس هذا أحمد البدوي

انه ليس كما صوروه

لقد حجبوه عنكم

سجنوه

قتلوه ..

بعض الناس : (غير مبايلة - غير منصته)

مدد يا سميع مدد

أغثنا يا سميع أغثنا ..

السيد : (صارخاً وقد غطى عينيه بيديه)

يا للهول .. من سيزيل كرب المسلمين

من سيطرده الكفار المعتدين .

والكل اليوم عبد سجين ..

بعض الناس : مدد يا سيد .. مدد

كورس : الله .. الله .. الله ..

(يستمر الكورس إلى بعد أن يطفأ النور على المشهد ويضاء على السطح
حيث ترى السيد وعبد العال وبعض السطوحين ومتولى وفاطمة) .

السيد : ما أنا هكذا وأنتم تعلمون

أنا إنسان أحب الإنسان

أحب أن أرى الإنسان سيداً

أمره بيده — لا عبداً أمره

يبد غيره — وأحب أن لا

يفعل الإنسان إلا ما يليق

بالإنسان فلا يسكت على ظلم

ولا يرضى بالهوان .
فلماذا جعلتم الناس
تبيعني أرواحها
وما كآني إنسان كباقي الناس
بل شيطان ؟
من تسكونون ؟
اذهبوا فلا شأن لي
بكم بعد الآن .
النور الذي في قلوب الناس
كنت أظن أنكم قد بصرتموه
فراؤوه . . . ولكنكم أطفأتموه
فعميت البصائر . . . وعم الظلام . . .
والنور الذي وهبني الله
كنت أظن أني أعطيته للناس
ولكنكم عنهم حجبتهم
حبستهم في صلدي

ولن يراه أحد
وإذا لم يره غيري
فكيف أراه ؟
كيف أراه ؟

سوف تشتد الظلمة
وكرب المسلمين
والكفار المعتدين . .

(وقفة)

نحن يامتولى لا نصنع ما نريد
لأننا لا نملك أن نكون
لأن من حولنا هم الذين يصنعوننا
هم-الذين يملكون
أن نكون أو
لا نكون . . كما يريدون (واقفة)
فقيم إذن نريد
وفيم نكون
وفيم السير

والحركة
والصمت أجدى
والسكون

(السلطوحين) اذهبوا فلم يعد عندي

ما أقول .. أبدأ ..

(السلطوحيون مخرجون)

فاطمة : بل ستقول يا سيدى وتقول رغم أنك أردت الصمت ولن
تفتح فاك أبداً . . . وستسمع الناس ما تقول وغداً وبعد غد
وفى كل زمان وسيعرفون . . . سيعرفون مالا
يعرفون الآن ..

وستكون يا سيدى ستكون لا كما صورك بل كما
أنت كما كفت دائماً تكون ولا تكون لا تعيش
لنفسك ولكن للبشر أجمعين تجاهد مع المجاهدين
وتئن مع المظلومين وإذا ألم بك كرب فذلك لأن الكرب
قد ألم بالمسلمين . . . ولا تظن يا سيدى أن أحداً يستطيع
أن يحبس النور مهما طال الزمن فالنور دائماً يجد
طريقه إلى الناس وينتشر . . .

متولى : ويوما ما سينتشر النور حتى يملأ الأرض والسماء
 حب الإنسان للإنسان . . . انتصار الإنسان على كل ما هو
 عدو للإنسان وحتى من يحاولون حبس المنور عندما
 يرونه سيهرم فيسجدون له ويسبحون به لأنه نور الله . . .
 على الإنسان دائماً أن يبحث عنه لكي يجده
 لكي يراه . .

(يطفأ الضوء على المشهد ويسلط على الراوى رقم ١)

الراوى رقم ١ :

بيده وحده المصير .

وإليه كل شيء يسير

فسبحوا من لا ينام

وصلوا على خير الأنام

محمد بن عبد الله

عليه الصلاة والسلام

الراوى رقم ٢ : صلاة الله على طه الامين

صلاة الله عليه في كل حين

حسين (صارخا) : المولد خلص وغريبة مارجمتش

أجيبها منين ياناس ؟ أجيبها منين ؟

المولوى : (صارخا) : المولد خلص أروح فين ياناس

أروح فين ؟

(أبو العجب ينفخ فى مصباح علاء الدين ليطفئه مباشرة يظهر قوس قزح
بحيث يملأ المسرح بألوان الطيف تصاحب هذا موسيقى توحى بمرور الزمن) .

منار : بسم الله الرحمن الرحيم داخلهم والا علم ؟

الدرويش . وحدنوه .

(أبو الذهب داخلا ووراوه أصوات تردد الحاوى . . . الحاوى . . .)

أبو الذهب : حاوى إيه اللي انتم عاوزينه ؟ الناس كلهما صحيت

وانتم لسه نايمين ؟ الناس قطعوا على لقمان وأصحابه الطريق

لقمان وأصحابه فص ملح ودابوا ؟

صابر : وحسن يا أبو الذهب ماشفتوش

أبو الذهب : بيدور على عجيبه بقاله يومين ..

صابر : وحيلاقيها منين ؟ حيلاقيها فين ؟

أبو الذهب : وخلصى يا صابر ما ظهـرش ؟ جمعتين دلوقتى وهو

راخر مخنفى ..

شحط (داخلا) : بينا يا رجالة ما فاضلش غير السكـلب منطاش

العساكر محاولة يئته ونازلين ضرب في الناس .. لكن الناس
ولاهامهم .. ثابتين يقع منهم ألف في الحال يحل محلهم ألفين .
الملاوى : بلدى يا بلدى .

يا أعز من عيني

يا أغلى من ولدى .

المنادى (داخلا) : يا مسلمين يا مسلمين .. المنصورة .. رجعت
بقت منصورة .. الكفار غرقهم المسلمين في البحر الصغير ..

خلوصى : (داخلا) : يا مسلمين ..

أبو الذهب : خلوصى ؟ أنت كنت فين

خلوصى : كنت معاهم في المنصورة .

مع أولاد البلد والعرب

والفلاحين ..

واقفين كلهم يد واحدة ثابتين

بنفسهم .. بالله .. بحقهم في الحياة

مؤمنين .. الكفار شافوا

كده هربوا مذعورين

والناس وراهم يطاردوهم

فى كل مكان .. ومعام .. فى وسطهم
 قدامهم .. وخلفهم .. كلهم .. متولى التأثير الفضبان ..
 حسن (داخلا) : منطاش يا رجاله .. منطاش ..
 صابر (برع ليه) : حسن .. أنت كنت فين ؟
 حسن (ستمراً) : زحفت على بطلى زى الثعبان .. شبر
 شبر فوق الجدران الليل بطوله لغاية ما وصلت
 ونزلت شافنى الجبان عرفنى .. صرخ لكن
 بايدي دى خنفته وشلته رميته وقع فوق رجالته —
 جريوا زى الفيران .. لكن عجيبة ..
 عجيبة يا رجاله ..
 صابر : أنت خلصتها ..
 حسن : وإيه الفايده بعد ما فقدتها ؟
 صابر : أزاى فقدتها وأنت رجعتها ؟
 حسن : رجعتها فين يا صابر ؟ رجعتها فين ؟
 صابر (يخلم البروكة) : حسن .. يا حسن ..
 حسن : عجيبة .. يابنت عمى .. يالحى ودعى ..
 حسين : غريبه .. غريبة ..

الملواني : بلدى يا بلدى
يا أعز من عيني
يا أغلى من ولدى
كل شيء يهون
عشانك يا بلدى
عشان تكونى
وعشان أكون
عشان نكون
كلنا نكون
يا بلدى يا بلدى
مستعار

المطبعة الفنية الحديثة
٢٠ شذيع الاصبيغ الزينون ت ٨٦١٨٧١



مكتبة الإسكندرية

Bibliotheca Alexandrina



0699043

٢٥